



1 2 3

4 5 6 7 8 9 10

20 1 2 3 4 5 6 7 8 9 30

C 40-46-14

了翁上座請大藏及  
家書置杭州紫雲山  
我微笑塔院丘中永  
為學者不敢許出院內  
當山三世鐵牛株譁志



B 64853

教外傳卷七

南嶽下二世

天王道悟禪師

馬祖一  
法嗣

天王道悟禪師諸宮崔氏漢子玉之胤十五出家二十三受戒三十謁石頭頻沐指示而不契次謁忠國師三十四與國師侍者應真南還謁馬祖祖曰識取自心本來是佛不屬漸次不假修持體自如如萬德圓滿師於言下大悟祖囑曰汝若住持莫離舊處師蒙旨已便返荆門去郭不遠結草爲廬節使來訪師不爲加禮節使怒擒師擲江中及歸見徧衙火發且

1 2 3 4 5 6 7 8 9 20

30 1 2 3 4 5 6 7 8 9 30

聞空中天王神嗔責聲遂哀悔設拜烟焰頓息宛然如初乃躬往江邊迎師見師在水都不濕衣益自敬重于府西造天王寺供師○龍潭信問從上相承底事如何師曰不是明汝來處不得龍潭曰這箇眼目幾人具得師曰淺草易爲長廬○僧問如何是玄妙之說師曰莫道我解佛法好曰爭奈學人疑滯何師曰何不問老僧曰卽今問了也師曰去不是汝存泊處○師常曰快活快活及臨終時叫苦苦又曰閻羅王來取我也院主問曰和尚當時被節使拋向水中神色不動如今何得恁麼地師舉枕子曰汝道當時

是如今是院主無對便入滅

按景德傳燈錄下出石頭遷遷稱青原

皇悟悟下出龍潭信信下出德山鑒鑒下出雪峯存存下出雲門偃玄沙備備再傳爲法眼益皆謂雲門法眼二宗出自青原石頭雖二家兒孫亦自謂青原石頭所自出不知其差悞所從來久矣道悟同時有二人一住荆南城西天王寺嗣馬祖一住荆南城東天皇寺嗣石頭下出龍潭信者乃馬祖下天王道悟非石頭下天皇道悟也何以明之按唐正議大夫戶部侍郎平章事荆南節度使丘玄素所撰天王道悟禪師碑云道悟渚官人姓崔氏子王之後亂也年十五依長沙寺曇翥律師出家二十三詣嵩山受戒三十參石頭頻沐指示曾未投機次謁忠國師三十四與國師侍者應真南還謁馬祖祖曰識取自心本來是佛不屬漸次不假修持體自如如萬德圓滿師於言下大悟祖囑曰汝若住持莫離舊處師蒙旨已便返荆門去郭不遠結草爲廬後因節使顧問左右申其端緒節使親臨訪道見其路隘車馬難通極目荒榛曾未修削覩茲發怒令人擒師拋於水中旌旆纔歸乃見徧衙火發内外烘燄莫可近之唯聞空

10 1 2 3 4 5 6 7 8 9

10

10

10

聲曰我是天王神我是天王神節使回心設拜煙燄都息宛然如初遂往江邊見師在水都不濕衣節使重伸懺悔迎請在衙供養於府西造寺額號天王師常云快活快活及臨終時叫苦苦又云閻羅王來取我也院主問曰和尚當時被節度使拋向水中神色不動如今何得恁麼地師舉桃子云汝道當時是如今是院主無對便入滅當元和三年戊子十月十三日也年六十五坐六十三夏嗣法一人曰崇信卽龍潭也城東天皇道悟禪師者協律郎符載撰碑乃與景德傳燈合其碑云道悟姓張氏婺州東陽人十四出家依明州大德祝髮二十五受戒於杭州竹林寺初參國一留五年大曆十一年隱於大梅山建中初謁江西馬祖二年參石頭乃大悟遂隱富陽紫陵山後於荆南城東有天皇廢寺靈鑒請居之元和二年丁亥四月十三日以背痛入滅年六十坐三十五夏法嗣三人曰慧真曰文貴曰幽闇今荆南城東有天皇巷存焉唐聞人歸登撰南嶺讓禪師碑列法孫數人於後有天王道悟名圭峯答裴相國宗趣狀列馬祖法嗣六人首曰江陵道悟權德輿撰馬祖塔銘載弟子慧海智藏等十一人道悟其一也又呂夏卿張

## 南嶺下三世

龍潭崇信禪師

天王悟 法嗣

澧州龍潭崇信禪師渚宮人也初悟和尚居天王寺師家於寺巷其家賣餅師日以十餅饋之天王食畢常留一餅曰吾惠汝以蔭子孫師一日自念曰餅是

1 2 3 4 5 6 7 8 9 20 30

1 2 3 4 5 6 7 8 9 30

我持去何返遣我其別有旨乎遂造問焉天王曰是汝持來復汝何咎師聞之頗曉玄旨因投出家服勤左右一日問曰某自到來不蒙指示心要天王曰自汝到來吾未嘗不指汝心要師曰何處指示天王曰汝擎茶來吾爲汝接汝行食來吾爲汝受汝和南時吾便低首何處不指示心要師低頭良久天王曰見則直下便見擬思卽差師當下開解笑嚴寶云龍潭這麼答若非悟去幾成世諦若實會得凡聖祇有虛名迷悟皆爲剩法若實未會不可暗驕趁大際復

問如何保任天王曰任性逍遙隨緣放曠但盡凡心別無聖解○李翹刺史問如何是真如般若師曰我

無真如般若李曰幸遇和尚師曰此猶是分外之言

南嶽下四世

德山宣鑒禪師

龍潭信法嗣

鼎州德山宣鑒禪師簡州周氏子常講金剛般若後聞南方禪席頗盛師氣不平乃曰出家兒千劫學佛威儀萬劫學佛細行不得成佛南方魔子敢言直指人心見性成佛我當擣其窟穴滅其種類以報佛恩遂擔青龍疏鈔出蜀至澧陽路上見一婆子賣餅因息肩買餅點心婆指擔曰這箇是甚麼文字師曰青龍疏鈔婆曰講何經師曰金剛經婆曰我有一問你

1 2 3 4 5 6 7 8 9 20

30 1 2 3 4 5 6 7 8 9

若答得施與點心若答不得且別處去金剛經道過去心不可得現在心不可得未來心不可得未審上座點那箇心師無語遂往龍潭至法堂曰久嚮龍潭及乎到來潭又不見龍又不現龍潭引身曰子親到

龍潭師無語遂棲止焉

雪竇顯云將錯就錯

雲峯

知龍潭將錯就錯識休咎底衲僧必知去處未過關

殺者亦宜辨取還相委悉麼縱饒裁種得不是棟梁材

金栗悟云既云潭又不見龍又不現因甚道子親

到龍潭怎麼大似方木逗圓窓

且道什麼處是親到處試斷看

師一夕侍立次龍潭

曰更深何不下去師珍重便出却回曰外面黑龍潭點紙燭度與師師擬接龍潭復吹滅師於此大悟便

禮拜龍潭曰子見箇甚麼師曰從今向去更不疑天

下老和尚舌頭也至來日龍潭陞座謂衆曰可中

箇漢牙如劙樹口似血盆一棒打不回頭他時向孤

峰頂上立吾道去在師將跪鈔堆法堂前舉火炬曰

窮諸玄辯若一毫置於太虛竭世樞機似一滴投於

巨壑遂焚之於是禮辭○抵鴻山挾襍子上法堂從

西過東從東過西顧視方丈曰有麼有麼鴻山坐次

殊不顧眄師曰無無雪竇顯着語云勘破了也

便出至門首乃曰

雖然如此也不得草草遂具威儀再入相見纔跨門

提起坐具曰和尚鴻山擬取拂子師便喝拂袖而出

1 2 3 4 5 6 7 8 9 20 30

雪竇着語云 滝山至晚問首座今日新到在否首座  
勘破了也

曰當時背却法堂著草鞋出去也滝山曰此子已後  
向孤峰頂上盤結草庵呵佛罵祖去在

雪竇着語云  
雪上加霜煩

云一勘破二勘破雪上加霜曾險墮飛將軍入虜  
庭再得完全能幾箇急走過不放過孤峯頂上草裏  
坐咄五祖戒云德山大似作賊人心虛滝山也是  
賊過後張弓昭覺勤云雪竇道勘破且道是勘破  
德山爲復勘破滝山徑山呆云二尊宿恁麼相見每人失却一隻眼

○師住澧陽三十年屬唐武宗廢教避難於獨浮山之石室大中初  
武陵太守薛廷望再崇德山精舍號古德禪院堅請  
居之大闡宗風○小參示衆曰今夜不答話問話者  
三十棒時有僧出禮拜師便打僧曰某甲話也未問

和尚因甚麼打某甲師曰汝是甚麼處人曰新羅人

師曰未跨船舷好與三十棒

法眼益云大小德山話作兩榦報慈遂云叢

林中喚作隔下語且從祇如德山道問話者三十棒  
意作麼生德山密云大小德山龍頭蛇尾雪竇

顯云此二老宿雖然裁長袖短舍重從輕要見德山  
老漢亦未可在何故然不知德山握閫外之威權有  
當斷不斷不招其亂底劔諸人還識新羅僧麼只是  
撞着露柱底瞎漢滝山喆云德山大似清平世界  
錚甲磨槍這僧不惜性命身挨白刃法眼道話作兩  
榦大似藥病相治圓明道龍頭蛇尾也是金鑰難辨  
雪竇道撞着露柱底瞎漢截斷衆流如今還有人爲  
新羅僧作主麼出來與大滝相見乃豎拂云去去西  
天路迢迢十萬餘五祖演云衆中舉者甚多會者  
不少且道向甚處見德山有不顧性命底出來道看  
若無山僧爲大衆與德山相見去也待德山道今夜  
不答話問話者三十棒但向道某甲話也不問棒也  
不喫你道還契他德山麼到這裏須是箇人始得  
黃龍清云雖則雪竇高提祖令坐斷寰區只解瞻前

10 1 2 3 4 5 6 7 8 9

20

1 2 3 4 5 6 7 8 9 30

不能顧後這僧堂出來什麼處是撞着露柱處還有人辨得麼若也辨得不唯與新羅僧雪屈亦見當人眼目分明若辨不得非唯新羅僧撞着露柱盡大地衲僧箇箇出來撞着露柱 昭覺勤云德山大似金輪聖主寰中獨據四方八表無不順從等閼布一勅施一令直得草偃風行若不是這僧爭見殺活擒縱威權自在法眼圓明雪竇雖則直指單提各能扶醫德山要且只扶得未後句未扶得最初句且作麼生是德山最初句大鵬欲展摩霄翅誰顧巔騰六合雲護國元云忒煞倚勢欺人山僧見處也要諸人共知這僧當時若是箇漢待他道你是甚處人便與掀倒禪牀剔起便行直饒德山牙如劍樹口似血盆也須倒退三千里何故識法者懼 金栗悟云古今拈提者極多錯會者不少殊不知德山出一計要尋知已這僧若是敵手他打時但接棒輕輕推一推不唯絕斷他後來葛藤管這老漢必也全身遠害 ○

龍牙問學人仗鎗鋤劖擬取師頭時如何師引頸近前曰因

法眼益別云汝向甚麼處下手龍牙曰頭落也師呵呵大笑

龍牙後到洞山舉前話洞山曰德山道甚麼龍牙曰德山無語洞山曰莫道無語且將德山落底頭呈似老僧看龍牙方省便懺謝有僧舉似師師曰洞山老人不識好惡這漢死來多少時救得有甚麼用處保福展云龍牙只知進前不知失步翠巖芝云龍牙當山無機鋒度爲當別有道理良久云德山引頸龍牙獻劖東禪觀云龍牙抱劖傷身自招過咎德山爲頭作主幸好機籌忽被洞 ○ 雪峯問從上宗乘學人還有分也無師打一棒曰道甚麼曰不會至明日請益師曰我宗無語句實無一法與人雪峯因此有省嚴頭聞之曰德山老人一條脊梁骨硬似鐵杓不折

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

然雖如此於唱教門中猶較些子

保福展問招慶祇  
如巖頭出世有何

言教過於德山便恁麼道招慶云汝不見巖頭道如何  
人學射久久方中保福云中後如何招慶云展闍黎  
莫不識痛痒保福云和尚今日非唯舉話招慶云展  
闍黎是甚麼心行明招慶云大小招慶錯下名言

○示衆曰道得也三十棒道不得也三十棒臨濟聞得謂洛浦曰汝去問他道得爲甚麼也三十棒待伊打汝接住棒送一送看伊作麼生洛浦如教而問師便打洛浦接住送一送師便歸方丈洛浦回舉似臨濟臨濟曰我從來疑著這漢雖然如是你還識德山麼洛浦擬議臨濟便打

嚴頭叢云德山老人尋常祇  
據一條白棒佛來亦打祖來

亦打爭奈祇些子

東禪齊云祇如臨濟道我從前  
疑著這漢是肯底語不肯底語爲當別有道理試斷

看○上堂問卽有過不問猶乖有僧出禮拜師便打

僧曰某甲始禮拜爲甚麼便打師曰待汝開口堪作甚麼○師令侍者喚義存

卽雪

存上來師曰我自喚義存汝又來作甚麼存無對○上堂我先祖見處卽

不然這裏無祖無佛達磨是老臊胡釋迦老子是乾

屎橛文殊普賢是擔屎漢等覺妙覺是破執凡夫菩

提涅槃是繫驢橛十二分教是鬼神簿拭瘡疣紙四

雲門偃云  
讚佛讚祖

果三賢初心十地是守古塚鬼自救不了

須是德山老人始得  
琅琊覺云諸方若與麼會入  
地獄如箭射只如雲門與麼道也是入地獄如箭射

○有僧相看乃近前作相撲勢師曰與麼無禮合契

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

山僧手裏棒僧拂袖便行師曰饒汝如是也祇得一半僧轉身便喝師打曰須是我打你始得曰諸方有明眼人在師曰天然有眼僧擎開眼曰猫便出師曰黃河三千年一度清天童華云這僧是透閑底漢若下只如德山道黃河三千年一度清非德山本分鉗鎚幾乎死在句又作麼生嶺梅殘雪裏雲鬢未梳時○師見僧來為閉門其僧敲門師曰阿誰曰師子兒師乃閉門僧禮拜師騎僧項曰這畜生甚處去來○僧叅師回維那今日幾人新到維那曰八人師曰喚來一時王按著○問凡聖相去多少師便喝○師因疾僧問還有不病者也無師曰有曰如何是不病者師曰阿哪阿哪

師復告衆曰捫空追響勞汝心神夢覺覺非竟有何事言訖安坐而化

南嶽下五世

巖頭全儼禪師

德山鑒法嗣

鄂州巖頭全儼禪師泉州柯氏子優游禪苑與雪峰欽山爲友自杭州大慈山遷迤造于臨濟屬臨濟歸寂乃謁仰山纔入門提起坐具曰和尚仰山取拂子擬舉師曰不妨好手○叅德山執坐具上法堂瞻視德山曰作麼師便喝德山曰老僧過在甚麼處師曰兩重公案乃下叅堂德山曰這箇阿師稍似箇行脚

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

人至來日上問訊德山曰閣學是昨日新到否曰是  
德山曰甚麼處學得這虛頭來師曰全巖終不自謾  
德山曰他後不得孤負老僧○一日參德山方跨門  
便問是凡は聖德山便喝師禮拜有人舉似洞山洞  
山曰若不是巖公大難承當師曰洞山老人不識好  
惡錯下名言我當時一手擡一手搊雪竇顯云然則  
德山門下草偃打

風行要且不能塞斷天下人口當時纔拜劈脊便打  
非唯剣絕洞山亦乃把定巖老還會麼李將軍有嘉  
聲在不得封侯也是閑耶那覺云巖頭無人問着  
不妨奇特纔被洞山腦後一錐便乃冰消瓦解昭  
覺勤云德山據令而行只得一半洞山通方有眼千  
里同風巖頭既善據虎頭又能收虎尾大似作家戰  
將臨陣扣敵七事俱全不妨奇特敢問那箇是一手  
擡一手搊處謂言侵早起更有夜行人徑山果云

猛虎不識穿穿中身死蛟龍不怖劍劍下身亾巖頭  
雖於虎穿之中自有透脫一路向劍刃上有翻身之  
機若仔細檢點將來猶欠悟在卽今莫有爲巖頭作  
主底麼出來與大慧相見良久喝一喝拍一拍泊合  
停囚長智教忠光云還知三大老落處麼德山和  
身放倒洞山帶水施泥若非巖頭具通方眼有格外  
機爭顯功高汗馬且作麼生是一手擡一手搊處殺  
人刀活人劍楚石琦云德山咬猪狗手脚巖頭鋟  
了底精金驀劄相逢更無回互將他八兩換得半効  
洞山雖是作家也只傍觀有分妙喜費許多氣力作  
什麼拈拄杖○雪峰在德山作飯頭一日飯遲德山  
畫一畫云一

1 2 3 4 5 6 7 8 9 30 1 2 3 4 5 6 7 8 9

堂果與尋常不同師至僧堂前拊掌大笑曰且喜堂

頭老漢會未後句他後天下人不奈伊何雖然也祇

得三年活

德山果三年後示滅

明招謙代德山云

箇獨眼龍元來只有一隻眼妹不知德山是箇無齒大蟲若不是巖頭讖破爭得明日與昨日不同諸人要會未後句麼只許老胡知不許老胡會

云德山巖頭一狀領過雪峯一千五百人善知識地在鴻山喆云巖頭大似高崖石裂直得百里走獸

潛蹤若非德山度量深明爭得昨日與今日不同鴻山果云古今無異路達者共同途透出威音外須

明時後符且道那裏是巖頭讖破德山處若檢點得出非但參學眼明亦乃領過雪峯其或緇素不辨邪

妙云佛祖緣古今公案其中誦說無出於此或謂巖頭智過於師故有密啓其意妹不知犯彌天之咎萬劫遭殃且道利害在甚麼處撫掌大笑云侍者分

明記取三十年後有人證明千巖長云末後句子布演說山僧也不論他刦外今時向初托鉢處只道

箇蒼天蒼天無事不畢大眾會麼更發一頌以爲良鑑頃云蒼天蒼天密密綿綿坐斷象後壁立空前恒

沙頭角到此盡捐蕩蕩然四方獨步落落然八表無牽針毛栗芥通成曲拍手隨緣唱囉哩徑山信云

密啓其意壁上貼門神低頭歸方丈慚惶殺人果與尋常不同毫釐有差天地懸隔也祇得三年活我爲法王於法自在豈受人塗汚咄咄

峰與雪峰欽山聚話雪峰蓦指一椀水欽山曰水清月現雪峰曰水清月不現師踢却水碗而去○師與雪峰同辭德山德山問甚麼處去師曰暫辭和尚下山去曰子他後作麼生師曰不忘曰子憑何有此說師

東京大学総合図書館所蔵

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

曰豈不聞智過於師方堪傳受智與師齊滅師半德  
曰如是如是當善護持二士禮拜而退○師住鄂州  
嚴頭值沙汰於湖邊作渡子兩岸各挂一板有人過  
渡打板一下師曰阿誰或曰要過那邊去師乃舞棹  
迎之一日因一婆抱一孩兒來乃曰呈橈舞棹卽不  
問且道婆手中兒甚處得來師便打婆曰婆生七子  
六箇不遇知音祇這一箇也不消得便拋向水中

那

覺云欺敵者亾  
身泥水老婆雖有丈夫手段也是家醜外揚  
瑞云綿裏有針泥裏有刺不妨這婆子具如此之見  
若不是嚴頭大難祇對當時纔見婆來便擰船別去  
直饒蕩盡世界手段到這裏也沒處施呈  
乃呵呵笑云此婆子圖箇什麼嚴頭當時待他纔拋

便拏春一棹俱打入水中始較些子何故不見道祇  
這一箇也不消得  
徑山信云這婆子雙髻若是嚴  
頭和這婆子送向水中令他母子聚頭無離骨肉頑  
云不消這箇意如何賣弄家私臭老婆惡浪千層捲  
殘月萬山愁  
斷白雲多

○上堂吾嘗究涅槃經七八年覩三兩  
段義似衲僧說話又曰休休時有一僧出禮拜請師  
舉師曰吾教意如人字三點第一向東方下一點點  
開諸菩薩眼第二向西方下一點點諸菩薩命根第  
三向上方下一點點諸菩薩頂此是第一段義又曰  
吾教意如摩醯首羅擘開面門豎亞一隻眼此是第  
二段義又曰吾教意猶如塗毒鼓擊一聲遠近聞者  
皆喪此是第二段義時小嚴上座問如何是塗毒鼓

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

師以兩手按膝亞身曰韓信臨朝底小嚴無語

徑山  
呆舉

了喝云  
縮頭去○夾山下一僧到石霜纔跨門便道不審石

霜曰不必闇黎僧曰恁麼則珍重又到師處如前道  
不審師噓一噓僧曰恁麼則珍重方回步師曰雖是  
後生亦能管帶其僧歸舉似夾山夾山上堂曰前日  
到嚴頭石霜底阿師出來如法舉似前話其僧舉了

夾山曰大衆還會麼衆無對夾山曰若無人道得山

僧不惜兩莖眉毛道去也乃曰石霜雖有殺人刀且

不得

○

師與羅山十塔基羅山中路忽曰和尚師回

顧曰作麼羅山舉手指曰這裏好片地師咄曰瓜州

賣瓜漢又行數里歇次羅山禮拜問曰和尚豈不是

三十年前在洞山而不肯洞山師曰是又曰和尚豈

不是嗣德山又不肯德山師曰是羅山曰不肯德山

卽不問祇如洞山有何虧闕師良久曰洞山好佛祇

是無光羅山禮拜

徑山果云嚴頭來仔細點檢將來未免觸體敲磕

○

問僧甚處來曰西京來師曰黃巢過後還收得劍

麼曰收得師引頸近前曰因曰師頭落也師呵呵大

笑僧後到雪峰雪峰問甚處來曰嚴頭來雪峰曰嚴  
頭有何言句僧舉前話雪峰便打三十棒趕出

鴻山  
詎云

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

這僧黃巢過後曾收得劍却向巖頭處施設及至雪峯前鋒鉗不露何故爲他巖頭大笑一聲直得天地暗四方絕唱若不得雪峯幾乎陸地平沉不見道殺人刀活人劍承天宗云可惜許這般漢只學得勝負之法殊不知是生滅之因我當時若見但向他道作家作家教他擔板過一生○僧問雪

峰聲聞人見性如夜見月菩薩人見性如晝見日未審和尚見性如何雪峰打拄杖三下僧後舉前語問師師與三摶雪竇顯云應病設藥且與三下若據令而行合打多少○德山一日謂師曰我這裏有兩僧入山住庵多時汝去看他怎生師遂將一斧去見兩人在庵內坐師乃拈起斧曰道得也一下斧道不得也一下斧二人殊不顧師擲下斧曰作家作家歸舉似德山德山曰汝道他如何

師曰洞山門下不道全無若是德山門下未夢見在○僧問塵中如何辨主師曰銅鈔鑼裏蒲盛油

招慶

問羅山云巖頭道銅鈔鑼裏蒲盛油意旨如何羅山召大師招慶應諾羅山云獮猴入道場羅山却問明招有人問你作麼生明招云箭穿紅日影徑山果頌云獮猴入道場箭穿紅日影兩箇老古錐擔雪共填井一喝○瑞巖問如何是毗盧師師曰道甚麼瑞巖

再問師曰汝年十七八未○師嘗謂衆曰老漢去時大吼一聲了去唐光啓之後中原盜起衆皆避地師端居晏如也一日賊大至責以無供饋遂傳刀焉師神色自若大叫一聲而終聲聞數十里

雪峰義存禪師

德山鑒法嗣

福州雪峰義存禪師泉州南安曾氏子久歷禪會緣  
 契德山唐咸通中回閩中雪峰創院徒侶翕然懿宗  
 賜號真覺禪師仍賜紫袈裟初與巖頭至澧州鼈山  
 鎮阻雪巖頭每日祇是打睡師一向坐禪一日喚曰  
 師兄師兄且起來巖頭曰作甚麼師曰今生不著便  
 共文邃箇漢行腳到處被他帶累今日到此又祇管  
 打睡巖頭喝曰噇眠去每日牀上坐恰似七村裏土  
 地他時後日魔魅人家男女去在師自點胸曰我這  
 裏未穩在不敢自謾巖頭曰我將謂你他日向孤峰  
 頂上盤結草庵播揚大教猶作這箇語話師曰我實  
 未穩在巖頭曰你若實如此據你見處一一通來是  
 處與你證明不是處與你剖却師曰我初到鹽官見  
 上堂舉色空義得箇入處巖頭曰此去三十年切忌  
 舉著又見洞山過水偈曰切忌從他覓迢迢與我疎  
 渠今正是我我今不是渠巖頭曰若與麼自救也未  
 徹在師又曰後問德山從上宗乘中事學人還有分  
 也無德山打一棒曰道甚麼我當時如桶底脫相似  
 巖頭喝曰你不聞道從門入者不是家珍師曰他後  
 如何卽是巖頭曰他後若欲播揚大教一一從自己  
 胄襟流出將來與我蓋天蓋地去師於言下大悟便

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

作禮起連聲叫曰師兄今日始是鼈山成道○師在洞山作飯頭淘米次洞山問淘沙去米淘米去沙師曰沙米一時去洞山曰大衆喫箇甚麼師遂覆却米盆洞山曰據子因緣合在德山

天童覺云雪峯法步登高不覺草鞋跟斷

若也正偏宛轉敲唱雙行自然言氣相合父子相投且道洞山不肯雪峯意在什麼處萬里無雲天有過碧潭似鏡月難來雪竇宗云直木不棲鸞鳳金針已繡鶯鶯若不是新豐老人便見水消瓦解

洞山一日問師作甚麼來師曰斫槽來洞山曰幾斧斫成師曰一斧斫成洞山曰猶是這邊事那邊事作麼生師曰直得無下手處洞山曰猶是這邊事那邊事作麼生師休去

汾陽昭代云某甲早困也

○師辭洞山洞山曰

子甚處去曰歸嶺中去洞山曰當時從甚麼路出師曰從飛猿嶺出洞山曰今回向甚麼路去師曰從飛猿嶺去洞山曰有一人不從飛猿嶺去子還識麼師曰不識洞山曰爲甚麼不識師曰他無面目洞山曰子旣不識爭知無面目師無對

那覺云心龕者失

○栖典座

問古人有言知有佛向上事方有語話分如何是語話師把住曰道道棲無對師遂踢倒栖當下汙流○師謂衆曰此箇水牯牛年多少衆皆無對師自代曰七十九也僧曰和尚爲甚麼作水牯牛去師曰有甚麼罪過○問僧甚處去曰禮拜徑山和尚去師曰徑

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

山若問汝此間佛法如何汝作麼生祇對曰待問卽道師便打後舉問鏡清這僧過在甚麼處鏡清曰問得徑山徹困師曰徑山在浙中因甚麼問得徹困鏡清曰不見道遠問近對師曰如是如是○一日謂長慶曰吾見鴻山問仰山從上諸聖向甚麼處去他道或在天上或在人間汝道仰山意作麼生長慶曰若問諸聖出沒處恁麼道卽不可師曰汝渾不肯忽有人問汝作麼生道長慶曰但道錯師曰是汝不錯長慶曰何異於錯○問學人乍入叢林乞師指箇入路師曰寧自碎身如微塵終不敢瞎却一僧張○僧辭

去參靈雲問佛未出世時如何靈雲舉拂子曰出世後如何靈雲亦舉拂子其僧却回師曰返太速乎曰某甲到彼問佛法不契乃回師曰汝問甚麼事僧舉前話師曰汝問我爲汝道僧便問佛未出世時如何師舉起拂子曰出世後如何師放下拂子僧禮拜師便打後僧舉問玄沙備玄沙云汝欲會麼我與汝說箇喻如人賣一片園東西南北一時結契了也云爲當打伊解處別有道理○問僧甚處來僧曰近離浙中師曰船來陸來僧曰二途俱不涉師曰爭得到這裏僧曰有甚麼隔礙師便打○僧問學人道不得處請師道師曰我爲法惜人○師問慧全汝得

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

入處作麼生慧全曰共和尚商量了師曰甚麼處商量曰甚麼處去來師曰汝得入處又作麼生慧全無對師便打○全坦問平田淺草麋鹿成羣如何射得塵中主師喚全坦全坦應諾師曰喫茶去○問僧甚處來曰鴻山來師曰鴻山有何言句曰某甲曾問如何是祖師西來意鴻山據坐師曰汝肯他否曰某甲不肯他師曰鴻山古佛汝速去懺悔玄沙備云山頭老漢嗟過鴻山

也○閩王問曰擬欲蓋一所佛殿去時如何師曰大王何不蓋取一所空王殿曰請師樣子師展兩手雲門一舉

延彬太傅了乃云此僧合喚轉與一頓  
捧王云和尚是甚麼心行云幾放過○師問長慶

古人道前三三後三三意作麼生長慶便出去○問

僧甚處來曰藍田來師曰何不入草長慶稜  
云險○上堂

南山有一條鼈鼻蛇汝等諸人切須好看長慶出曰今日堂中大有人喪身失命雲門以拄杖擯向師前作怕勢有僧舉似玄沙玄沙曰須是稜兄始得然雖如是我卽不然曰和尚作麼生玄沙曰用南山作麼寶峯文云雪峯無大人相然則蛇無頭不行長慶恰似新娘怕阿家相似便道堂中大有人喪身失命雲門將拄杖擯向面前作怕勢爲蛇畫足玄沙道用南山作麼道我見處親切不免在窠窟裏更無一箇有些子天然氣槩報寧門下莫有天然氣槩底麼不敢望你別懸慧日獨振玄風且向古人鶴臭布衫上加

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

些氣息也難得。護國元云：雪峯搖頭雲門擺尾，長慶爲蛇畫足，玄沙一向插觜，諸人還知這一陰漢落處，麼妙舞也應誇遍。

○一日有兩僧來，師以手拓庵

門放身出曰：是甚麼僧？亦曰：是甚麼師？低頭歸庵，僧辭去，師問：甚麼處去？曰：湖南。師曰：我有箇同行住，巖頭附汝一書去。書曰：某書上師兄某，自齋山成道後，迄至于今，飽不飢，同參某書上僧到巖頭，問甚麼處來。曰：雪峰來有書達和尚。巖頭接了，乃問僧：別有何言？句僧遂舉前話。巖頭曰：他道甚麼？曰：他無語。低頭歸庵，巖頭曰：噫！我當初悔不向伊道。末後句若向伊道，天下人不奈雪老何？僧至夏末，請益前話。巖頭

曰：何不早問？曰：未敢容易。巖頭曰：雪峰雖與我同條生，不與我同條死。要識末後句，祇這是。

鴻山芸云：大雪峯巖頭

却被這僧勘破。泐潭準云：大眾雪峯是會末後句，不會末後句。若道會巖頭，又道當初悔不向伊道。末後句若道不會，因甚如今兒孫偏天徧地？雖與我同條生，不與我同條死。末後巖頭與劈頭說破了，也未免有些詭訛。久參先德一舉，便知後學初機，莫道不疑惑。

○上堂盡大地撮來如

長慶稜

問雲門

云：雪峯與慶道還有出頭不得處，雲門云：有長慶

云：作麼生？雲門云：不可總作野狐精見解也。又云：狠籍不少。雲峯悅云：疋上不足，我更與你葛藤蔓枯。拄杖云：還見雪峯麼？咄！王令稍嚴，不許攬行奪市。逗黃河亦非敏手。若向這裏覩得透，便可以撒蠻。

鴻山芸云：我更爲諸人士上加泥，乃舉拄杖云：看雪峯老人向你諸人面前放屁，爲什麼屎臭氣也？不知昭覺勤云：絕天維，立地紀。木足梢，奇孽太華。

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

窟明珠噴梅檀林香氣豈不快哉山僧今日不避泥水放一線道乃枯拄杖云還見雪峯麼遂卓拄杖云

劄靈隱巖云映府鐵牛不覺膽顫嘉州大

像通身汗流且道象骨老人面皮厚多少

○有一

曾在山下卓庵多年不剃頭畜一長柄杓溪邊舀水時有僧問如何是祖師西來意庵王曰溪深杓柄長師聞得乃曰也甚奇怪一日將剃刀同侍者去訪纔相見便舉前話問是庵主語否庵王曰是師曰若道得卽不剃你頭庵王便洗頭胡跪師前師卽與剃却

昭覺勤云庵主雖是生鐵鑄就奈雪峯是本分鉗鎌當初若只願預爭得驚天動地還委悉麼金鎖價調曾百戰鐵鞭多力恨無酬

○師領徒南遊時黃涅槃預知師至指

策前迎抵蘇溪邂逅師問近離何處涅槃曰辟支巖

師曰巖中還有王麼涅槃以竹策敲師轎師乃出轎相見涅槃曰曾郎萬福師遽展丈夫拜涅槃作女人拜師曰莫是女人麼涅槃又設兩拜遂以竹策畫地右繞師轎三匝師曰某甲三界內人你三界外人你前去某甲後來涅槃回師隨至止囊山憇數日涅槃供事隨行徒衆一無所缺○上堂此事如一片田地相似一任諸人耕種無有不承此恩力者玄沙曰且作麼生是這田地師曰看玄沙曰是卽是某甲不與麼師曰你作麼生玄沙曰祇是人人底○三聖問透網金鱗以何爲食師曰待汝出網來向汝道三聖曰

10 1 2 3 4 5 6 7 8 9 30 1 2 3 4 5 6 7 8 9 30

# 一千五百人善知識話頭也不識師曰老僧住持事

繁

雪竇顯云可借故過好與三十棒這棒一棒也饒不得直是罕遇作家

寶峯文云俊哉俊哉快活快活恰似一隻鶴子莫驚着報寧卽不然透網金鱗以何爲食待汝出網來

卽向汝道一千五百人善知識話頭也不識便拽住

杖打出三門復云也好快活恰似一隻虎莫動着諸禪德且道保寧快活何似三聖快活莫有快活底漢出來定當看良久咄把手拽不入

鴻山喆云三聖可謂龍門萬仞慣曾作客雪峯大似孟嘗門啓豈懼高賓承天大宗云布縵天網須是雪峯深入虎穴還他三聖衆中有般漢商量道雪峯在網內三聖在

網外苦哉苦哉深屈古人若非此二員作家不能橫行天下徑山果云一人龜似丘山一人細如米粒雖然龜細不同秤來輕重恰好徑山今日真實告報

汝等諸人切忌鑽龜打瓦天童華云若謂二俱作家未具透關眼在且道歸宗恁麼說話還見二老落處也無諸人若辯得出歸宗性命在諸人手裏若辯不出諸人性命在歸宗手裏楚石琦云透網金鱗

以何爲食待汝出網來却向汝道衝開碧落松子丈截斷紅塵水一溪笑巖寶云這雪峯老漢龍頭蛇尾待三聖云一千五百人善知識話頭也不識但只向伊道與麼則不虛爲臨濟兒孫待伊眼目定動旁脊便

## ○上堂盡大地是箇解脫門把手拽伊不肯入

時一僧出曰和尚怪某甲不得又一僧曰用入作甚麼師便打

雪竇顯云三箇中有一人受救在忽若總不辯明平地上有甚數

○玄沙

謂師曰某甲如今大用去和尚作麼生師將三箇木

毬一時拋出玄沙作斫牌勢師曰你親在靈山方得如此玄沙曰也是自家事

經山果云祇許老胡會

○一日

陞座衆集定師輦出木毬玄沙遂捉來安舊處

白雲端云

此箇時節衆中皆言子父共作一大事如此見解還夢見也未海會今日布施諸人乃云濃研香翰深蘸

1 2 3 4 5 6 7 8 9 20

30 1 2 3 4 5 6 7 8 9

紫毫

○師一日在僧堂內燒火閉却前後門乃叫曰救

火救火玄沙將一片柴從牕櫺中拋入師便開門○問古澗寒泉時如何師曰瞪目不見底曰飲者如何師曰不從口入僧舉似趙州趙州曰不從口入不可從鼻孔裏入僧却問古澗寒泉時如何趙州曰苦曰飲者如何趙州曰死師聞得乃曰趙州古佛遙望作

禮自此不答話

雪竇顯云衆中總云雪峯不出這僧問頭所以趙州不肯如斯話會深屈

古人雪竇卽不然斬釘截鐵本分宗師就下平高難爲作者浮山遠云趙州不因這僧爭得與雪峯相見雪峯不得趙州爭能圓得此話大小雪竇刺腦入膠益薦福懷云諸仁者作麼生會不答話底道理叢歎趙州卽不無還知趙州一片玉瑕生麼若人檢點得出相如不誑於秦主五祖演舉了云若有人

謂五祖古澗寒泉時如何老僧只向他道水飲者如何但云當下止渴或有箇漢出來問道與曹溪水是一是二只向他道分枝列派縱橫自在低處澆田高處潑菜長蘆夫云扶堅宗乘須還大匠雪峯有一千五百人善知識身心趙州用一百二十歲手段不妨奇恠如今衆中隨言定旨亂作褒貶深屈古人然則相席打令自有知音鏤骨銘心罕逢明鑒徑山杲云雪峯不答話疑殺天下人趙州道苦面亦不如語直若是妙喜則不然古澗寒泉時如何到江扶櫓棹出岳濟民田飲者如何清涼肺腑此語有兩負門若人辨得許你有參學眼楚石琦云妙喜老人可謂人平不語水平不流恕中溫云杲日昇天宿雲解駁陽春回律枯萌芽直得長空皎萬彙熙熙若是覆盆之下朽腐之餘又爭恠得這僧當面蹉過累他雪峯趙州輞入草窠裏雪竇浮山可謂入理深談互相擊展要且只能委曲不能直截今日有問古澗寒泉時如何蠻子擎天柱飲者如何織絲掛須彌且道與古人是同是別經山信云雪峯老老大未免隨人起倒趙州若無這僧何處得見雪峯雙鬚今日將二老縛作一束拋在春風堆裏任他花開花

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

落還有人與二老雪屈者麼頌云五里一箇亭十里  
一箇舖方便有多岐出門不認貨雪峯老何處討烟  
波江上釣魚舟夾岸荻花秋正好殘  
○師因閻王封  
不必着精神伸脚莫愁天地杳

柑橘各一顆遣使送至東問既是一般顏色爲甚名

字不同師遂依舊封回王復馳問玄沙玄沙將一張  
紙蓋却○問僧近離甚處曰覆船師曰生死海未渡  
爲甚麼覆却船僧無語乃回舉似覆船覆船曰何不  
道渠無生死僧再至進此語師曰此不是汝語曰是

覆船恁麼道師曰我有二十棒寄與覆船二十棒老

僧自喫不干闍黎事

雪竇顯向爲甚覆船處代云久  
嚮雪峯侍老漢擬議拂袖便行

下橫行

照覺勤云雪峯有驗人句覆船有透關眼

雪竇有陷虎機且道崇寧成得箇什麼邊事  
果云作家宗師天然有在然雖如是也是作賊人心  
虛是則不干這僧事二十棒何須自喫當時但添打  
覆船便了且道渠過在什麼處老老大大不合與人  
代語楚石琦云覆船道渠無生死還喫得雪峯意  
麼若喫得雪峯意爲什麼道我有二十棒寄打覆船  
二十棒老僧自喫會麼這裏若會便見妙喜道作賊  
人心虛勘破雪峯了也是則不干這僧事二十棒何  
須自喫但更添二十棒只打覆船便了你

○問枯槌

豎拂不當宗乘未審和尚如何師豎起拂子僧乃抱

法眼益代云大眾  
看此一員戰將

頭出去師不顧

法眼益別云官人  
何得貴耳賤目○普請次路逢一獮猴  
來有老宿引官人巡堂曰此一衆盡是學佛法僧官  
人曰金屑雖貴又作麼生老宿無對鏡清代曰比來  
拋甄引玉

法眼益別云官人  
何得貴耳賤目

1 2 3 4 5 6 7 8 9

20

30

1 2 3 4 5 6 7 8 9

師曰人人有一面古鏡這箇獮猴亦有一面古鏡三聖曰曠劫無名何以彰爲古鏡師曰瑕生也三聖曰這老漢著甚麼死急話頭也不識師曰老僧住持事繁

雪竇顯云好與二十棒這棒放過也好免見將錯就錯

○

師於僧堂前坐衆

集師拈拄杖曰這箇爲中下根人時有僧問忽遇上人來時如何師拈起拄杖

雲門偃云我不似雪峯

和尚如何師便打護國元云宗師家有擒有縱有殺有活若是蛇頭上揩痒南明又且不然

嵩拈拄杖

云我這裏爲中下機人忽有人問上上機

○閩帥施

人來時如何只向道我不似雲門打葛藤

打我意作麼生

踈山仁云雪峰道輕

打我意作麼生

踈山云頭

銀交狀僧問和尚受大王如此供養將何報答師以手拓地曰輕打我輕打我

僧問踈山仁云雪峰道輕

打我意作麼生

踈山云頭

上插瓜鑿垂尾腳跟齊○上堂我若東道西道汝則尋言逐句

我若羚羊挂角汝向甚麼處捫摸

僧問保福展祇如

雪峰有甚麼言教

便似羚羊挂角時保福云

○師曰飯籬邊坐餓死人

我不可作雪峯弟子不得○師曰飯籬邊坐餓死人

臨河渴死漢渴死漢

玄沙云飯籬裏坐餓死漢水裏沒頭浸

雲門云通身是飯通身是水

感潭資國禪師

德山鑒法嗣

洪州感潭資國禪師白兆問家內停喪請師慰問師曰苦痛蒼天曰死却爺死却娘師打了趕出師凡接機皆如此

瑞龍慧恭禪師

德山鑒法嗣

天台瑞龍慧恭禪師福州羅氏子謁德山德山問會

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

麼曰作麼德山曰請相見曰識麼德山大笑遂許入室洎德山順世乃開法焉

泉州瓦棺和尚

德山鑒法嗣

泉州瓦棺和尚在德山爲侍者一日同入山斫木德山將一椀水與師師接得便弃却德山曰會麼師曰不會德山又將一椀水與師師又接弃却德山曰會麼師曰不會德山曰何不成禪取不會底師曰不會又成禪箇甚麼德山曰子大似箇鐵橛○後雪峰訪師茶話次雪峰問當時在德山斫木因緣作麼生師曰先師當時肯我雪峰曰和尚離師太早時面前偶

有一椀水雪峰曰將水來師便度與雪峰接得便潑却

雲門偃云莫良爲賤

高亭簡禪師

德山鑒法嗣

襄州高亭簡禪師參德山隔江纔見便曰不審德山

乃搖扇招之師忽開悟乃橫趨而去更不回顧

徑山呆云

高亭橫趨而去許伊是箇伶俐師僧若要法嗣德山則未可何故猶與德山隔江在楚石琦云如今衆中商量道高亭見德山不與他說話便去所以妙喜道猶與德山隔江在還曾夢見高亭麼拈起拄杖云便好喚回與一頓且

道是賞伊是罰伊

南嶽下六世

瑞巖師彥禪師

巖頭齋法嗣

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

台州瑞巖師彥禪師聞之許氏子初禮巖頭問曰如何是本常理巖頭曰動也曰動時如何巖頭曰不是本常理師良久巖頭曰肯卽未脫根塵不肯卽永沈生死師遂領悟便禮拜巖頭每與語徵醻無忒○後謁夾山夾山問甚處來曰卧龍來夾山曰來時龍還起也未師乃顧視之夾山曰灸瘡癩上更著艾燒曰和尚又苦如此作甚麼夾山休去鴻山岳云瑞巖雖夾山水清不容徑山果云若不藍田射石虎幾乎悞殺李將軍

然威聰乞憩爭奈○師又問夾山與麼卽易不與麼卽難與麼卽惺惺不與麼不與麼卽居空界與麼不與麼請師速道夾山曰老僧謾坐磐石終日如愚每自喚王人公復應諾乃曰惺惺著他後莫受人謾後有僧參玄沙備玄沙問近離甚處云瑞巖玄沙云有何言句示徒僧舉前話玄沙云一等是弄精魂也甚奇怪乃云何不且在彼住云已遷化也玄沙云而今還喚得應麼僧無對雪竇顯云蒼天蒼天保寧勇云和尚爲什麼對曰不聞雲居元云天下宗師總爲這僧下語大似東家人死西家人助哀直饒巖自出頭來也是棺木裏瞪眼昭覺勤云百丈寒潭徹底月在波心千尺巖松倚天風生幽谷直得凜凜孤標澄淨丰采及至月離碧潭影在雲衢遂乃當面蹉過當時若是箇漢待伊道卽今還喚得應麼直下便喝非唯把斷玄沙要津亦乃與瑞巖老子出氣○鏡清問天不能覆地不能載豈不是師曰若是卽被覆

1 2 3 4 5 6 7 8 9

10

30

1 2 3 4 5 6 7 8 9

載鏡清曰若不是瑞巖幾遭也師自稱曰師彥

羅山道閑禪師巖頭齋法嗣

福州羅山道閑禪師長溪陳氏子謁石霜問曰起滅  
不停時如何石霜曰直須寒灰枯木去一念萬年去  
函蓋相應去全清絕點去師不契却往巖頭處如前  
問巖頭喝曰是誰起滅師於此有省○師在禾山送  
同行矩長老出門次把拄杖向面前一攷矩無對師  
曰石牛攔古路一馬生雙駒後僧舉似疎山仁疎山云石牛攔古路一馬生

寅○僧辭保福保福問甚處去曰禮拜羅山保福曰

汝向羅山道保福秋間上府朝覲大王置四十箇問  
頭問和尚忽若一句不相當莫言不道僧舉似師師  
呵呵大笑曰陳老師自入福建道洪塘橋下一寨未  
曾見有箇毛頭星現汝與我向從展道陳老師無許  
多問頭祇有一口劍一劍下須有分身之意亦有出  
身之路若不明便須成末僧回舉似保福保福曰我  
當時也祇是謔伊至秋朝覲師特爲辦茶筵請保福  
保福不赴却向僧曰我中間會有謔語恐和尚問著  
僧歸舉似師曰汝向他道猛虎終不食伏肉僧又去  
保福遂來○無軫上座問祇如巖頭道洞山好佛祇  
是無光未審洞山有何虧闕便道無光師召無軫無

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

軫應諾師曰灼然好箇佛祇是無光曰大師爲甚麼  
撥無軫話師曰甚麼處是陳老師撥你話處快道快  
道無軫無語師打三十棒趕出無軫舉似招慶招慶  
一夏罵詈至夏末自來問師乃分明舉似招慶便作  
禮懺悔曰洎錯怪大師

玄沙師備禪師

雪峯存法嗣

福州玄沙師備宗一禪師閩之謝氏子與雪峯本法  
門昆仲而親近若師資雪峯以其苦行呼爲頭陀一  
日雪峰問邢箇是備頭陀師曰終不敢誑於人異日  
雪峰召曰備頭陀何不徧參去師曰達磨不來東土

二祖不往西天雪峰然之暨登象骨山乃與師同力  
締構玄徒臻萃師入室咨決固替晨昏又閱楞嚴發  
明心地由是應機敏捷至與雪峰徵詰亦當仁不讓  
雪峰曰備頭陀再來人也○雪峰上堂要會此事猶  
如古鏡當臺胡來胡現漢來漢現師出衆曰忽遇明  
鏡來時如何雪峰曰胡漢俱隱師曰老和尚腳跟猶  
未點地在明招謙云當與麼時莫道胡漢俱隱別作處下口便知音處不見道驗人端的破明招云喪也○耶耶覺云  
鼓山曰人人出這箇不得師曰情知汝向驢胎馬腹  
實相善說法要便下座○鼓山來師作一圓相示之

1 2 3 4 5 6 7 8 9

20

30

9

裏作活計鼓山曰和尚又作麼生師曰人人出這箇

不得鼓山曰和尚與麼道却得某甲爲甚麼道不得

師曰我得汝不得昭覺勤云灼然這一條路作者方知直得窮天地亘萬古而不移消

刦石空芥城而無盡便是透關底也須着眼始得一等是恁麼時節爲什麼我得汝不得切忌向驢胎馬腹裏作活計

淨因成云叢林中往往作鼓山未到玄沙境界會却諸人要識玄沙鼓山麼不見道盡出這箇不得

南華偈云換轉鼻孔換却眼睛若無這箇手段如何扶暨宗乘雖然如是直是好笑笑須三十年且道笑箇什麼情知汝在驢胎馬腹裏作活計

東禪觀云某甲當時若作鼓山待玄沙道人人出這箇不得卽云和尚元來別有長處不圖成就前功且要與玄沙向驢胎馬腹裏相見

○師嘗訪三十庵王纔相見庵主曰莫怪住山年深無坐具

師曰人人盡有庵主爲甚麼無庵王曰且坐喫茶師

曰庵王元來有在○侍雪峰次有二僧從階下過雪

峰曰此二人堪爲種草師曰某甲不與麼雪峰曰汝

作麼生師曰便好與三十棒○因雪峰指火曰三世

諸佛在火焰裏轉大法輪師曰近日王令稍嚴雪峰

曰作麼生師曰不許攬奪行市○南際到雪峰雪峰

令訪師

師問古人道此事唯我能知長老作麼生南

際曰須知有不求知者歸宗柔別師拊掌三下

師曰山頭和尚喫許多辛苦作麼大鴻真如舉此云玄沙恁麼道大鴻遠近聞皆喪

○雪峰普請畬田次見一蛇以杖挑起召衆

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

衆愕然雪峰曰俊哉

天奇瑞云當央捧出仁義之心  
向背後衲子之英事到其間

不得不舉拂子作釣魚勢云看看復噓

○侍雪峰

遊山次雪峰指面前地曰這一片地好造箇無縫塔

師曰高多少雪峯乃顧視上下師曰人天福報卽不

無和尚若是靈山授記未夢見在雪峯曰你又作麼

生師曰七尺八尺

耶那覺云國清才子貴家富小兒嬌

○雪峰曰世界

火爐曰火爐闊多少雪峯曰如古鏡闊師曰老和尚

脚跟未點地在

鏡清付問僧爲復古鏡致火爐與麼闊火爐致古鏡與麼大

西院明云

與麼問人也未可在雲門偃云餽飯泥茶爐元叟端云古鏡卽是火爐火爐卽是古鏡不是雪峯老

漢爭得頭正尾正驚峯今日忽有人問火爐闊多小

只向道隨家豐儉

天奇瑞云大眾且道世界誰世

界古鏡誰古鏡不可逐境打做兩截豎起柱杖云這是世界這是古鏡若然直下承當坐斷雪峯玄沙大

丈夫切忌鬼窟

別云不

○閩王送師上船師扣船召曰大王

爭能出得這裏去王曰在裏許得多少時也

歸宗柔代云

因和尚不得到這裏○師問丈桶頭下山幾時歸曰三五日師

日歸時有無底桶子將一擔歸丈桶頭云

歸宗柔代云和尚用作甚

麼○師垂語曰諸方老宿盡道接物利生祇如三種

病人汝作麼生接患盲者拈槌豎拂他又不見患聾

者語言三昧他又不聞患瘡者教伊說又說不得若

接不得佛法無靈驗時有僧出曰三種病人還許學

1 2 3 4 5 6 7 8 9 20

30

1 2 3 4 5 6 7 8 9

人商量否。師曰：許汝作麼生？商量其僧珍重出。師曰：不是不是。羅漢曰：桂琛現有眼耳口，和尚作麼生接處？又一僧曰：非唯謾他，兼亦自謾。

雲門偃因僧詩益

僧拜起，雲門以拄杖拄之。僧乃退後，雲門云：汝不是患聾？雲門云汝禮拜者患聾復喚近前來。僧纔近前，雲門云：汝不是患聾？雲門云汝不是患聾，其僧於門云還會麼。僧云不會。雲門云：汝不是患聾？其僧於門云汝不是患聾，其僧於是有省。法眼益云：我當時見羅漢上座舉此話，我便會三種病人。雲居元云：地藏如龍無角似蛇，有足玄沙只有先鋒且無殿。後兩人病在膏肓，針藥之雲門偃因僧詩益所不到。山僧爲你諸人點破拈拄杖云：棒頭有眼明。如日要識真金火裏看。雲寶顯舉了便囁云：這盲聾瘡瘍漢，若不是雲門驢年去如今有底，或拈椎暨拂他，又不管教伊近前。他又不來問，還會麼？他又不應諸方，還奈何得麼？雪竇若不奈何汝這一隊驢漢，又堪作什麼以拄杖？一時趁散。寶本覺一云：雲門雲

竇也是因風吹火見鬼放鶯爭，如地藏逆水之波。當時聞玄沙恁麼道，便出衆云：某甲有眼有耳有口，請師接玄沙云：慙愧便乃呵呵大笑。非但玄沙盡西天此土諸佛諸祖，被這一拶不免退身有分毫拈拄杖云：放過則不可。龍門遠云：好兄弟還知真寶相爲麼？今日不惜眉毛爲誦人說破，只如諸人有雙眼，又何曾見來有雙耳？又何處有聞來有片舌？又何曾說來既無說，無聞無見，何處有色聲香味事？雖然如是，能有幾人到這般田地？徑山果云：這僧雖然悟去，只得悟得雲門禪。若是玄沙禪，更買草鞋行脚。天童華云：雲門平展這僧寶酬，且道什麼處是這僧悟處？不救之疾，難爲針艾。楚石琦云：玄沙雲門氣急殺人，彼自無瘡，勿傷之也。

○長慶來師問除却藥忌作麼生？道：長慶曰：放愁作麼？師曰：雪峰山橡子拾食來，這裏雀兒放糞。

○普請研柴次見一虎。天龍曰：和尚虎？師曰：是汝虎歸院後。天龍問適來見虎？云：是汝未審尊意如何？

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

師曰娑婆世界有四種極重事若人透得不妨出得

陰界

東禪齊云上座古人見了道我身心如大地虛空如今人還透得麼徑山果代云也知和尚爲人一切笑嚴寶云於今這裏虎也無面前端的是箇什麼若辯得出許你與人天爲師

○師問長生維摩觀佛前際不來後際不去今則無住汝作

麼生觀長生曰放皎然過有箇道處師曰放汝過作麼生道長生良久師曰教阿誰委悉長生曰徒勞側

耳師曰情知汝向鬼窟裏作活計崇壽稱別長生云喚甚麼作如來

○問古人皆以瞬視接人未審和尚以何接人師曰

我不以瞬視接人曰學人爲甚道不得師曰畱塞汝口爭解道得法眼益云古人恁麼道甚麼奇特且問上座口是甚麼

○問承古有

言舉足下足無非道場如何是道場師曰沒却你曰

爲甚麼得恁麼難見師曰祇爲太近法眼益云也可得近直下是

座○師在雪峰時光侍者謂師曰師叔若學得禪某

甲打鐵船下海去師住後問光曰打得鐵船也未光

無對法眼益代云和尚終不與麼清涼欽代云請和尚下船支提愛云玄沙也是貧人思舊債

汾陽昭云只見錐頭利不見鑿頭方雲居元云禪也未曾參得何用思量舊事忽然被他撐動鐵船作什麼

○師一日遣僧送書上雪峰雪峰開緘見白

紙三幅問僧會麼曰不會雪峰曰不見道君子千里

同風僧回舉似師曰山頭老漢蹉過也不知曰和尚

如何師曰孟春猶寒也不解道明招謙云玄沙三幅白紙爭奈文彩已彰

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

雪峯千里同風何故不知蹉過不見道養子莫教大  
大了作家賊五祖戒出語云將謂胡鬚赤黃龍  
南云雪峯不道無長處既被玄沙識破直至如今雪不出

○問鏡清教中道不見一法爲大過患且道不見甚麼法鏡清指露柱曰莫

是不見這箇法麼

同安顯別云知和尚不造次

師曰浙中清水白米從汝辨佛法未會在

雪竇顯云大小鏡清被玄沙

山授記也未到如此爲山岳云若不是鏡清幾乎忘前失後何故不逢別者終不開拳

天童華云鏡清放頑佛祖也不奈何若非玄沙深辯來風

○問承

幾被露柱吞却有人辯得出妙嚴兩手分付

○問承

和尚有言盡十方世界是一顆明珠學人如何得會

師曰盡十方世界是一顆明珠用會作麼便休師

來日却問其僧盡十方世界是一顆明珠汝作麼生

會曰盡十方世界是一顆明珠用會作麼師曰知汝向鬼窟裏作活計

報慈遂云一般恁麼道爲甚麼却成鬼窟去

○韋監軍

來謁乃曰曹山和尚甚奇怪師曰撫州取曹山幾里

韋指傍僧曰上座會到曹山否曰會到韋曰撫州取

曹山幾里曰百二十里韋曰恁麼則上座不到曹山

韋却起禮拜師曰監軍却須禮此僧此僧却具慚愧

雲居錫云甚麼處是此僧具慚愧若檢得出許上座有行腳眼承天宗云這僧可悲可痛直饒玄沙

金剛眼睛蹉過

○問如何是清淨法身師曰膾滴滴

地○問如何是親切底事師曰我是謝三郎○西天

有聲明三藏至閩帥請師辨驗師以鐵火筋敲銅爐

韋監軍了也

1 2 3 4 5 6 7 8 9 20

30

9

問是甚麼聲三藏曰銅鐵聲

法眼益別云請大師爲大王清涼欽云聽和

雪竇顯別云

尚師曰大王莫受外國人謾三藏無對

大王宜加信

敬又別三藏云莫謾外國人法眼益代云大師久受大王供養清涼欽代云却是和尚謾大王淨因成云既不是銅鐵聲玄沙喚作什麼聲然則三藏只知度水不覺濕衣玄沙偏解誣人爭奈國有憲章且道三藏謾大王何似玄沙謾大王天童覺云理契則神貧子獲衣中之寶情封則物力士失額上之珠三藏只解瞻前不能顧後還知麼誣人之罪以罪加之高峯妙云大小玄沙能所未忘當時賴遇是劉大王若撞着箇本分衲僧管取一場漏逗

○師南遊莆田縣排百戲迎

接來日師問小塘長老昨日許多喧鬧向甚處去也

小塘提起衲衣角師曰料掉沒交涉

法眼益別云昨日有多少喧鬧

清涼欽別云今日更好笑鴻山諾云大鴻則不然忽有問遂鳴指一下如有箇衲子出來云料掉沒

交涉却肯他何故大丈夫漢將虎鬚也是本分且有利害在甚處黃龍新云奇恠諸禪德扶豎宗乘須是小塘長老始得玄沙爲什麼道料掉沒交涉我即不然昨日許多喧鬧向什麼處去天共白雲曉水和明月流照覺疑云或有問山僧只向道又是以頭起他若道掉沒交涉劈脊便棒何故曹溪波浪如相似無限平人被陸沉南華偈云玄沙恁麼道還有得失是非也無若謂有當人未具眼在若謂無甚麼道料掉沒交涉還會麼

○師示衆曰世尊道吾

有正法眼藏付囑摩訶大迦葉猶如畫月曹溪豎拂

猶如指月時鼓山出衆曰道我就他覓月

雪竇顯云玄沙與鼓

山如排百萬大陣祇拋瓦礫相擊或有衲僧辯得當知正法眼藏付囑有在護國元云玄沙鼓山各說道理要且未識月在諸人要識

○問僧乾闥婆城汝

月墮幸無偏照處剛有未明人

10 1 2 3 4 5 6 7 8 9

20

30

9

作麼生會曰如夢如幻法眼益別  
敵物示之○師與地藏在方丈說話夜深侍者閉却門師曰門總閉了汝作麼生得出去地藏曰喚甚麼作門清涼欽別云  
尚莫欲歇去○師以杖拄地問長生曰僧見俗見男見女見汝作麼生見和尚還見皎然見處麼師曰相識滿天下○師舉誌公曰每日拈香擇火不知身是道場乃曰每日拈香擇火不知真箇道場報慈遂云祇如此二尊宿語還有親疎也無○師與韋監軍喫果子韋問如何是日用而不知師拈起果子曰喫韋喫果子了再問師曰祇這是日用而不知○師問明真大師善財叅彌勒彌勒指歸文殊文殊指歸佛處汝道佛指歸甚麼處曰不知師曰情知汝不知法眼益別云  
喚甚麼作佛○大普玄通到禮觀師曰你在彼住莫誑惑人家男女曰玄通祇是開箇供養門晚來朝去爭敢作恁麼事師曰事難曰真情是難師曰甚麼處是難處曰爲伊不肯承當師便入方丈柱却門○泉守王公請師登樓先語客司曰待我引大師到樓前便昇却梯客司稟旨公曰請大師登樓師視樓復視其人乃曰佛法不是此道理法眼益云未昇梯時日幾度登○師與泉守在室中說話有一沙彌揭簾入見却退步而出師曰那沙彌好與二十柱杖泉守曰恁麼

1 2 3 4 5 6 7 8 9 20 1 2 3 4 5 6 7 8 9 30

卽某甲罪過

同安顯別云  
祖師來也

師曰佛法不是恁麼

鏡清  
恁云

不爲打水有僧問不爲打水意作麼  
生鏡清云青山碾爲塵敢保沒閑人

長慶慧稜禪師

雪峯存  
法嗣

福州長慶慧稜禪師杭州鹽官人也姓孫氏歷參禪苑後參靈雲問如何是佛法大意靈雲曰驢事未去馬事到來師如是往來雪峰玄沙二十年間坐破七箇蒲團不明此事一日捲簾忽然大悟乃有頌曰也大差也大差捲起簾來見天下有人問我解何宗拈起拂子劈口打雪峯舉謂玄沙曰此子徹去也玄沙曰未可此是意識著述更須勘過始得至晚衆僧上來問訊雪峰謂師曰備頭陀未肯汝在汝實有正悟對衆舉來師又有頌曰萬象之中獨露身唯人自肯乃方親昔時謬向途中覓今日看來火裏冰雪峯乃顧玄沙曰不可更是意識著述師問雪峰曰從上諸聖傳受一路請師垂示雪峯良久師設禮而退雪峯乃微笑師入方丈參雪峯曰是甚麼師曰今日天晴好普請○師在西院問詵上座曰這裏有象骨山汝曾到麼曰不曾到師曰爲甚麼不到曰自有本分事在師曰作麼生是上座本分事詵乃提起衲衣角師曰爲當祇這箇別更有曰上座見箇甚麼師曰何得

1 2 3 4 5 6 7 8 9

10

30

龍頭蛇尾○保福辭歸雪峰謂師曰山頭和尚或問上座信作麼生祇對師曰不避腥羶亦有少許曰信道甚麼師曰教我分付阿誰曰從展雖有此語未必有恁麼事師曰若然者前程全自闇黎○師與保福遊山保福問古人道妙峯山頂莫祇這箇便是也無師曰是即是可惜許僧問鼓山祇如長慶恁麼道意可謂觸體徧野鏡清懃云若不是孫公便見觸體徧野雪竇顯云今日共這漢遊山圖箇什麼復云百千年後不道全無祇是少鼓山晏云長慶若不與麼紅旗徧野白骨連山○師來往雪峰二十九載天祐三年泉州刺史王延彬請住招慶開堂日公朝服趨隅曰請師說法師曰還聞麼公設

拜師曰雖然如此恐有人不肯○一日王太傅入院見方丈門閉問演侍者曰有人敢道太師在否演曰有人敢道太師不在否法眼益別云太傅識太師○上堂總似今日老胡有望保福曰總似今日老胡絕望報慈遂云相見語不是相見語黃龍南云總似今日唐吉溪絕流天童覺云富姪千口少貧恨一身多○安國izoph和尚得師號師去作賀珀出接師曰師號來邪珀曰來也師曰是甚麼號曰明真師乃展手珀曰甚麼處去來師曰幾不問過○問古人有言相逢不拈出舉意便知有時如何師曰知有也未僧又問保福展保福云此是誰語云丹霞語保福云去莫妨我打睡○師入僧堂舉起疏頭曰見卽

1 2 3 4 5 6 7 8 9 20 1 2 3 4 5 6 7 8 9 30

不見還見麼衆無對法眼益代云縱受得○師到羅山見製龕子以杖敲龕曰太煞預備羅山曰拙布置師曰還肯入也無羅山乃吽吽○上堂淨潔打疊了也却近前問我覓我劈脊與你一棒有一棒到你你須生慚愧無一棒到你又向甚麼處會雲竇顯云雲竇卽不然淨潔打疊了也直須近前就我覓我劈脊與一棒有一棒到你你卽受屈無一棒到你與你平出但與麼會黃龍清云長慶只知支離擁腫不知道之根源雪竇引蔓牽枝未免隨波逐浪竇峯則不然淨潔打疊了也近前來只向道會麼歸堂○師有時拈拄去雖然如是也須是仙胎婆始得

杖曰識得這箇一生參學事畢

雲門偃云識得這箇爲什麼不住靈巖

裏漢曰挂角後如何師曰亂叫喚曰畢竟如何師曰

驢事未去馬事到來

雪竇顯云寧可碎身如微塵終不瞎箇衆生眼長慶較些子復

云一般漢設使繩羊未掛角也似萬里望鄉關

天奇瑞云餓者易爲食渴者易爲飲尋逐幾杌枉分離

坎空教覲面收放到底難憑信

實不遇知音者徒勞話歲寒

○僧問如何是文彩

法眼益別云那箇殼漏子裏

未生時事師曰汝先舉我後舉其僧但立而已

法眼益別云那箇殼漏子裏

遷化僧問保福拋却殼漏子向甚麼處去也師曰且

道保福在那箇殼漏子裏

法眼益別云那箇殼漏子

夫人崔氏

奉道自稱練師遣使送衣物至日練師令就大師

云請和尚舉

師曰汝作麼生舉曰某甲截舌有分○保福

法眼益別云那箇殼漏子裏

遷化僧問保福拋却殼漏子向甚麼處去也師曰且

道保福在那箇殼漏子裏

10 1 2 3 4 5 6 7 8 9 20

1 2 3 4 5 6 7 8 9 30

請回信師曰傳語練師領取回信須臾使却來師前  
唱喏便回師明日入府練師曰昨日謝大師回信師  
曰却請昨日回信看練師展兩手帥問師曰練師適  
來呈信還憊大師意否師曰猶較些子法眼益別云  
王自道取曰未審大師意旨如何師良久帥曰不可思議  
大師佛法深遠

保福從展禪師

雪峯存法嗣

漳州保福院從展禪師福州陳氏子年十五禮雪峰  
爲受業師遊吳楚間後歸執侍雪峰一日忽召曰還  
會麼師欲近前雪峰以杖拄之師當下知歸嘗以古

今方便詢于長慶一日長慶謂師曰寧說阿羅漢有  
三毒不可說如來有二種語不道如來無語祇是無

二種語師曰作麼生是如來語長慶曰聾人爭得聞  
師曰情知和尚向第二頭道長慶曰汝又作麼生師  
曰喫茶去

雲居錫云甚麼處是長慶向第二頭道處  
止水無處有月波澄有處無風浪起稜禪客  
三月禹門遭點額昭覺勤云如今人不去他古人  
轉處看只管去句下走便道長慶當時不便用所以

落第二頭保福云喫茶去便是第一頭若只恁麼看  
到彌勒下生也不見古人意若是作家終不作這般  
見解跳出這窠窟向上自有一條路你若道聾人爭  
得聞有甚麼不是處保福云喫茶去有甚麼  
是處轉沒交涉是故道他參活句不參死句○因舉

盤山道光境俱亡復是何物洞山道光境未亡復是

1 2 3 4 5 6 7 8 9 20

30

何物師曰據此二尊宿商量猶未得勦絕乃問長慶如今作麼生道得勦絕長慶良久師曰情知和尚向鬼窟裏作活計長慶却問作麼生師曰兩手扶犁水

過膝雪竇顯云俱忘未忘總由我保福因什麼道未得勦絕灼然能有幾箇諸人又作麼生道免得長慶在鬼窟裏良久云柳絮隨風自西自東大鴻秀云保福拈提頗有宗風及乎問着又却拖泥帶水光境何物且置俱忘未忘甚處得這消息○長慶問見色便見心還見船

子麼師曰見曰船子且置作麼生是心師却指船子歸宗柔別云和尚祇解問人○雪峰上堂曰諸上座望州亭與汝相見了也烏石嶺與汝相見了也僧堂前與汝相見了也師舉問鵝湖僧堂前相見卽且置祇如望州亭

烏石嶺甚麼處相見鵝湖驟步歸方丈師低頭入僧

堂雪竇顯云二老是卽是只知雪峯放行不知雪峯把定忽有箇衲僧出問未審雪竇作麼生豈不是別機宜識休咎底漢還有烏石嶺望州亭底麼良久云擔板禪和如麻似粟○上堂此事

如擊石火似閃電光構得構不得未免喪身失命僧問未審構得底人還免喪身失命也無師曰適來且置闍黎還構得麼曰若構不得未免大眾怪笑師曰作家作家曰是甚麼心行師曰一杓屎攔面潑也不知臭雪竇顯云諸上座保福有生擒虎兕底爪牙這僧也不易相敵雖然如此要且放過保福一着只如雪竇與大眾還許諸方檢責也無若免不得平地上死人無數其中有得活底麼乃拈起拄杖云來也來也護國元云能擒能縱能殺能保福可謂作家手段本分鉗鎚這僧可惜許錯轉話頭待他道

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

闍黎還構得麼只對他道明眼宗師天然猶在當時  
若下得這一句直饒保福全機更買草鞋行脚何故

不見道得人一

○師見僧以杖打露柱又打其僧頭

牛還人一馬

○師因僧侍立問曰汝得恁麼不痛僧無對

報慈遂

僧作忍痛聲師曰那箇爲甚麼不痛僧無對

代云貪

杖

○師見僧以杖打露柱又打其僧頭

著僧拋了却來曰甚麼處是某甲龕心處

師曰我見

築著磕著所以道汝龕心

雪竇顯云然則這僧被熱

直雲竇將今視古於理不甘你這一隙漢忽僧堂裏

來森舍內出築着磕着亦乃不知近來龕心轉盛我

若放過便見諸方

檢責卓拄杖下座○上堂有人從佛殿後過見是張

三李四從佛殿前過爲甚麼不見且道佛法利害在

甚麼處僧曰爲有一分龕境所以不見

師乃叱之自代曰若是佛殿卽不見曰不是佛殿還可見否

師曰

不是佛殿見箇甚麼

○師問羅山巖頭道與麼與麼

不與麼不與麼意作麼

生羅山召師師應諾羅山曰

雙明亦雙暗師禮謝三日後却問前日蒙和尚垂慈

祇爲看不破羅山曰盡情向汝道了也

師曰和尚是

把火行羅山曰若與麼據汝疑處問將來

師曰如何

是雙明亦雙暗羅山曰同生亦同死

師又禮謝而退

別有僧問師同生亦同死時如何

師曰彼此合取狗

口曰和尚收取口喫飯其僧却問羅山同生亦同死

1 2 3 4 5 6 7 8 9 20

1 2 3 4 5 6 7 8 9 30

時如何。羅山曰：如牛無角曰同生，不同死。時如何。羅山曰：如虎戴角。○有尼到參師，問阿誰侍者報曰：覺師姑。師曰：既是覺師姑用來作麼？尼曰：仁義道中，卽不無師別。曰：和尚是甚麼心行。○師聞長生卓庵乃往相訪，茶話次，長生曰：曾有僧問祖師西來意，某甲舉拂子示之，不知得不得。師曰：某甲爭敢道得，不得有箇問。有人讚歎此事，如虎戴角。有人輕毀此事，分文不直。一等是怎麼事？因甚麼毀讚？不同。長生曰：適來出自偶爾。老宿云：毀又爭得？又老宿云：惜取眉毛。好。太原孚云：若無智眼，難辨得失。報慈遂云：一等是與麼事？爲什麼有得？有不得？拂子一生無用。閻

師遣使送朱記到，師上堂提起印，曰：去卽印住住，卽印破。僧曰：不去不住，用印奚爲？師便打僧曰：恁麼？鬼窟裏全因今日也。師持印歸方丈。○一日示微疾，僧入丈室問訊。師曰：吾與汝相識年深，有何方術？救曰：方術甚有聞說。和尚不解忌口。清涼欽別云：和尚解忌口麼？閻

雪竇顯別云：只  
恐難爲和尚

鼓山神晏國師

雪峯存

福州鼓山神晏與聖國師大槩李氏子杖錫徧扣禪關而但記語言存乎知解及造雪嶺，朗然符契。一日參雪峰，雪峰知其緣熟，忽起搃住曰：是甚麼師？釋然。

1 2 3 4 5 6 7 8 9 20 30

了悟亦忘其了心唯舉手搖曳而已雪峰曰子作道理邪師曰何道理之有雪峰審其懸解撫而印之○後閩帥常詢法要創鼓山禪苑請舉揚宗肯師上堂欲知此事如一口劍僧問學人是死屍如何是劍師曰拽出這死屍著僧應喏便歸僧堂結束而去師至晚聞得乃曰好與拄杖雪竇顯云諸方老宿總道鼓山失却一隻眼殊不知重賞之下必有勇夫然雖如是若存細點檢來未免一時埋却雲居齊云這僧若不肯鼓山有什麼過若肯何得便發去又云鼓山拄杖賞伊罰伊具眼底試商量看東禪觀云這僧將箇死屍出來弄得活鼓山好一口劍尚在

○師與閩帥瞻仰佛像帥問是甚麼佛師曰請大王鑒帥曰鑒卽不是佛師曰是甚麼帥無

對

長慶稊代云久承人節在衆何得造次

龍華靈照禪師

雪峯存法嗣

杭州龍華寺靈照真覺禪師高麗人也萍遊閩越陞雪峰之堂冥符玄旨居唯一衲服勤衆務閩中謂之照布衲○一夕指半月問溥上座曰那一片甚麼處去也溥曰莫妄想師曰失却一片也

翠巖令參禪師

雪峯有法嗣

明州翠巖令參永明禪師安吉州人也上堂曰一夏

與兄弟東語西話看翠巖眉毛在麼

長慶稊云生也雲門偃云關

保福展云作賊人心虛

翠巖芝

云爲衆竭力禍出私門雲居元云翠巖知而故犯經赦不原雲門

10 1 2 3 4 5 6 7 8 9 20

1 2 3 4 5 6 7 8 9 30

按後施行依公問罪還識長慶保福麼普州人送賊  
蔣山慙云翠巖坐斷天下人舌頭無咱處長慶  
云生也因事長智保福云作賊人心虛是精識藉雲  
門云關據欸結案雖則宗風貌酬還截得翠巖腳跟  
麼不蹕前蹕試道看薦福行云翠巖開眼屎牀問  
在答處雲門失錢遭罪答在問處若問不在答處答  
不在問處東湖拄杖穿却嘉州大像你諸人提起坐  
具且向日本國裏作自恣佛事雪竇宗云盡大地  
是翠巖一隻眼更說什麼在不在直得諸方拿宿做  
盡伎倆出纏續不得所以保福云作賊人心虛正是  
上他機境雲門云關大似夢中爭力長慶云生也隨  
語生解只如宗上座又作麼生以拂子畫圓相云分  
付海山無事客釣鯉時下一圈關大為泰云保福  
道作噠人心虛可謂同道者方知長慶云生也隨  
作解雲門云關塞斷咽喉告有問山僧見

處又作麼生拈拄杖卓一下云一串末却

### 鏡清道忿禪師

法嗣

越州鏡清寺道忿順德禪師永嘉陳氏子遊方抵閩

謁雪峰雪峰問甚處人曰溫州人雪峰曰恁麼則與  
一宿覺是鄉人也曰祇如一宿覺是甚麼處人雪峰  
曰好喫一頓棒且放過一日師問祇如古德豈不是  
以心傳心雪峰曰兼不立文字語句師曰祇如不立  
文字語句師如何傳雪峰良久師禮謝雪峰曰更問  
我一轉豈不好師曰就和尚請一轉問頭雪峰曰祇  
恁麼爲別有商量師曰和尚恁麼卽得雪峰曰於汝  
作麼生師曰孤負殺人雪峰謂衆曰堂堂密密地師  
出問是甚麼堂堂密密雪峰起立曰道甚麼師退步  
而立雪峰垂語曰此事得恁麼尊貴得恁麼綿密師

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

曰道愆自到來數年不聞和尚恁麼示誨雪峰曰我  
向前雖無如今已有莫有所妨麼曰不敢此是和尚  
不已而已雪峰曰致使我如此師從此信入而且隨  
衆時謂之小愆布衲普請次雪峰舉鴻山道見色便  
見心汝道還有過也無師曰古人爲甚麼事雪峰曰  
雖然如此要共汝商量師曰恁麼則不如道愆鉏地  
去靈隱泉云雪峯探竿在手影草隨身若不是鏡清普請幾乎很籍師再參雪峰雪  
峰問甚處來師曰嶺外來雪峰曰甚麼處逢見達磨  
師曰更在甚麼處雪峰曰未信汝在師曰和尚莫恁  
麼粘泥好雪峰便休○師後遍歷諸方益資權智因

訪先曹山曹山問甚麼處來師曰昨日離明水曹山  
曰甚麼時到明水師曰和尚到時到曹山曰汝道我  
甚麼時到師曰適來猶記得曹山曰如是如是○師  
住菴時有行者至徐徐近繩牀取拂子提起問某用  
喚這箇作拂子庵主喚作甚麼師曰不可更安名立  
字也行者乃擲却拂子曰著甚死急○問僧外面是  
甚麼聲曰蛇敵蝦蟆聲師曰將謂衆生苦更有苦衆  
生○師問靈雲行脚事大乞師指南靈雲曰浙中米  
作麼價師曰若不是道愆泊作米價會却大鴻秀云曾聞鏡清作者果然不類況常既知不作米價會必然深悟指南靈雲只解去不能收來若不是某甲泊作米價

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

會只問道你又別作麼生會從伊說得行脚事且與後人爲範爲範○問學人未達其源請師方便師曰是甚麼源曰其源師曰若是其源爭受方便僧禮拜退雪竇顯云死水裏浸却有甚用處侍者問和尚

適來莫是成褫伊麼師曰無曰莫是不成褫伊麼

日無曰未審意旨如何師曰一點水墨兩處成龍

雪竇

顯云猶較些子雪竇不是減鏡清威光要與這僧相見是什麼源其源三十年後與汝三十棒五祖戒云與麼道也大險雖然諦險爭奈用得這一點親要會麼莫性鏡清多意氣他家曾謁聖明君昭覺勤云鏡清具本分鉗錦有作家爐鞴正如明鏡當臺舉無遺照雖則感應機要且猶葛藤若是山僧忽有間未達其源對他是什麼源待伊道其源勞脊便棒更有問是成褫伊否無和尚尊意若何勞脊便棒非唯截斷衆流亦乃光○有僧引一童子到曰此童

子常愛問人佛法請和尚驗看師乃令點茶童子點茶來師啜了過盞索與童子童子近前接師却縮手曰還道得麼童子曰問將來法眼益別云和尚更喫茶否和僧曰此童子見解如何師曰也祇是一兩生持戒僧

安國弘珀禪師

雪峯存法嗣

福州安國院弘珀明真禪師泉州陳氏子叅雪峰雪峰問甚麼處來曰江西來雪峰曰甚麼處見達磨曰分分向和尚道雪峰曰道甚麼曰甚麼處去來一日雪峰見師忽擣住曰盡乾坤是箇解脫門把手拽伊不肯入曰和尚怪弘珀不得雪峰拓開曰雖然如此

10 1 2 3 4 5 6 7 8 9

20

30

9

爭奈背後許多師僧何○師舉國師碑文云得之於心猗蘭作旃檀之樹失之於旨甘露乃蒺藜之園問僧曰一語須具得失兩意汝作麼生道僧舉拳曰不可喚作拳頭也師不肯亦舉拳別曰祇爲喚這箇作

拳頭

雪竇顯云無繩自縛漢拳頭也不識大鴻秀云雪竇與安國盡謂孤高方外及乎臨鋒受敵又却逐隙隨行我要箇語具得失兩意待伊豎起拳云不可喚作拳你又喚作什麼從伊說出得失兩意也要其中見人只與麼和泥合水有甚分曉

大童

華云若見得雪竇徹便見得安國龍頭蛇尾若見不徹伊蘭作栴檀之樹甘露乃蒺藜之園東禪觀云

這僧不能鉗安國之口安國不能止雪竇之詞雪竇不能免大鴻之議可降諸大老成羣作隊不奈一箇拳何待云我要箇語具得失兩意只向他道休何謂如此師子一滴乳○師舉稜和尚在招慶時在法堂逆散十斛驢乳

○師舉稜和尚在招慶時在法堂

東角立謂僧曰這裏好致一問僧便問和尚爲何不居正位稜曰爲汝恁麼來曰卽今作麼生稜曰用汝眼作麼師舉畢乃曰他家恁麼問別是箇道理汝今作麼生道後安國曰恁麼則大衆一時散去得也師自代曰恁麼卽大衆一時禮拜

金輪可觀禪師

雪峯存法嗣

南嶽金輪可觀禪師福唐薛氏子參雪峰雪峰曰近前來師方近前作禮雪峰與一踢師忽契悟師事十二載復歷叢林○住後上堂我在雪峰遭他一踢直至如今眼不開不知是何境界○雪峰院主有書來

1 2 3 4 5 6 7 8 9

20

30

1 2 3 4 5 6 7 8 9

招曰山頭和尚年尊也長老何不再入嶺一轉師回書曰待山頭和尚別有見解卽再入嶺僧問如何是雪峰見解師曰我也驚

長生皎然禪師

雪峰存法嗣

福州長生山皎然禪師本郡人久依雪峰一日與僧斫樹次雪峯曰斫到心且住師曰斫却著雪峰曰古人以心傳心汝爲甚麼道斫却師擲下斧曰傳雪峯打一拄杖而去○僧問雪峰如何是第一句雪峰良久僧舉似師師曰此是第二句雪峰再令其僧來問如何是第一句師曰蒼天蒼天○普請次雪峰問古

人道誰知席帽下元是昔愁人古人意作麼生師側戴笠子曰這箇是甚麼人語○雪峰問師持經者能荷擔如來作麼生是荷擔如來師乃捧雪峰向禪床上○普請次雪峰負一束藤路逢一僧便拋下僧擬取雪峰便踢倒歸謂師曰我今日踢這僧快師曰和尚却替這僧入涅槃堂始得雪峰便休去

雪竇云長生大似東家人死西家助哀也好與一踏白雲端云雪峯外面贏得五百家中失却一貫恕中溫云這僧喫

雪峯一踏白日見鬼長生喫雪峯一○雪峰問光境俱亡復是何物師曰放皎然過有道處雪峰曰放汝過作麼生道曰皎然亦放和尚過雪峰曰放汝二十

10 1 2 3 4 5 6 7 8 9 20 1 2 3 4 5 6 7 8 9

棒師便禮拜

鵝湖智孚禪師

雪峯存法嗣

信州鵝湖智孚禪師福州人也因鏡清問如何是卽今底師曰何更卽今鏡清曰幾就支荷師曰語逆言順○師一日不赴堂侍者來請赴堂師曰我今日在莊喫油糍飽侍者曰和尚不會出入師曰你但去問取莊主侍者方出門忽見莊主歸謝和尚到莊喫油糍

隆壽紹卿禪師

雪峯存法嗣

漳州隆壽紹卿興法禪師泉州陳氏子因侍雪峰山

行見芋葉動雪峰指動葉示之師曰紹卿甚生怕怖雪峰曰是汝屋裏底怕怖甚麼師於此有省

雲益歸本禪師

雪峯存法嗣

襄州雲益雙泉院歸本禪師京兆府人也初謁雪峰禮拜次雪峰下禪牀跨背而坐師於此有省

洛京南院和尚

雪峯存法嗣

洛京南院和尚有儒者博覽古今時呼爲張百會謁師師問莫是張百會麼曰不敢師以手於空畫一畫曰會麼曰不會師曰一尚不會甚麼處得百會來

龍興宗靖禪師

雪峯存法嗣

杭州龍興宗靖禪師台州人也初參雪峰誓充飯頭  
勞逾十載嘗於衆堂中袒一膊釘簾雪峰覩而記曰  
汝向後在持有千僧其中無一人衲子也師悔過回  
浙住六通院錢王命居龍興寺有衆千餘唯三學講  
誦之徒果如雪峰所誌

越山師窟禪師

雪峯存法嗣

越州越山師窟鑒真禪師初參雪峰而染指後因閩  
王請於清風樓齋坐久舉目忽覩日光豁然頓曉而  
有偈曰清風樓上赴官齋此日平生眼豁開方信普  
通年遠事不從葱嶺帶將來歸呈雪峰雪峰然之

福清玄訥禪師

雪峯存法嗣

泉州福清院玄訥禪師高麗人也泉守王公問如何  
是宗乘中事師叱之

夢筆和尚

雪峯存法嗣

建州夢筆和尚閩王請齋問師還將得筆來也無師  
曰不是稽山繡管慙非月裏兔毫大王旣垂顧問山  
僧敢不通呈又問如何是法王師曰不是夢筆家風

潮山延宗禪師

雪峯存法嗣

吉州潮山延宗禪師因資福來謁師下禪牀相接資  
福問和尚住此山得幾年也師曰鈍鳥棲蘆困魚止

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

禪曰恁麼則真道人也師曰且坐喫茶

太原孚上座

雪峯存法嗣

太原孚上座初在揚州光孝寺講涅槃經有禪者阻  
雪因往聽講至三因佛性三德法身廣談法身妙理  
禪者失笑師講罷請禪者喫茶白曰某甲素志狹劣  
依文解義適蒙見笑且望見教禪者曰實笑座主不  
識法身師曰如此解說何處不是曰請座主更說一  
遍師曰法身之理猶若太虛堅第三際橫亘十方彌  
綸八極包括一儀隨緣赴感靡不周備曰不道座主  
說不是祇是說得法身量邊事實未識法身在師曰  
既然如是禪德當爲我說曰座主還信否師曰焉敢  
不信曰若如是座主輒講旬日於室內端然靜慮收  
心攝念善惡諸緣一時放却師一依所教從初夜至  
五更聞鼓角聲忽然契悟便去扣門禪者曰阿誰師  
曰某甲禪者咄曰教汝傳持大教代佛說法夜來爲  
甚麼醉酒臥街師曰禪德自來講經將生身父母鼻  
孔扭捏從今已去更不敢如是禪者曰且去來日相  
見師遂罷講徧歷諸方名聞宇內嘗遊浙中登徑山  
法會一日於大佛殿前有僧問上座曾到五臺否師  
曰曾到曰還見文殊麼師曰見曰甚麼處見師曰徑

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

山佛殿前見其僧後適閩川舉似雪峰雪峰曰何不教伊入嶺來師聞乃趣裝而邁初至雪峰解院憩錫因分柑子與僧長慶問甚麼處將來師曰嶺外將來曰遠涉不易擔負得來師曰柑子柑子次日上山雪峰聞乃集衆師到法堂上顧視雪峰便下看知事雪寶顯云一千五百人善知識被孚老一覲便高豎降旗明日却上禮拜曰某甲昨日觸忤和尚雪峰曰知是般事便休雲門偃因僧問作麼生是觸忤處雲門便打雪寶顯云打得百千萬箇有甚用處直須盡大地人喫棒方可扶豎雪峯且道孚上座具什慾眼又云果然杵巖頌云壯氣如虹上法堂就籬縛健恰相當若言觸忤老和尚雪峰無端又着霜雲居舜云大小雪峯被孚上座惑亂一上只這孚上座也是擔枷退狀雪寶宗云只知其一不知其二

二殊不知雪峯坐籌帷幄勝千里孚上座至盡平生見解也只在雪峯圍續裏

○雪峰一

日見師乃指日示之師搖手而出雪峰曰汝不肯我那師曰和尚搖頭某甲擺尾甚麼處是不肯雪峰曰到處也須諱却○一日衆僧晚參雪峰在中庭臥師曰五州管內祇有這老和尚較些子雪峰便起去○雪峰嘗問師見說臨濟有三句是否師曰是曰作麼生是第一句師舉目視之雪峰曰此猶是第二句如何是第一句師叉手而退自此雪峰深器之更不他遊而掌浴焉○一日玄沙上問訊雪峰雪峰曰此間有箇老鼠子今在浴室裏玄沙曰待與和尚勘過言

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

訖到浴室遇師打水玄沙曰相看上座師曰已相見了玄沙曰甚麼劫中會相見師曰瞌睡作麼玄沙却入方丈白雪峰曰已勘破了雪峰曰作麼生勘伊玄沙舉前話雪峰曰汝著賊也○鼓山問師父母未生時鼻孔在甚麼處師曰老兄先道鼓山曰如今生也汝道在甚麼處師不肯鼓山却問作麼生師曰將手中扇子來鼓山與扇子再徵前話師搖扇不對鼓山固測乃歐師一拳昭覺勤云奇特因緣須以奇特激發殊勝大事須以殊勝舉揚雖然隱顯無差其奈巧拙有異或有間崇寧父母未生已前鼻孔在甚麼只劈口便掌○鼓山赴大王請雪峰門送回至法堂乃曰一隻聖箭直射九

重城裏去也師曰是伊未在雪峰曰渠是徹底人師曰若不信待某甲去勘過遂趣至中路便問師兄向甚麼處去鼓山曰九重城裏去師曰忽遇三軍圍繞時如何鼓山曰他家自有通霄路師曰恁麼則離宮失殿去也鼓山曰何處不稱尊師拂袖便回雪峰問如何師曰好隻聖箭中路折却了也遂舉前話雪峰乃曰奴渠語在師曰這老凍曬猶有鄉情在鴻山品云此話衆中商量不少或云纔問甚處去這裏便好打是聖箭折處或云忽遇三軍圍閉時如何好打是聖箭折處如斯理論非唯瞞他亦乃自瞞要會麼相如曾連城壁秦主安然致太平寶峯文云雪峯一千五百人善知識受侯王供養福報因緣卽不無若是佛法未在洞山卽不然待孚上座云好一隻聖箭折却

也却問他道甚麼待孚上座舉拽拄杖打出去一使孚上座已後作箇本色衲子<sub>二</sub>與聖箭子出其鋒鏑三與禪門作箇真正宗匠爲後人眼目諸禪德是不<sub>三</sub>是有眼者辨取保寧勇別國師語云孚上座我也知你是惡人徑山呆云衆中商量道什麼處是聖箭折處云鼓山不合答他話是聖箭折處鼓山不合說道理是聖箭折處怎麼批判非惟不識故此亦乃不識孚老妹不知孚上座正是一枚賊漢於鼓山西前納一場敗闕憾懼而歸却來雪峯處拔本大似屋裏販楊州若非雪峯有大人相這賦向甚處容身當時可借放過却成箇不了底公案只今莫有爲古人出氣底麼試出來你要問你甚處是聖箭折處石琦云鼓山聖箭子射入九重城甚生氣槩孚上座等閑拶着畧露鋒鏑回至法堂却云龍折誣人之罪以罪加之妙喜老人謂孚上座是一枚賊漢向鼓山西前納敗闕而歸騎賊馬殺賊大凡事不孤起當時雪峯只因賣弄這一隻聖箭子勾賊破家若是咬定牙關誰敢無風起浪便是盡大地稻麻竹葦化作衲僧要勘鼓山也無啓口處天寧不是貶剝古人聖箭子是什麼廁草莖拋向垃圾堆頭着更問他折處且

拂好○保福簽瓜次師至保福曰道得與汝瓜喫師曰把將來保福度與一片師接得便去雪寶顯云雖也活誰是好手請辯看○後歸維揚陳尚書畱在宅供養一日謂尚書曰來日講一遍大涅槃經報答尚書尚書致齋茶畢師遂陞座良久揮尺一下曰如是我聞乃召尚書尚書應諾師曰一時佛在便乃脫去

南嶽惟勁禪師

雪峯存法嗣

南嶽般若惟勁寶聞禪師福州人也師雪峰而友玄沙深入玄奧一日問鑑上座聞汝註楞嚴是否鑑曰不敢師曰一文殊作麼生註曰請師鑑師乃揚袂而

去

南嶽下七世

黃龍誨機禪師玄泉彥  
法嗣

鄂州黃龍山誨機超慧禪師清河張氏子初參巖頭  
問如何是祖師西來意巖頭曰你還解救燃麼師曰  
解巖頭曰且救燃去後到玄泉問如何是祖師西來  
意玄泉拈起一莖皂角曰會麼師曰不會玄泉放下  
皂角作洗衣勢師便禮拜曰信知佛法無別玄泉曰  
你見甚麼道理師曰某甲曾問巖頭巖頭曰你還解  
救燃麼救燃也祇是解粘和尚提起皂角亦是解粘

所以道無別玄泉呵呵大笑師遂有省

明招德謙禪師羅山開  
法嗣

明招德謙禪師受羅山印記激揚玄旨諸老宿皆畏  
其敏捷嘗到招慶指壁畫問僧那箇是甚麼神曰護  
法善神師曰會昌沙汰時向甚麼處去來僧無對師  
令僧問演侍者演曰汝甚麼劫中遭此難來僧回舉  
似師師曰直饒演上座他後聚一千衆有甚麼用處  
僧禮拜請別語師曰甚麼處去也○到坦長老處坦  
曰夫參學一人所在亦須到半人所在亦須到師便  
問一人所在卽不問作麼生是半人所在坦無對後

1 2 3 4 5 6 7 8 9 20

30

令小師問師。師曰汝欲識半人所在麼也。祇是弄泥團漢。○清上座舉仰山挿鉗話。問師。古人意在又手處挿鉗處。師召清。清應諾。師曰還夢見仰山麼。清曰不要上座下語。祇要商量。師曰若要商量。堂頭自有。一千五百人。老師在。○又到雙巖。雙巖請喫茶。次日某甲致一問。若道得便捨院與閻黎住。若道不得。卽不捨院。遂舉金剛經云。一切諸佛及諸佛阿耨多羅三藐三菩提法。皆從此經出。且道此經是何人說。師曰說與不說。拈向這邊著。祇如和尚決定喚甚麼作此經。雙巖無對。師又曰。一切賢聖皆以無爲法。而有差別。則以無爲法爲極。則憑何而有差別。祇如差別是過。不是過。若是過。一切賢聖悉皆是過。若不是過。決定喚甚麼作差別。雙巖亦無語。師曰噫。雪峰道底。○師訪保寧於中路。相遇便問。兄是道伴中人。乃點鼻頭曰。這箇礙塞我不徹。與我拈却。少時得麼。保寧曰。和尚有來多少時。師曰噫。洎賺我踏破一繩草鞋。便回國泰代曰。非但某甲諸佛亦不奈何。師曰因甚麼以己方人。○師在婺州智者寺居。第一座尋常不受淨水。主事嗔曰。上座不識觸淨爲甚麼。不受淨水。師跳下牀。提起淨瓶。曰。這箇是觸是淨。主事無語。師

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

乃撲破

西川定慧禪師

羅山開法嗣

西川定慧禪師初參羅山羅山問甚麼處來師曰遠離西蜀近發開元却近前問卽今事作麼生羅山揖曰喫茶去師擬議羅山曰秋氣稍熱去師出至法堂歎曰我在西蜀峨嵋山脚下拾得一隻蓬蒿箭擬撥亂天下今日打羅山寨弓折箭盡也休休乃下參衆羅山來日上堂師出問豁開戶牖當軒者誰羅山便喝師無語羅山曰毛羽未備且去師因而摵衣久承印記○後謁台州勝光勝光坐次師直入身邊叉手

而立勝光問甚處來師曰猶待答話在便出勝光拈得拂子趁至僧堂前見師乃提起拂子曰闇黎喚這箇作甚麼師曰敢死喘氣勝光低頭歸方丈

天竺義澄禪師

羅山開法嗣

虔州天竺義澄常真禪師在羅山數載後因羅山示疾師問百年後忽有人問和尚以何指示羅山乃放身便倒師從此契悟卽禮謝

羅漢桂琛禪師

玄沙開法嗣

漳州羅漢院桂琛禪師常山李氏子登戒學毗尼一日爲衆陞臺宣戒本布薩已乃曰持戒但律身而已

10 1 2 3 4 5 6 7 8 9 20 1 2 3 4 5 6 7 8 9 30

非真解脫也依文作解豈發聖智乎於是訪南宗初  
謁雲居雪峰參訊勤恪然猶未有所見後造玄沙一  
言啓發廓爾無惑玄沙問三界唯心汝作麼生會師  
指倚子曰和尚喚這箇作甚麼曰倚子師曰和尚不  
會三界唯心曰我喚這箇作竹木汝喚作甚麼師曰  
桂琛亦喚作竹木曰盡大地覓一箇會佛法底人不  
可得師自爾愈加激勵○漳牧王公建精舍曰地藏  
請師開法後遷羅漢大闡玄要○一日同中塔侍玄  
沙玄沙打中塔一棒曰就名就體中塔不對玄沙乃  
問師作麼生會師曰這僧著一棒不知來處○僧報  
曰保福已遷化也師曰保福遷化地藏入塔僧問法眼益古  
人意旨如何法眼云蒼天蒼天○保福僧到師問彼中佛法如何曰  
有時示衆道塞却你眼教你觀不見塞却你耳教你  
聽不聞坐却你意教你分別不得師曰吾問你不塞  
你眼見箇甚麼不塞你耳聞箇甚麼不坐你意作麼  
生分別東禪齊云那僧開了忽然省去更不他遊上山果云富庶千口座如今還會麼若不會每日見箇甚麼少貧恨一身多徑○請保福齋令人傳語曰請和尚慈悲降重保福曰慈悲爲阿誰師曰和尚恁麼道渾是不慈悲○問僧甚處來曰秦州師曰將得甚麼物來曰不將得物來師曰汝爲甚麼對衆謾語其僧無

1 2 3 4 5 6 7 8 9 20 1 2 3 4 5 6 7 8 9 30

對師却問秦州豈不是出鶴鵠曰鶴鵠出在隴西師曰也不較多

鴻山姑云這僧新從秦州來爲什麼道對衆說話要會麼作客殷勤帶累主人

施泥

○王太傅上雪峰施衆僧衣時從弇上座不在

師弟代上名受衣從弇歸弟曰某甲爲師兄上名了

從弇曰汝道我名甚麼弟無對師代曰師兄得恁麼

弇上座兩

度上名處

是

雲居錫云甚麼處是

是

○師與長慶保福入州見牡丹障子保福

曰好一朵牡丹花長慶曰莫眼花師曰可惜許一朵

花

報慈遠云三尊宿語還有親疎也無祇如羅漢恁麼道落在甚麼處黃龍心云據此三人見處一人超佛越祖一人自利利他一人誤已却問僧你道自誤底是誰僧云莫眼華師云此去更深夜靜迴繩

無人處更去共伊商量始得

安國慧球禪師

玄沙備法嗣

福州安國院慧球寂照禪師

亦中塔

泉州莆田人也玄

沙室中參訊居首因問如何是第一月玄沙曰用汝箇月作麼師從此悟入○梁開平二年玄沙將示滅聞師王氏遣子至問疾仍請密不繼踵說法者誰玄沙曰球子得王默記遺旨乃問敲山臥龍法席孰當其任敲山舉城下宿德具道眼者十有二人至開堂日官僚與僧侶俱會法筵王忽問衆曰誰是球上座於是衆人指出師王氏便請陞座○上堂曰我此間

10 1 2 3 4 5 6 7 8 9 20 1 2 3 4 5 6 7 8 9 30

粥飯因緣爲兄弟舉唱終是不常欲得省要却是山河大地與汝發明其道既常亦能究竟若從文殊門入者一切無爲土木瓦礫助汝發機若從觀音門入者一切音響蟬蟻助汝發機若從普賢門入者不動步而到以此三門方便示汝如將一隻折箸攬大海水令彼魚龍知水爲命會麼若無智眼而審諦之任汝百般巧妙不爲究竟

大章契如庵主

玄沙備生嗣

福州大章山契如庵主本郡人也志探祖道預玄沙之室頽悟幽旨玄沙記曰子禪已逸格則他後要一

人侍立也無師自此不務聚徒不畜童侍隱於小界山到大朽杉若小庵但容身而已○僧問雲臺欽和尚如何是真言欽曰南無佛陀耶師別曰作麼作麼○清豁冲煦一長老嚮師名未嘗會遇一日同訪之值師採栗豁問道者如庵主在何所師曰從甚麼處來曰山下來師曰因甚麼得到這裏曰這裏是甚麼處所師揖曰那下喫茶去二公方省是師遂詣庵所晤坐左右不覺及夜覩豺虎奔至庵前自然馴達

國清師靜上座

玄沙備生嗣

天台國清寺師靜上座始遇玄沙下眾曰汝諸人但

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

能一生如喪考妣吾保汝究得徹去師蹠前語問曰  
祇如教中道不得以所知心測度如來無上知見又  
作麼生玄沙曰汝道究竟徹底所知心還測度得及  
否師從此信入

招慶道匡禪師長慶稜  
法嗣

泉州招慶院道匡禪師潮州人也稜和尚始居招慶  
師乃入室參侍遂作桶頭常與衆僧語話一日長慶  
見乃曰爾每日口嘵嘵底作麼師曰一日不作一日  
不食長慶曰與麼則磨弓錯箭去也師曰專待尉遲  
來長慶曰尉遲來後如何師曰教伊筋骨遍地眼睛

突出長慶便出去泊長慶被召師繼踵住持

鷲嶺明遠禪師長慶稜  
法嗣

襄州鷲嶺明遠禪師初參長慶長慶問汝名甚麼師  
曰明遠長慶曰那邊事作麼生師曰明遠退兩步長  
慶曰汝無端退兩步作麼師無語長慶曰若不退步  
爭知明遠師乃諭旨

報慈光雲禪師長慶稜  
法嗣

福州報慈院光雲慧覺禪師問僧近離甚處曰卧龍  
師曰在彼多少時曰經冬過夏師曰龍門無宿客爲  
甚在彼許多時曰師子窟中無異獸師曰汝試作師

1 2 3 4 5 6 7 8 9 20 30

子吼看曰若作師子吼卽無和尚師曰念汝新到放汝三十棒雪竇顯云竇惟諸禪德若平展則兩不相傷據令則彼此俱嶮還檢點得麼○閩王問報慈與神泉相去近遠師曰若說近遠不如親到師却問大王日應千差是甚麼心王曰甚麼處得心來師曰豈有無心者王曰那邊事作麼生師曰請向那邊問王曰大師謾別人卽得

廣嚴咸澤禪師

長慶稜  
法嗣

杭州靈隱山廣嚴院咸澤禪師初參保福保福問汝名甚麼師曰咸澤保福曰忽遇枯涸者如何師曰誰是枯涸者保福曰我是師曰和尚莫謾人好保福曰

却是汝謾我

新羅龜山和尚

長慶稜  
法嗣

新羅國龜山和尚有人舉裴相國啓建法會問僧看甚麼經曰無言童子經公曰有幾卷曰兩卷公曰既是無言爲甚麼却有兩卷僧無對師代曰若論無言非唯兩卷

太傅王延彬居士

長慶稜  
法嗣

太傅王延彬居士一日入招慶佛殿指鉢盂問殿主這箇是甚麼鉢殿主曰藥師鉢公曰祇聞有降龍鉢殿主曰待有龍卽降公曰忽遇擎雲襯浪來時作麼

10 1 2 3 4 5 6 7 8 9 20 30 1 2 3 4 5 6 7 8 9

生殿主曰他亦不顧公曰話墮也

玄沙備云盡你神力走向甚麼處去

保福展云販依佛法僧門復云他日生天莫孤負老僧知瞻前不知顧後太尉神威既逞殿主鉢孟猶覆大鴻當時若見他道拏雲曠浪來時如何托起鉢孟道盡汝神力直饒八大龍王來也只得振威吒怒

○長慶謂太傅曰雪峰豎拂子示僧其僧便出去若據此僧合喚轉痛與一頓公

曰是甚麼心行長慶曰洎合放過○公到招慶煎茶

朗上座與明招把跳忽翻茶跳公問茶爐下是甚麼

朗曰捧爐神公曰既是捧爐神爲甚麼翻却茶朗曰事官千日失在一朝公拂袖便出明招曰朗上座哭却招慶飯了却向外邊打野樞朗曰上座作麼生招

追

雪竇顯云當時但踏倒茶爐山喆云王太傅大似相如奪璧怒

髮衝冠明招也是忍俊不禁難逢快便大鴻若做朗上座當時見問但呵呵大笑何故見之不取千載難追

### 報恩道熙禪師

保福展法嗣

漳州報恩院道熙禪師初與保福送書上泉州王太尉太尉問漳南和尚近日還爲人也無師曰若道爲人卽屈著和尚若道不爲人又屈著太尉來問太尉曰道取一句太尉曰待鐵牛能齧草木馬解舍煙師曰某甲惜口喫飯太尉良久又問驢來馬來師曰驢馬不同途太尉曰爭得到這裏師曰特謝太尉領話

1 2 3 4 5 6 7 8 9 20 30 1 2 3 4 5 6 7 8 9

招慶省僧行禪師保福展法嗣

泉州招慶院省僧行淨修禪師初參保福保福一日入大殿覩佛像乃舉手問師曰佛恁麼意作麼生師曰和尚也是橫身保福曰一撝我自收取師曰和尚非唯橫身保福然之

天竺子儀禪師鼓山晏法嗣

杭州天竺子儀心印水月禪師溫州樂清陳氏子初遊方謁鼓山問曰子儀三千里外遠投法席今日非時上來乞師非時答話鼓山曰不可鈍置仁者師曰省力處如何鼓山曰汝何費力師於此有省

白雲智作禪師

鼓山晏法嗣

建州白雲智作真寂禪師永真朱氏子禮鼓山披剃一日鼓山上堂召大眾衆皆回眸鼓山披襟示之衆罔措唯師朗悟厥旨入室印證又參次鼓山召曰近前來師近前鼓山曰南泉喚院主意作麼生師斂手端容退身而立鼓山莞然奇之

鼓山智岳禪師

鼓山晏法嗣

福州鼓山智岳了宗禪師本郡人也初遊方至鄂州黃龍問久嚮黃龍及乎到來祇見赤斑蛇黃龍曰汝祇見赤斑蛇且不識黃龍師曰如何是黃龍黃龍曰

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

滔滔地師曰忽遇金翅鳥來又作麼生黃龍曰性命難存師曰恁麼則被他吞却去也黃龍曰謝閣黎供養師便禮拜

報國照禪師

龍華照  
法嗣

福州報國院照禪師佛塔被雷霹有問祖佛塔廟爲甚麼却被雷霹師曰通天作用曰既是通天作用爲甚麼却霹佛師曰作用何處見有佛曰爭奈狠籍何師曰見甚麼徑山信二云不霹佛祖更教伊霹阿那箇門開家私未許庸人薦佛塔沉沉空劫灰

資福智遠禪師

鏡清付  
法嗣

福州資福院智遠禪師福州人也參鏡清問如何是諸佛出身處鏡清曰大家要知師曰如斯則衆眼難瞞去也鏡清曰理能縛豹師因此發悟玄旨

烏巨儀晏禪師

鏡清付  
法嗣

衢州烏巨山儀晏開明禪師吳興許氏子光啓中隨父鎮信安強爲娶師不願遂遊歷諸方機契鏡清歸省父母乃於郭南剏別舍以遂師志舍旁陳司徒廟有凜禪師像師往瞻禮失師所之後郡守展祀祠下見師入定于廟後叢竹間蟻蠹其衣敗葉沒膝或者云是許鎮將之子也自此三昧或出或入于湖訥禪

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

師未知師所造淺深問曰子所住定蓋小乘定耳時方啜茶師呈起橐曰是大是小訥駭然尋謁枯蒼唐山德嚴禪師嚴問汝何姓曰姓許嚴曰誰許汝曰不別嚴默識之遂與剃染嘗令摘桃浹旬不歸往尋見師攀桃倚石泊然在定嚴鳴指出之開運中遊江郎嚴覩石龕謂弟子慧興曰予入定此中汝當壘石塞門勿以吾爲念慧興如所戒明年慧興意師長往啓龕視師素髮被肩胸臆尚暖徐自定起了無異容復回烏巨侍郎慎公鎮信安馥師之道命義學僧守榮詰其定相師不與之辯榮意輕之時信安人競圖師像而尊事皆獲舍利榮因媿服禮像謝憊亦獲舍利歎曰此後不敢以淺解測度矣錢忠懿王感師見夢遣使圖像至適王患目疾展像作禮如夢所見隨雨舍利目疾頓瘳因錫號開明端拱初太宗聞師定力詔本州加禮津發赴闕師力辭僧再至諭旨特令肩輿入對便殿命坐賜茗茗問禪定奏對簡盡深契上旨

瑞峯志端禪師

安國培  
法嗣

福州林陽瑞峰院志端禪師本州人也初參安國見僧問如何是萬象之中獨露身安國舉一指其僧不

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

薦師於是冥契玄旨乃入室白曰適來見那僧問話  
志端有箇省處安國曰汝見甚麼道理師亦舉一指  
曰這箇是甚麼安國然之師禮謝

保福清豁禪師

睡龍溥  
法嗣

漳州保福院清豁禪師福州人也謁大章山如庵王  
語具如  
庵主章後參睡龍睡龍問曰豁闍黎見何尊宿來還  
悟也未曰清豁嘗訪大章得箇信處睡龍於是上堂  
集衆召曰豁闍黎出來對衆燒香說悟處老僧與汝  
證明師出衆乃拈香曰香已拈了悟卽不悟睡龍大  
悅而許之

### 南嶽下八世

嘉州黑水和尚

黃龍機  
法嗣

嘉州黑水和尚初參黃龍便問雪覆蘆花時如何黃  
龍曰猛烈師曰不猛烈黃龍又曰猛烈師又曰不猛  
烈黃龍便打師於此有省卽便禮拜

呂巖真人

黃龍機  
法嗣

呂巖真人字洞賓京川人也唐末三舉不第偶於長  
安酒肆遇鍾離權授以延命術自爾人莫之究嘗遊  
廬山歸宗書鐘樓壁曰一日清閑自在身六神和合  
報平安丹田有寶休尋道對境無心莫問禪未幾道

1 2 3 4 5 6 7 8 9

20

30

9

經黃龍山覩紫雲成蓋疑有異人乃入謁值黃龍擊  
鼓陞堂黃龍見意必呂公也欲誘而進厲聲曰座傍  
有竊法者呂毅然出問一粒粟中藏世界半升鎗內  
煮山川且道此意如何黃龍指曰這守屍鬼呂曰爭  
奈囊有長生不死藥黃龍曰饒經八萬劫終是落空  
亾呂薄訝飛劍脅之劍不能入遂再拜求指歸黃龍  
詰曰半升鎗內煮山川卽不問如何是一粒粟中藏  
世界呂於言下頓契作偈曰棄却瓢囊撼碎琴如今  
不戀手中金自從一見黃龍後始覺從前錯用心黃  
龍囑令加護

清谿洪進禪師

羅漢琛

襄州清谿山洪進禪師在地藏時居第一座一日地  
藏上堂二僧出禮拜地藏曰俱錯二僧無語下堂請  
益修山主修曰汝自巍巍堂堂却禮拜擬問他人豈  
不是錯師聞之不肯修乃問未審上座又作麼生師  
曰汝自迷暗焉可爲人修憤然上方丈請益地藏指  
廊下曰典座入庫頭去也修乃省過○又一日師問  
修山主曰明知生是不生之理爲甚麼爲生死之所  
流修曰箇畢竟成竹去如今作箋使還得麼師曰汝  
向後自悟去在修曰某所見祇如此上座意旨又如

1 2 3 4 5 6 7 8 9 20 30

何師指曰這箇是監院房那箇是典座房修卽禮謝清涼休復禪師

羅漢琛  
法嗣

昇州清涼院休復悟空禪師北海王氏子叅尋宗匠依地藏經年不契直得成病入涅槃堂一夜地藏去看乃問復上座安樂麼師曰某甲爲和尚因緣背地藏指燈籠曰見麼師曰見地藏曰祇這箇也不背師於言下有省後修山主問訊地藏乃曰某甲百劫千生曾與和尚違背來此者又值和尚不安地藏遂堅起拄杖曰祇這箇也不背師忽然契悟○問忠座王講甚麼經曰法華經師曰若有說法華經處我現寶塔當爲證明大德講甚麼人證明忠無對

清涼欽代  
云謨和尚

龍濟紹修禪師

羅漢琛  
法嗣

撫州龍濟紹修禪師初與法眼同參地藏所得謂已臻極暨同辭至建陽途中譚次法眼忽問古人道萬象之中獨露身是撥萬象不撥萬象師曰不撥法眼曰說甚麼撥不撥師懵然不知却回地藏地藏問子去未久何以却來師曰有事未決憚跋涉山川地藏曰汝跋涉許多山川也還不惡師未喻旨乃問古人事萬象之中獨露身意旨如何地藏曰汝道古人

1 2 3 4 5 6 7 8 9 20

30

撥萬象不撥萬象師曰不撥地藏曰兩箇也師駭然沈思而却問未審古人撥萬象不撥萬象地藏曰汝喚甚麼作萬象師方省悟再辭地藏觀于法眼法眼語意與地藏開示前後如一○師後居龍濟山上堂具足凡夫法凡夫不知具足聖人法聖人不會聖人若會即是凡夫凡夫若知即是聖人此兩語一理二義若人辨得不妨於佛法中有箇入處若辨不得莫道不疑好珍重黃龍清云修山主只知布網張羅不覺自遭籠罩要得出身處此亦有一理二義若人辨得永墮阿鼻徑山果云點鐵化爲金玉易勸人除却是非難淨慈一云直饒有箇入路要作什麼凡夫則是凡夫聖人則是聖人且道凡聖兩句一句作麼生道閑持經卷倚松立笑問客從

何處來

楚石琦云脩山主熟處難忘也是胡地冬

抽笋天奇瑞云若然有箇入處莫道十方衲子管

取山主未出聖凡更要利益諸人轉引諸人入生陷

地獄更說什麼知與不知會與不會雖然爲衆竭力

爭奈禍出私門固乃錐

破卦文免得鑽龜打瓦○問僧甚處來曰翠巖師曰

何處來

楚石琦云脩山主熟處難忘也是胡地冬

抽笋天奇瑞云若然有箇入處莫道十方衲子管

翠巖有何言句示徒曰尋常道出門逢彌勒入門見釋迦師曰與麼道又爭得曰和尚又如何師曰出門逢阿誰入門見甚麼僧於言下有省

酒仙遇賢禪師

法嗣

龍華珠

酒仙遇賢禪師姑蘇長洲林氏子貌偉怪口容雙拳七歲嘗沈大淵而衣不潤往參龍華發明心印回居明覺院唯事飲酒醉則成歌頌警道俗因號酒仙偈

1 2 3 4 5 6 7 8 9

20

30

日綠水紅桃華前街後巷走百餘遭張三也識我李  
四也識我識我不識我兩箇拳頭那箇大兩箇之中  
一箇大曾把虛空一戳破摩挲令教却恁麼拈取須  
彌枕頭臥楊子江頭浪最深行人到此盡沈吟他時  
若到無波處還似有波時用心金掌又聞泛玉山還  
報頽莫教更漏促趁取月明回貴買朱砂畫月算來  
枉用工夫醉卧綠楊陰下起來強說真如泥人再三  
叮囑莫教失却衣珠一六二六其事已足一九二九  
我要喫酒長伸兩脚眠一竈起來天地還依舊門前  
綠樹無啼鳥庭下蒼苔有落花聊與東風論箇事十  
分春色屬誰家秋至山寒水冷春來柳綠花紅一點  
動隨萬變江村煙雨濛濛有不有空不空笊籬撈取  
西北風生在閭浮世界人情幾多愛惡祇要喫些酒  
子所以倒街臥路死後却產婆婆不願超生淨土何  
以故西方淨土且無酒酤

南嶽下九世

圓通緣德禪師

清溪進法嗣

廬山圓通緣德禪師臨安黃氏子徧遊諸方江南國  
主於廬山建院請師開法○大將軍曹翰部曲渡江  
入寺禪者驚走師淡坐如平日翰至不起不揖翰怒

10 1 2 3 4 5 6 7 8 9 20 30

訶曰長老不聞殺人不眨眼將軍乎師熟視曰汝安知有懼生死和尚邪翰大奇增敬而已曰禪者何爲而此師曰擊鼓自集翰遣禪校擊之禪無至者翰曰不至何也師曰公有殺心故爾師自起擊之禪者乃集

教外別傳卷七終

南嶽下四世

臨濟宗

教外別傳卷八

臨濟宗

臨濟義玄禪師

黃檗運

鎮州臨濟義玄禪師曹州南華邢氏子幼負出塵之志及落髮進具便慕禪宗初在黃檗會中行業純一時睦州爲第一座乃問上座在此多少時師曰三年睦州曰曾來問否師曰不曾來問不知問箇甚麼睦州曰何不問堂頭和尚如何是佛法的大意師便去問聲未絕黃檗便打師下來睦州曰問話作麼生師曰某甲問聲未絕和尚便打某甲不會睦州曰但

更去問師又問黃檗又打如是三度問三度被打師白睦州曰早承激勸問法累蒙和尚賜棒自恨障緣不領深旨今且辭去睦州曰汝若去須辭和尚了去師禮拜退睦州先到黃檗處曰問話上座雖是後生却甚奇特若來辭方便接伊已後爲一株大樹覆蔭天下人去在師來日辭黃檗黃檗曰不須他去祇往高安灘頭叅大愚必爲汝說師到大愚大愚曰甚處來師曰黃檗來大愚曰黃檗有何言句師曰某甲三度問佛法的大意三度被打不知某甲有過無過大愚曰黃檗與麼老婆心切爲汝得徹困更來這裏問有過無過師於言下大悟乃曰元來黃檗佛法無多子大愚擣住曰這尿牀鬼子適來道有過無過如今却道黃檗佛法無多子你見箇甚麼道理速道速道師於大愚肋下築三拳大愚拓開曰汝師黃檗非干我事師辭大愚却回黃檗黃檗見便問這漢來來去去有甚了期師曰祇爲老婆心切便人事了侍立黃檗問甚處去來師曰昨蒙和尚慈旨令叅大愚去來黃檗曰大愚有何言句師舉前話黃檗曰大愚老漢饒舌待來痛與一頓師曰說甚待來卽今便打隨後便掌黃檗曰這風頭漢來這裏捋虎鬚師便喝黃

1 2 3 4 5 6 7 8 9 20 30 1 2 3 4 5 6 7 8 9 30

欒喚侍者曰引這風顛漢叅堂去

鴻山祐舉問仰山臨濟當時得大懸

力得黃檗力仰山云非但騎虎頭亦解把虎尾雲端頌云一拳拳倒黃鶴樓一趯趯翻鸚鵡洲有意氣時添意氣不風流處也風流保寧勇頌云雷電宣轉海岳昏一家愁閉雨中門狂風忽起烏雲散白日滿天星斗分

○黃檗一日普請次師隨後行黃檗回頭見

師空手乃問鑊在何處師曰有一人將去了也黃檗曰近前來共汝商量箇事師便近前黃檗豎起鑊曰

祗這箇天下人拈掇不起師就手掣得豎起曰爲甚麼却在某甲手裏黃檗曰今日自有人普請便回寺

仰山侍鴻山次鴻山舉此話未了仰山便問鑊在黃檗手裏爲甚麼却被臨濟奪却鴻山云祇是小人智過君子

○師普請鉏地次見黃檗來拄鑊而立黃檗曰

這漢因那師曰鑊也未舉因箇甚麼黃檗便打師接住棒一送送倒黃檗呼維那扶起我來維那扶起和尚爭容得這風顛漢無禮黃檗纔起便打維那師

鑊地曰諸方火葬我這裏活埋

鴻山問仰山黃檗打維那意作麼生仰山

云正賊走却躡贓人喫棒真淨文頌云奪旗掣鼓着精神父子雖親法不親爲報四方禪客道等聞莫作守株人月堂昌頌云黃檗活作死醫臨濟死作活用維那聽事不真未免喚鐘作甕

○師一

日在僧堂裏睡黃檗入堂見以拄杖打板頭一下師舉首見是黃檗却又睡黃檗又打板頭一下却往上間見首座坐禪乃曰下間後生却坐禪汝在這裏妄想作麼首座曰這老漢作甚麼黃檗又打板頭一下

1 2 3 4 5 6 7 8 9

20

30

1 2 3 4 5 6 7 8 9

便出去

鴻山舉問仰山極如黃檗意作麼生仰山云兩彩一賽

○師栽松次黃

檗曰深山裏栽許多松作甚麼師曰一與山門作境致二與後人作標榜道了將饅頭壓地三下黃檗曰雖然如是子已喫吾三十棒了也師又壓地三下嗟一嗟黃檗曰吾宗到汝大興於世

鴻山舉問仰山黃檗當時祇嘯臨濟

一人更有人在仰山云有祇是年代深遠不欲舉似和尚鴻山云雖然如是吾亦要知汝但舉看仰山云一人指南吳越令行遇大風即止  
鴻山喆云臨濟與麼大似平地喫交雖然如是臨危不變方稱丈夫黃檗云吾宗到汝大興於世也是憐兒不覺醜天童華云黃檗道雖然如是子已喫吾三十棒了也養子之緣故當如是臨濟正令雖行可惜甘自向饅頭邊活埋仰山見解未出常流豈止遇大風則止當時何不道直待虛空界盡此話方始大行豈不頭正尾正應庵今日持下面皮要與諸人相見去也薦祐注

杖卓一下云驚羣須是英靈漢敵勝還他師子兒

○黃檗因入厨下問飯頭

作甚麼飯頭曰揀衆僧飯米黃檗曰一頓喫多少飯頭曰二石五黃檗曰莫太多麼飯頭曰猶恐少在黃檗便打飯頭舉似師師曰我與汝勘這老漢纔到侍立黃檗舉前話師曰飯頭不會請和尚代一轉語黃檗曰汝但舉師曰莫太多麼黃檗曰來日更喫一頓師曰說甚麼來日卽今便喫隨後打一掌黃檗曰這風顛漢又來這裏持虎鬚師喝一喝便出去

鴻山舉問仰山養

此二尊宿意作麼生仰山云和尚作麼生鴻山云養子方知父慈仰山云不然鴻山云子又作麼生仰山云大似勾

○師半夏上黃檗山見黃檗看經師曰我

1 2 3 4 5 6 7 8 9 10

將謂是箇人元來是唵黑豆老和尚住數日乃辭黃  
檗曰汝破夏來何不終夏去師曰某甲暫來禮拜和  
尚黃檗便打趁令去師行數里疑此事却回終夏後  
又辭黃檗黃檗曰甚處去師曰不是河南便歸河北  
黃檗便打師約住與一掌黃檗大笑乃喚侍者將百  
丈先師禪板几案來師曰侍者將火來黃檗曰不然  
子但將去已後坐斷天下人舌頭去在

鴻山舉問  
山臨濟莫孤云知恩方解報恩鴻山云從上莫有報恩事不仰山  
云有只是年代深遠不欲舉似鴻山云吾且不知子  
但舉看仰山云如楞嚴會上阿難讀佛云將此深心  
奉塵刹是則名爲報佛恩豈不是報恩之事鴻山云  
如是如是見與師齊減師半德是過於師方堪傳受

○到達磨塔頭塔主問先禮佛先禮祖師曰祖佛俱  
不禮塔王曰祖佛與長老有甚冤家師拂袖便出○  
師爲黃檗馳書至鴻山與仰山語次仰山曰汝向後  
北去有箇住處師曰豈有與麼事仰山曰但去已後  
有一人佐輔汝此人祇是有頭無尾有始無終

懸記  
普化

○師後住鎮州臨濟學侶雲集一日謂普化克符二  
上座曰我欲於此建立黃檗宗旨汝且成禪我二人  
珍重下去三日後普化却上來問和尚三日前說甚  
麼師便打三日後克符上來問和尚前日打普化作  
甚麼師亦打

長蘆仁云普化克符不可放過臨濟老人放過不可若是且庵一生擔板無人

1 2 3 4 5 6 7 8 9 20

30 1 2 3 4 5 6 7 8 9

成褫然雖恁麼須知遠烟浪別有好商量○至晚小叅曰有時奪人不奪

境有時奪境不奪人有時人境兩俱奪有時人境俱不奪

問答語具克符章中峯本云有時奪人錯有時奪境錯有時人境兩俱奪錯有時人境俱不

奪錯臨濟大師到這裏鎖却咽喉了也莫有爲伊出氣者麼切忌將錯就錯○同普化赴

施主齋次師問毛吞巨海芥納須彌爲復是神通妙用爲復是法爾如然普化趯倒飯牀師曰大龕生曰這裏是甚麼所在說龕說細次日又同赴齋師復問今日供養何似昨日普化又趯倒飯牀師曰得卽得

太龕生普化喝曰瞎漢佛法說甚麼龕細師乃吐舌

雪竇顯

云兩箇老賊喫飯也不了好與三十棒俸雖

行且那箇是正賊

昭覺勤云精金不百煉爭見光

輝至寶不酬價爭辨真假不是臨濟不能驗他普化不是普化不能抗他臨濟所謂如水入水如金博金雖然如是放過則彼此作家點檢則二俱失利具擇法眼者試請辨看南堂靜云二尊宿如二龍爭珠擎雲攫霧不動波瀾如二虎爭餐活捉生擒不傷物命或有人問毛吞巨海芥納須彌爲復神通妙用爲復法爾如然只向道不見先師翁云一拳奉倒黃鶴樓一踢踢翻鸚鵡洲有意氣時添意氣不風流處也風流南華偈云臨濟覲面提撕普化全機酬酢直得南山鼈鼻吞却東海鯉魚陝府鐵牛觸倒嘉州大像爲甚如此相逢不下馬各自奔前程天童華云一出一沒一往一來猛虎口裏奪餐毒蛇頭上揩痒要且未稱大丈夫事二老名喧宇宙價重當時山僧豈可謹密三十二俱放過爲他弄假像真二俱不放過爲他搣搔太甚是汝諸人若作佛法商量達磨一宗掃土而盡○僧問如何是真

佛真法真道乞師開示師曰佛者心清淨是法者心光明是道者處處無礙淨光是三卽一皆是空名而

1 2 3 4 5 6 7 8 9 10

1 2 3 4 5 6 7 8 9 10

無實有如真正作道人念念心不間斷自達磨大師從西土來祇是覓箇不受人惑底人後遇二祖一言便了始知從前虛用工夫山僧今日見處與祖佛不別若第一句中薦得堪與祖佛爲師若第二句中薦得堪與人天爲師若第三句中薦得自救不了僧便問如何是第一句師曰三要印開朱點窄未容擬議主賓分曰如何是第二句師曰妙解豈容無著問漚和爭負截流機曰如何是第三句師曰但看棚頭弄傀儡抽牽全藉裏頭人乃曰大凡演唱宗乘一句中須具三玄門一玄門須具三要有權有實有照有用汝等諸人作麼生會○師謂僧曰有時一喝如金剛王寶劍有時一喝如踞地師子有時一喝如探竿影草有時一喝不作一喝用汝作麼生會僧擬議師便喝○示衆參學之人大須子細如實主相見便有言論往來或應物現形或全體作用或把機權喜怒或現半身或乘師子或乘象王如有真正學人便喝先拈出一箇膠盆子善知識不辨是境便上他境上作模作樣便被學人又喝前人不肯放下此是膏肓之病不堪醫治喚作賓看主或是善知識不拈出物祇隨學人問處卽奪學人被奪抵死不肯放此是主看

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

賓或有學人應一箇清淨境出善知識前知識辨得是境把得拋向坑裏學人言大好善知識知識卽云咄哉不識好惡學人便禮拜此喚作主看主或有學人披枷帶鎖出善知識前知識更與安一重枷鎖學人歡喜彼此不辨喚作賓看賓大德山僧所舉皆是辨魔據異知其邪正○師問洛浦從上來一人行棒蒲便喝師乃打○上堂有一人論劫在途中不離家舍有一人離家舍不在途中那箇合受人天供養

山徑

果云賊身已露

雲巖游云識取鉤頭意莫認

定盤星

楚石琦云天共白雲曉水和明月流

○師

問院主甚處去來曰州中糴黃米來師曰糴得盡麼院主曰糴得盡師以拄杖畫一畫曰還糴得這箇麼院主便喝師便打典座至師舉前話典座曰院主不會和尚意師曰你又作麼生典座禮拜師亦打

黃龍南云

寺主下喝不可放過典座禮拜放過不可臨濟令行歸宗放過三十年後有人說破黃龍新云典座禮拜有過無功寺主一喝有功無過旣是有功爲甚麼却被打棒頑有眼明如日要識真金火裏看徑山某領云一堆紅燄直晴空不間金銀鍤錫同入裏盡教成水去那客蚊蚋泊其中天童華云二尊宿雖則力提綱要檢點將來未免依草附木殊不知大小臨濟被這兩箇漢破家散宅還會麼殺人刀活人劍

○上堂一人在孤峰頂上無出身路一人在十字街頭亦無向背且道那箇在前那箇在後不作維摩詰

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

不作傅大士珍重。○有一老宿參便問禮拜即是不禮拜。卽是師便喝。老宿便拜。師曰好箇草賊。老宿曰賊賊。便出去。師曰莫道無事。好時首座侍立。師曰還有過也。無首座。曰有師。曰賓家有過。王家有過。曰俱有過。師曰過在甚麼處。首座便出去。師曰莫道無事好。南泉頤聞云官馬相踏。保寧勇云這一羣賊還辨得麼。口歎易招贓物難認。護國元云這僧身挨白刃臨濟劍不虛施。首座不善傍觀惹得一身泥水。雖然如是且道前頭無事與後頭無事相較。幾何於此繙素分明。不但穿却臨濟鼻孔。亦許你眼光爍破四天下。其或未然莫道無好事。○師到京行化至一家門首。曰家常添鉢有婆。曰太無厭生。師曰飯也未曾得。何言太。

無厭生。婆便閉却門。○師陞堂有僧出。師便喝。僧亦喝。便禮拜。師便打。

翠巖芝云臨濟也心龐好彩。頤是這僧若是今時衲僧且作麼生出

得。東禪觀云臨濟除是不作作。則萬般怒號。這僧博扶搖而上。九萬里。

○趙州游方到

院。在後架洗腳次。師便問如何是祖師西來意。趙州曰恰遇山僧洗腳。師近前作聽勢。趙州曰會。即便會。咱琢作什麼。師便歸。方丈趙州曰三十年行腳。今日

錢爲人下註腳。

一作趙州行脚時參師遇師洗腳次趙州便問如何是祖師西來意。師云

怡俗老僧洗腳。趙州近前作聽勢。師云更要第二杓

惡水。潑在趙州便下去。

法雲秀云衆中商量道趙

州不識臨濟作賊。却爲他下箇註脚。臨濟當時作聽勢。何不窮耳。便掌若恁麼商量。何曾夢見趙州識得。臨濟殊不知兩箇盡是老賊。須知一箇好手。敢問諸人。那箇是好手。其眼者。辨取。教忠光云。臨濟有驗。

10 1 2 3 4 5 6 7 8 9

20

1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

人眼趙州又飽叢林等閑畧露風規自然頭正尾正還會麼若不得流水還應過別山

甚處來曰定州來師拈棒僧擬議師便打僧不肯師

曰已後遇明眼人去在僧後參三聖纔舉前話三聖

便打僧擬議三聖又打有轉身句後代兒孫未至稀

土蕪拈拄杖更有一箇甚處去卓拄杖一下

○師應機多用喝會下叅徒亦學師喝師曰汝等總學我喝我今問汝有一人從

東堂出一人從西堂出兩人齊喝一聲這裏分得賓

主麼汝且作麼生分若分不得已後不得學老僧喝

○示衆我有時先照後用有時先用後照有時照用

同時有時照用不同時先照後用有人在先用後照

有法在照用同時駁耕夫之牛奪饑人之食敲骨取髓痛下針錐照用不同時有問有答立賓立主合水和泥應機接物若是過量人向未舉已前撩起便行猶較些子

汾陽昭云先照後用且共汝商量先用後照汝也是箇人始得照用同時汝作麼生當抵照用不同時汝作麼生湊泊

耶耶覺云先照後用露師子之爪牙先用後照縱象王之威猛照用

同時如龍得水致雨騰雲照用不同時提搣嬰兒俯

憐赤子此是古人建立法門爲合如是不合如是若

合如是紀信乘九龍之輦不合如是項羽失千里之

雖還有爲耶耶出氣底麼如無山僧自道去也卓拄杖下座

慈明圓云有時先照後用有時先用後照有時照用同時有時照用不同時所以道有明有暗

有起有倒乃喝一喝云且道是照是用還有縉素得出底麼若有試出來呈醜拙看若無山僧今日失利徑山果云若也先照後用則瞎一切人眼若也先用後照則開一切人眼若也照用同時則半瞎半開

1 2 3 4 5 6 7 8 9 20 30 1 2 3 4 5 6 7 8 9 30

若也照用不同時則全開全暗此四則語有一則賓無主有一則有主無賓有一則賓主俱無有一則全具賓主卽今衆中或有箇不受人瞞底漢來道這裏是甚麼所在說有說無訛虛說實說照說用說主說賓攔臂擋住拽下禪牀○

扁椎一頓也惟伊不得

堂師出問不展鋒鋩如何得勝龍光據坐師曰大善知識豈無方便龍光瞪目曰喎師以手指曰這老漢今日敗缺也徑山果云可惜龍光放過這漢雖然如是也須救取臨濟老漢始得○次到三峰平和尚處平問甚處來師曰黃櫟來平曰黃櫟有何言句師曰金牛昨夜遭塗炭直至如今不見蹤平曰金風吹玉管那箇是知音師曰直透萬重關

不住青霄內平曰子這一問太高生師曰龍生金鳳

子衝破碧琉璃平曰且坐喫茶又問近離甚處師曰龍光平曰龍光近日如何師便出去○又往鳳林路逢一婆子婆問甚處去師曰鳳林去婆曰恰值鳳林不在師曰甚處去婆便行師召婆婆回首師便行作一師曰誰到鳳林鳳林曰有事相借問得麼師曰何得刻肉作瘡鳳林曰海月澄無影游魚獨自迷師曰海月旣無影游魚何得迷鳳林曰觀風知浪起覩水野帆飄師曰孤蟾獨耀江山靜長嘯一聲天地秋鳳林曰任張三寸揮天地一句臨機試道看師曰路逢劖客須呈劖不是詩人不獻詩鳳林便休師乃有頌曰

1 2 3 4 5 6 7 8 9 20

1 2 3 4 5 6 7 8 9 30

# 大道絕同任向西東石火莫及電光罔通

鴻山祐問

莫及電光罔通從上諸聖以何爲人仰山云和尙意作麼生鴻山云但有言說都無實義仰山云不然鴻山云子又作麼生仰山云官不容針私通車馬○師侍德山次德山曰今日

困師曰這老漢寐語作麼德山便打師掀倒禪牀

賓

顯云二員作者具啐啄同時眼有啐啄同時用雪竇擬向飢鷹爪下奪肉餓虎口裏爭餐敢謂德山臨濟俱是瞎漢有人辯得天下橫行雲峯悅云奇惟諸德看此二員作家一拶一捺略露風規大似把手一高山雖然如是未免傍觀者晒且道誰是傍觀者喝一喝下座徑山杲云雲峯與麼批判大似普州人

徑山若見縛作一束送在河裏不見道蚌鶴相持俱落漁人之手西堂顯云然則德山門下草偃風行爭奈臨濟當機不讓雖然是未出葛藤窠裏護國元云奇惟諸禪德二老漢忒煞傍若無人當時真如若見每人與二十棒且道利害在什麼處有人明得許汝親見臨濟德山要見真如亦未可何故鵠有笑破他人口○麻谷問十二面觀音那箇是正面

師下禪牀擒住曰十二面觀音甚處去也速道速道

麻谷轉身擬坐師便打麻谷接住棒相捉歸方丈○

師問一尼善來惡來尼便喝師拈棒曰更道更道尼

又喝師便打○師一日拈餉餅示洛浦曰萬種千般

不離這箇其理不二洛浦曰如何是不二之理師再

拈起餅示之洛浦曰與麼則萬種千般也師曰屙屎

見解洛浦曰羅公照鏡

鴻山喆云臨濟便風帆掛洛浦鼓棹揚波然雖如是臨濟門下則得鴻山云但有言說都無實義仰山云不然鴻山門下不得

○師見僧來舉起拂子僧禮拜師便打

10 1 2 3 4 5 6 7 8 9 20

1 2 3 4 5 6 7 8 9 30

又有僧來師亦舉拂子僧不顧師亦打又有僧來參

師舉拂子僧曰謝和尚指示師亦打

雲門偃代云瓶  
老漢大覺

云得卽得猶未見臨濟機在徑山果頌云五月五

日午時書赤口毒舌盡消除更饒急急如律令不須

門上畫蜘蛛

○麻谷問大悲千手眼邢箇是正眼師擣住

曰大悲千手眼作麼生是正眼速道速道

麻谷搜師

下禪牀却坐師問訊曰不審麻谷擬議師便喝拽麻

谷下禪牀却坐麻谷便出

因聖頌云諸德此二尊宿  
道照用照什麼梳一切人只解自騎馬去捉賊自持

刀去殺賊此二人便能奪賊馬捉賊奪賊刀殺賊雖

然如是臨濟雖是得便宜却是失便宜

○上堂僧問如何是佛法大意

師豎起拂子僧便喝師便打又僧問如何是佛法大

意師亦豎拂子僧便喝師亦喝僧擬議師便打乃曰

大衆夫爲法者不避喪身失命我於黃檗先師處三

度問佛法的大意三度被打如蒿枝拂相似如今

更思一頓誰爲下手時有僧出曰某甲下手師度與

拄杖僧擬接師便打

雪竇顯云臨濟放去較危收來  
太速

五祖戒云臨濟大似貧

兄思舊債

雪竇宗云且道臨濟今日用底棒與當時喫底棒是同是別若道同孤負他黃檗若道別屈

他臨濟若也盡其機來且道在阿誰分上乃拈拄杖

云退後退後天童華云臨濟在黃檗處三度喫棒

底意旨諸人還覩得透也未直饒一喝便斷也未是

大丈夫漢三世諸佛口挂壁上天下老和尚將什麼

喫飯靈隱嶽舉雪竇語了拈拄杖云臨濟據令而

行不知孤負黃檗雪竇盡力擔板也只見一邊且道

薦福節文在甚處擲下拄杖千巖長云二尊宿一人

雙耳朶一人瞎隻眼睛不惟孤負臨濟亦乃喪

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

我兒孫無明今日路見不平且要與渠雪屈良久云  
不得動着動着打折你驟腰天奇瑞云臨濟鉤頭  
擒縱殺活一一現成須然他得便宜也是李廣陷番  
死中得活雪竇也是扶強不扶弱汝等諸人到這  
裏如何即是鴛鴦繡出從君看不把金針度與人○

師示衆曰有一無位真人常向汝等諸人面門出入  
未證據者看看時有僧出問如何是無位真人師下  
繩牀擋住曰道道僧無語師拓開曰無位真人是什  
麼乾屎橛雪峯存云臨濟大似白拈賊夫善竊者鬼神莫知旣被雪峯觀破臨濟不是好手復召大眾雪竇今日換却你諸人眼睛了也你若不信各歸寮舍自摸索看耶耶覺云臨濟可謂冰稜上度九曜劍刃上得全身薦福行云臨濟老人一條脊梁硬似鐵拗不折可憐末後不奈船何打破○師與王常侍到僧堂王問這一堂僧還看

經麼師曰不看經曰還習禪麼師曰不習禪曰既不  
看經又不習禪畢竟作箇甚麼師曰總教伊成佛作

祖去曰金屑雖貴落眼成翳師曰我將謂你是箇俗  
漢○師上堂次兩堂首座相見同時下喝廣慧璉云諸人且道

還有賓主也無若道有賓主只是箇瞎漢若道無賓  
主亦是箇瞎漢不有不無萬里崖州若向這裏道得  
也好與三十棒若道不得亦與三十棒衲僧家到這  
裏作麼生出得山僧圈襍去良久云苦哉蝦蟇蚯蚓  
跨跳上三十三天撞着須彌山百雜碎遂拈拄杖云  
一除無孔鐵鎚昭覺勤云正初旣行諸侯避道大鵝智云作麼生是賓主歷然底道理若也會得

句問取堂中二首座承天宗云臨濟此語走殺天下衲僧我即不然當時見僧舉但

云一對無孔鐵鎚昭覺勤云正初旣行諸侯避道大鵝智云作麼生是賓主歷然底道理若也會得

1 2 3 4 5 6 7 8 9 20 30 1 2 3 4 5 6 7 8 9 30

一雙孤鴈撲地高飛其或未然一對鴛鴦池中獨立

○師後居大名府興化寺東堂咸通八年丁亥四月十日將示滅說傳法偈曰公流不止問如何真照無邊說似他離相離名人不稟吹毛用了急須磨復謂衆曰吾滅後不得滅却吾正法眼藏三聖出曰爭敢滅却和尚正法眼藏師曰已後有人問你向他道甚麼三聖便喝師曰誰知吾正法眼藏向這瞎驢邊滅却言訖端坐而逝

鴻山秀云古者

忍死待來因何正法眼藏却向瞎驢邊滅臨濟行持遠速三聖又却忽忽因斯父子情心遂使後人失望若不得流水多應過別山

南嶽下五世

臨濟下一世

興化存獎禪師

臨濟玄法嗣

魏府興化存獎禪師在三聖會裏爲首座常曰我向南方行腳一遭拄杖頭不曾撥著一箇會佛法底人三聖聞得問曰你具甚麼眼便恁麼道師便喝三聖曰須是你始得後大覺聞舉遂曰作麼生得風吹到大覺門裏來師後到大覺爲院主一日大覺喚院主我聞你道向南方行腳一遭拄杖頭不曾撥著一箇會佛法底你憑箇甚麼道理與麼道師便喝大覺便打師又喝大覺又打師來日從法堂過大覺召院主我直下疑你昨日這兩喝師又喝大覺又打師再喝

1 2 3 4 5 6 7 8 9 20 1 2 3 4 5 6 7 8 9 30

大覺又打師曰某甲於三聖師兄處學得箇賓王句  
總被師兄折倒了也願與某甲箇安樂法門大覺曰  
這瞎漢來這裏納敗缺脫下衲衣痛打一頓師於言  
下薦得臨濟先師於黃檗處哭棒底道理師後開堂  
日拈香曰此一炷香本爲三聖師兄三聖於我太孤  
本爲大覺師兄大覺於我太賒不如供養臨濟先師  
○師有時喚僧僧應諾師曰點卽不到又喚一僧僧  
應諾師曰到卽不點○僧問四方八面來時如何師  
曰打中間底僧便禮拜師曰昨日赴箇村齋中途遇  
一陣卒風暴雨却向古廟裏避得過晦堂心頌云  
不是二不  
上生徑山果頌云古廟裏頭回避得紙錢堆裏暗  
嗟吁閑神野鬼都驚怕只爲渠儀識梵書  
云衆中商量道向古廟裏避得過是空劫已前自己  
又道便是他安身立命處殊不知腰纏十萬貫  
騎鶴上揚州又云我見燈明佛本光瑞如此○示  
衆我聞前廊下也喝後架裏也喝諸子汝莫盲喝亂  
喝直饒喝得興化向虛空裏却撲下來一點氣也無  
待我蘇息起來向汝道未在何故我未曾向紫羅帳  
裏撒真珠與汝諸人去在胡喝亂喝作麼徑山果頌  
提摩竭令豈是閑閑兩片皮喝下  
瞎驢成隊走夢中推倒五須彌○雲居住三峰庵  
時師問權借一問以爲影草時如何雲居無對師曰  
想和尚答這話不得不如禮拜了退二十年後雲居

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

曰如今思量當時不消道箇何必後遣化主到師處  
師問和尚住二峰庵時老僧問伊話對不得如今道  
得也未化主舉前話師曰雲居二十年祇道得箇何  
必興化卽不然爭如道箇不必

三聖然云雲居二十  
年道得底猶較他興  
化半月程保寧勇云明月照見夜行人徑山果  
云何必不必綿綿密密覩面當機有人續得未後句  
許伊親見二尊宿

○師謂克賓維那曰汝不久爲唱導之師

克賓曰不入這保社師曰會了不入不會了不入曰

總不與麼師便打曰克賓維那法戰不勝罰錢五貫

設饋飯一堂

次日

師自白椎曰克賓維那法戰不勝

不得喫飯卽便出院

雪竇顯云克賓要承嗣興化罰

錢出院且置却須索這一頓棒

始得且問諸人棒旣喫了作麼生索雪竇要斷不平  
之事今夜與克賓維那雪屈以拄杖一時打散雲  
居舜云大治精金應無變色其奈興化令行大嚴不  
是克賓維那也大難承當若是如今汎汎之徒翻轉  
面皮多少時也徑山杲云雲居拗曲作直妙喜道  
要作臨濟烜赫見孫直須翻轉面皮始得楚石瑞  
云克賓法戰不勝興化據令而行稱提臨濟宗風揭  
示正法眼藏棒頭出孝子佛法無人情當時將謂茅  
長短燒却元來地不平徑山信云賊是小人智過  
君子興化脚跟被克賓掀起半空過一小劫方得着  
地克賓古佛其心安如海會麼賣盡衣單終不赤  
膊好則好矣美則盡美生鐵橛子只得飯喫

師在臨濟爲侍者洛浦來參臨濟問甚處來洛浦曰  
鑾城來臨濟曰有事相借問得麼洛浦曰新戒不會  
隨後請問曰適來新到是成禪他不成禪他臨濟曰

我誰管你成禪不成禪。師曰和尚祇解將死雀就地彈不解將一轉語蓋覆却臨濟曰你又作麼生。師曰請和尚作新到臨濟遂曰新戒不會。師曰却是老僧罪過。臨濟曰你語藏鋒。師擬議。臨濟便打至晚。臨濟又曰我今日問新到是將死雀就地彈就窯子裏打及至你出得語又喝起了向青雲裏打。師曰草賊大敗。臨濟便打。○示衆曰若是作家戰將便請單刀直入更莫如何。若何有旻德禪師出禮拜起便喝。師亦喝旻德。又喝師亦喝。旻德禮拜歸衆。師曰適來若是別人三十棒一棒也較不得。何故爲他旻德會一喝。

不作一喝用

首山念云看牠興化與麼用爲甚麼放得他過諸上座且道甚麼處是一喝不作一喝用前一喝後一喝且道那箇是賓那箇是主

雖然如是亦須仔細便下座又云二俱有過二俱無過

鄉鄰覺云且道那一喝不作一喝用興化若無後語疑殺天下人雖然如是曉者還稀昭覺勤云作家相見須是恁麼機如掣電眼似流星原始要終扶頭接尾所謂羽毛相似言氣相合只如兩家互換相喝且作麼生辨得一喝不作一喝用要承當臨濟正法眼藏須明取二老宿意且道意作麼生百尺竿頭須進步紫羅帳裏撒真珠教忠光云興化與旻德各出隻手要發明臨濟正法眼藏殊不知臨濟一宗掃土而盡且道利害在什麼處具眼者辨取○師見同叅來纔上法堂侍

便喝。僧亦喝。師又喝。僧亦喝。師近前拈棒。僧又喝。師曰你看這瞎漢猶作主。在僧擬議。師直打下法堂侍者請問適來那僧有甚觸忤。和尚師曰他適來也有

1 2 3 4 5 6 7 8 9 20 1 2 3 4 5 6 7 8 9 30

權也有實也有照也有用及乎我將手向伊面前橫兩橫到這裏却去不得似這般瞎漢不打更待何時  
昭覺勤云辨王庫刀振塗毒鼓掣電不足以擬其迅震雷未足以方其威可謂善驅耕夫之牛能奪饑人之食只如主賓互換有照有用有權有實則且置甚處是興化將手向伊面前劃兩遭處若這裏洞明可以荷負臨濟正法眼藏如或泥水未分未免瞎驢隨大隊天童華云興化門牆千仞從來家法森嚴這僧暗透重關要看洞中春色好則好未免二俱失利只如興化道我將手向伊面前橫兩橫又作麼生天堂未就地獄先成育王光云高提祖印獨耀寰中大啓洪爐烹凡假聖非興化不能驗同參非同參不能見興化直得主賓互換照用雙行且道那裏是興化將手向伊面前橫兩橫處這裏明得臨濟一宗掃土而盡脫或不然卓拄杖一下金鑱慣調曾百戰鐵鞭多力恨無讐○後唐莊宗車駕幸河北回至魏府行宮詔師問曰朕收中原獲得一

寶未曾有人酬價師曰請陛下寶看帝以兩手舒幞頭腳師曰君王之寶誰敢酬價報慈遂徵云且道興化肯莊宗興化眼在甚麼處若不肯莊宗過在甚麼處雪竇顯云至尊所得只可傍觀若非興化作家往往高價酬却翠巖芝云興化當時下着可謂醜陋如今作麼生斷雲峯悅云真不掩鶯曲不藏直有眼底辨取黃龍心云興化一期見機而作爭奈埋沒伊一朝天子當時若但向道蚌蛤之珠收得也無用處教伊向後別有生涯免得痴龍顏大悅賜相鈍置而今若有人問又作麼生酬價龍顏大悅賜紫衣師號師皆不受乃賜馬與師乘騎馬忽驚師墜傷足師喚院主與我做箇木楞子院主做了將來師接得達院行問僧曰汝等還識老僧麼曰爭得不識和尚師曰跟腳法師說得行不得又至法堂令維那

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

聲鐘集衆師曰還識老僧麼衆無對師擲下柺子端  
然而逝

寶壽沼禪師

臨濟玄法嗣

鎮州寶壽沼禪師第一世因僧問訊次師曰百千諸聖  
盡不出此方丈內曰祇如古人道大千沙界海中漚  
未審此方丈向甚麼處著師曰千聖現在曰阿誰證  
明師便擲下拂子僧從西過東立師便打僧曰若不  
久參焉知端的師曰三十年後此話大行昭覺勤云  
寶壽向方三度衝浪  
丈裏布網張羅遠僧向釣鉤邊擎頭帶角三度被來籠罩且道他得箇甚麼還會麼重賞  
之下必有勇夫○趙州來師在禪牀背面而坐趙州展坐具

禮拜師起入方丈趙州收坐具而出○胡釘鉸參師  
問汝莫是胡釘鉸麼曰不敢師曰還釘得虛空麼曰  
請和尚打破師便打胡曰和尚莫錯打某甲師曰向  
後有多口阿師與你點破在胡後到趙州舉前話趙  
州曰汝因甚麼被他打胡曰不知過在甚麼處趙州  
曰祇這一縫尚不奈何胡於此有省趙州曰且釘這  
一縫雪竇頴云我要打這三箇漢一打趙州不合瞎  
却胡釘鉸賑二打保壽不能塞斷趙州口三打  
胡釘鉸不合放過保壽驀拈拄杖云更有一箇大眾  
一時退乃擊禪牀一下爲山岳云這漢雖然省去  
可惜趙州當時待他道某甲過在甚處劈脊便棒非  
但承他保壽威光亦乃與叢林爲龜爲鑑爲山果  
云保壽大似無風起浪平地生堆胡釘鉸貪程太速  
不覺墮坑落塗若不遇趙州點破爭得歸家穩坐大

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

衆且道那裏是趙州點破處要會麼良久云斬新日  
月特地乾坤徑山果云直饒釘得這一縫點檢將  
來亦非好手可憐兩箇老禪翁却對俗人說家醜  
鼓山永云保壽雖具打破虛空底鉗錐未免傷鋒犯  
手胡公末後悟去誰知眼尚瞎聾

○西院來參問踏倒化城來時如

何師曰不斬死漢西院曰斬師便打西院連道斬斬  
師又隨聲打師却回方丈曰適來這僧將赤肉抵他  
乾棒有甚死急

三聖慧然禪師

臨濟玄法嗣

鎮州三聖院慧然禪師自臨濟受訣遍歷叢林至仰  
山仰山問汝名甚麼師曰慧寂仰山曰慧寂是我名  
師曰我名慧然仰山大笑而已

雪竇顯頌云雙收雙放若爲宗騎虎由來

要絕功笑罷不知何處去只應千古動悲風勤云這箇笑與嚴頭笑不同嚴頭笑有毒藥這箇笑千古萬古清風凜凜地爲甚麼雪竇末後却道只應千古動悲風也是死而不弔一時與你註解了也爭奈天下人喎啄不入不知落處縱是山僧也不知落處諸人還知麼徑山果云兩箇藏身露影漢殊不顧旁觀者○仰山因有官人相訪仰山問官居何位曰推  
官仰山豎起拂子曰還推得這箇麼官人無對仰山  
令衆下語皆不契時師不安在涅槃堂內將息仰山  
令侍者去請下語師曰但道和尚今日有事仰山又  
令侍者問未審有甚麼事師曰再犯不容○到香嚴  
香嚴問甚處來師曰臨濟香嚴曰將得臨濟喝來麼  
師以坐具轂口打○又到德山纔展坐具德山曰莫

1 2 3 4 5 6 7 8 9

20

30

9

展紳巾這裏無殘羹餽飯師曰縱有也無著處德山便行師接住棒推向禪牀上德山大笑師哭蒼天便下參堂鴻山行云三聖撥草瞻風有舒有卷德山者凡驗聖有放有收德山笑去卽且置三聖哭蒼天便出意作麼生不貪香餌味可謂碧潭龍巖游云三聖便展坐具作賊人心虛德山云不用展坎巾尾巴露也三聖云設有向什麼處着口是禍門德山便打裂破古今三聖接住棒推德山向繩牀上老鼠入牛角更有一轉語堂中首座號踢天泰問行侍無舌人忌口却向汝道堂中首座號踢天泰問行腳高士須得本道公驗作麼生是本道公驗師曰道甚麼首座再問師打一坐具曰這漆桶前後觸忤多少賢良首座擬人事師便過第二座人事○又到道吾道吾預知以緋抹額持神杖於門下立師曰小心

祇候道吾應喏師參堂了再上人事道吾具威儀方丈內坐師纔近前道吾曰有事相借問得麼師曰也是適來野狐精便出去○住後上堂我逢人卽出出則不爲人便下座

興化獎云我逢人則不出出則便爲人

白雲端云此二尊宿各有

一處打得着且道那箇在前那箇在後還有人向這裏定當得麼良久云妙舞莫誇回雪手三臺須是大家催保寧勇云此二尊宿恁麼爲人猶在半途保寧今日路見不平拈拄杖下座大衆一時走散鄭下歸方丈寶峯文云這兩箇古老錐竊得臨濟些子活計各自分疆列界氣衝宇宙使明眼衲僧只得好大笑諸禪德且道笑箇甚麼還知落處麼若知一任七祖願八倒若不知且向三聖興化葛藤裏咬嚼五祖演云大衆此二尊宿一人文章浩渺一人武藝全施若道興化是文亦不得若道三聖是武亦不得若於此解得出許你通身是眼若辨不出你自相度昭覺勤云一人在孤峯頂上土面灰頭一人在十字街

1 2 3 4 5 6 7 8 9 20

30

頭斬釘截鐵有頭有尾同死同生且道出卽不爲人底是出卽便爲人底是萬古碧潭空界月再三撈撋始應知徑山果云真淨老人大似欺誣亡沒果上座卽不然豁開三要三玄路坐斷須彌第一峯且道在三聖分上耶在興化分上耶具眼者辨取天童傑舉白雲端語了云大衆白雲端和尚錯下名言殊不知二尊宿前不構村後不迭店直至于今齰成話櫛何故字經三寫烏焉成馬靈隱獄云二老漢滅却臨濟正法眼却向長安路上把手共行直至于今遙相鈍置且如何是共行一句掣開金殿鎖撞動玉樓鐘楚石磊云三聖興化明眼宗師因什麼活計本同生涯迥異但有路可上更高人也行金粟塔云古今拈提未有出他閻續金粟路見不平每人與二十棒更與二十棒待打箇人○僧問如是祖師西來意師曰臭肉來蠅興化獎云破驢○

坡不走快便難逢便棒僧曰這賊便出去師遂拋下棒次有僧問適來爭容得這僧師曰是伊見先師來

### 魏府大覺和尚

臨濟玄嗣

魏府大覺和尚參臨濟臨濟纔見豎起拂子師展坐具臨濟擲下拂子師收坐具參堂去時僧衆曰此僧莫是和尚親故不禮拜又不喚棒臨濟聞說令侍者喚適來新到上來師隨侍者到方丈臨濟曰大衆道汝來參長老又不禮拜又不喚棒莫是長老親故師乃珍重下去○臨終時謂衆曰我有一隻箭要付與人時有一僧出曰請和尚箭師曰汝喚甚麼作箭僧

1 2 3 4 5 6 7 8 9

20

30

喝師打數下便歸方丈却喚其僧入來問曰汝適來會麼曰不會師又打數下擲却柱杖曰已後遇明眼人分明舉似便乃告寂

灌谿志閑禪師

臨濟玄法嗣

灌谿志閑禪師魏府館陶史氏子幼從栢巖禪師披剃受具後見臨濟臨濟募胸搘住師曰領領臨濟拓開曰且放汝一頓師離臨濟至末山○住後上堂曰我在臨濟爺爺處得半杓末山娘娘處得半杓共成一杓哭了直至如今飽不飢

天童華云灌溪氣宇如王被臨濟活埋有鎮州城裏十字街頭當時若是光孝棒折也未放你何在何故家肥生孝子國霸有謀臣靈隱嶽云爐鞴之所

鈍鐵尤多雖然如是不因夜來鴈爭見海門秋

○師會下一僧去參石霜石

霜問甚處來曰灌谿來石霜曰我南山不如他北山僧無對僧回舉似師師曰何不道灌谿修涅槃堂了也○問久嚮灌谿到來祇見漚麻池師曰汝祇見漚

麻池且不見灌谿曰如何是灌谿師曰劈箭急

後人舉似

玄沙備玄沙云更學三十年未會禪

涿州紙衣和尚

臨濟玄法嗣

涿州紙衣和尚

卽克符道者

初問臨濟如何是奪人不奪

境臨濟曰煦日發生鋪地錦嬰兒垂髮白如絲師曰如何是奪境不奪人臨濟曰王令已行天下遍將軍

10 1 2 3 4 5 6 7 8 9

20

30

1 2 3 4 5 6 7 8 9

塞外絕煙塵。師曰：如何是人境？俱不奪。臨濟曰：并汾絕信。獨處一方。師曰：如何是人境？俱不奪。臨濟曰：王登寶殿野老謳。詩師於言下領旨。

定州善崔禪師

臨濟玄嗣

禪灘師擲下拄杖曰：久立令公伏惟珍重。歸宗一云作麼生道  
得一語救得崔禪。清涼欽云：和尚且自救好，是肯他不肯他。耶那覺云：久經行陣者，終不展槍旗。雲蓋智云：身挨白刃，不懼死生也。須是這僧始得崔禪爲甚麼當機，故過要會麼。錦鱗已得休勞力，收取絲綸歸去休。薦福行云：能禪上堂美則美矣，善則未善。何故大似放過這僧？山僧卽不然待。這僧出衆句作麼生道？若不藍田射石虎，幾乎悞殺李將軍。

鎮州萬壽和尚

臨濟玄嗣

鎮州萬壽和尚訪寶壽。寶壽坐不起。師展坐具。寶壽不起。曰：請和尚庫下喫茶。師乃歸院。翌日寶壽來復謁。師踞禪牀。寶壽展坐具。師亦下禪牀。寶壽却坐。歸方丈。閉却門。寶壽入侍者寮。取灰圍却方丈門。便歸去。師遂開門見曰：我不恁麼他却恁麼。

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

幽州譚空和尚

臨濟玄法嗣

幽州譚空和尚鎮州牧有姑爲尼行脚回欲開堂爲人牧令師勘過師問曰見說汝欲開堂爲人是否尼曰是師曰尼是五障之身汝作麼生爲人尼曰龍女八歲南方無垢世界成等正覺又作麼生師曰龍女有十八變你試一變看尼曰設使變得也只是箇野狐精師便打牧聞舉乃曰和尚棒折那只擔得斷貫索且作麼生會○寶壽和尚問除却中上二根人來時師兄作麼生師曰汝適來舉早錯也寶壽曰師兄也不得無過師曰汝却與我作師兄寶壽側掌曰這

老賊

米倉和尚

臨濟玄法嗣

沧州米倉和尚州牧請師與寶壽入廳供養令人傳語請二長老譚論佛法寶壽曰請師兄答話師便喝寶壽曰某甲話也未問喝作麼師曰猶嫌少在寶壽却與一喝

虎谿庵主

臨濟玄法嗣

虎谿庵主有僧問和尚何處人事師曰隴西人曰承聞隴西出鸚鵡是否師曰是曰和尚莫不是否師便作鸚鵡聲僧曰好箇鸚鵡師便打

1 2 3 4 5 6 7 8 9 20 30

1 2 3 4 5 6 7 8 9

卷之二十一

定上座

臨濟玄法嗣

定上座初參臨濟問如何是佛法大意臨濟下禪牀  
擒住師擬議臨濟與一掌師佇思傍僧曰定上座何  
不禮拜師方作禮忽然大悟○後南游路逢巖頭雪  
峰欽山三人巖頭問上座甚處來師曰臨濟來巖頭  
曰和尚萬福師曰和尚已順世也巖頭曰某甲三人  
特去禮拜薄福不遇不知和尚在日有何言句請上  
座舉一兩則師遂舉臨濟上堂曰赤肉團上有一無  
位真人常在汝等諸人面門出入未證據者看看時  
有僧問如何是無位真人臨濟下禪牀擣住曰道道  
僧擬議臨濟拓開曰無位真人是甚麼乾屎橛巖頭  
不覺吐舌雪峯曰臨濟大似白拈賊欽山曰何不道  
赤肉團上非無位真人師便擒住曰無位真人與非  
無位真人相去多少速道速道欽山被擒直得面黃  
面青語之不得巖頭雪峯曰這新戒不識好惡觸忤  
上座且望慈悲師曰若不是這兩箇老漢墮殺這尿  
牀鬼子○師在鎮府齋回到橋上坐次逢三人座主  
一人問如何是禪河深處須窮到底師擒住擬拋向  
橋下二座主近前諫曰莫怪觸忤上座且望慈悲師  
曰若不是這兩箇座主直教他窮到底

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

叢上座

臨濟玄

秉多印集卷八

叢上座離臨濟叢德山德山纔見下禪牀作抽坐具  
勢師曰這箇且置或遇心境一如底人來向伊道箇  
甚麼免被諸方檢責德山曰猶較昔日三步在別作  
箇主人公來師便喝德山默然師曰塞却這老漢咽喉也拂袖便出

鴻山佑聞舉云叢上座蹕得便宜爭實主歷然德山無語言徧天下鴻山老子雪上加霜仔細檢點將來總不可放過乃擲下拄杖○又參百丈茶罷百丈曰有事相借問得麼師曰幸自非言何須曉茶百丈曰與麼則許借問百丈曰收得安南又憂塞北師擘開胷曰與麼不與麼百丈曰要且

難構要且難構師曰知卽得知卽得

仰山寂云若有人知得此二人

落處不妨奇特若辨不得大似日中迷路

南嶽下六世

臨濟下二世

南院慧顥禪師

興化撰

汝州南院慧顥禪師

亦曰實應

上堂赤肉團上壁立千仞

僧問赤肉團上壁立千仞豈不是和尚道師曰是僧

便掀倒禪牀師曰這瞎驢亂作僧擬議師便打

徑山果云

吾今爲汝保任此事終不虛也天童華云也是勾賊破家若非這僧敢捋虎鬚爭見南院汗馬功高雖然如是山僧更資一路赤肉團上壁立千仞若有僧出勞身便打何故殺人刀活人劙具眼者看楚石琦云這僧敢在毒蛇頭上揩痒蒼龍領下批鱗誰不賞他大膽只是未上少了一着自出洞來無敵手得

1 2 3 4 5 6 7 8 9 20 1 2 3 4 5 6 7 8 9

30

饒人處  
且饒人

○問僧近離甚處曰長水師曰東流西流曰

總不怎麽師曰作麼生僧珍重師便打○僧叅師舉

拂子僧曰今日敗缺師放下拂子僧曰猶有這箇在  
師便打○問僧近離甚處曰襄州師曰來作甚麼

特來禮拜和尚師曰恰遇寶應老不在僧便喝師曰  
向汝道不在又喝作甚麼僧又喝師便打僧禮拜師

曰這棒本是汝打我我且打汝要此話大行瞎漢叅  
堂去○僧問從上諸聖甚麼處去師曰不上天堂即

入地獄

曰和尚作麼生師曰還知寶應老落處麼僧

擬議師以拂子驂口打復喚僧近前曰令合是汝行

又打一拂子雪竇顯云令既自行且拂子不知來處  
雲竇道箇曉且要雪上加霜徑山果

見云權衡臨濟三要三玄須還他南院始得雪竇爲甚  
麼却道拂子不知來處妙喜亦道箇曉且圓兩得相

事從許州來收得江西剃刀一柄獻和尚師曰汝從

許州來爲甚却收得江西剃刀思明把師手掐一掐

師曰侍者收取思明以衣袖拂一拂便行師曰阿刺  
刺阿刺刺○上堂諸方祇具啐啄同時眼不具啐啄

同時用僧便問如何是啐啄同時用師曰作家不啐  
啄啐啄同時失曰此僧未是某甲問處師曰汝問處

作麼生僧曰失師便打其僧不肯

翠巖真云運籌帷幄決勝千里南院

1 2 3 4 5 6 7 8 9 20 1 2 3 4 5 6 7 8 9

30 1 2 3 4 5 6 7 8 9

雖則全機受敵其奈土曠人稀  
提祖印縱奪當機這僧善能當機抗敵爭奈力竭計  
窮如今還有本色衲僧麼出來與大鴻相見不圖鼓  
舞揚聲貴要宗風不墮有麼有麼如無大鴻今日大  
似索戰無功淨因成云全軍制勝草偃風行南院如師子搏兔亦全其力後於雲門會

下聞二僧舉此話一僧曰當時南院棒折那其僧忽  
契悟遂奔回省覲師已圓寂乃謁風穴風穴一見便  
問上座莫是當時問先師卒啄同時話底麼僧曰是

師曰汝當時作麼生會曰某甲當時如在燈影裏行  
相似風穴曰汝會也翠巖真出風穴語云當時待這  
僧擬議祇對以坐具碑曰誠

鴻山喆云大小風穴却將惡水潑人大鴻卽不然問  
你當時作麼生待云某甲當時如燈影裏行先師肉  
猶暖在你作這箇見解以拄杖打下法堂免見孤往

南院

東禪觀云扶南院門風還他風穴諸方往往

道伊肯這僧殊不知這僧被伊推在萬丈坑裏○問祖意教意是同是別師  
曰王尚書李僕射曰意旨如何牛頭南馬頭北徑山  
前頭答得着後頭答不着

### 守廓侍者

典化獎法嗣

守廓侍者問德山曰從上諸聖向甚麼處去德山曰  
作麼作麼師曰勅點飛龍馬跋鼈出頭來德山便休  
去來日浴出師過茶與德山德山於背上拊一下曰  
昨日公案作麼生師曰這老漢今日方始瞽地德山  
又休去雪竇顯云然精金百鍊須要本分鉗錘德山既以已妨人這僧還同受屈以拄杖畫一畫  
云適來公案且置從上諸聖什麼處去大衆擬議一時趨出黃龍南云德山持聾作啞雖然暗得便宜

廓公掩耳偷鈴爭奈傍觀者哂  
龍門焉知滄海寬直饒浪激千尋爭奈龍王不顧  
雲居元云大凡一賓一主須是知音同死同生方堪  
受敵窮侍者獨立於懸崖石上懶身倒捋虎鬚周全  
剛安坐於大海波心背手逆擒麟角在檀特山前列  
陣向占波國裏爭鋒分明有輸有贏且道誰得誰失  
請諸人○師行腳到襄州華嚴和尚會下一日華嚴  
上堂曰大衆今日若是臨濟德山高亭大愚鳥窠船

子兒孫不用如何若何便請單刀直入華嚴與汝證  
據師出禮拜起便喝華嚴亦喝師又喝華嚴亦喝師  
禮拜起曰大衆看這老漢一場敗缺又喝一喝拍手  
歸衆華嚴下座歸方丈時風穴作維那上去問訊華  
嚴曰維那汝來也叵耐守廓適來把老僧扭捏一上  
待集衆打一頓趨出風穴曰趨他遲了也自是和尚  
言過他是臨濟下兒孫本分恁麼華嚴方息怒風穴  
下來舉似師師曰你著甚來由勸這漢我未問前早  
要樞喫得我話行如今不打搭却我這話也風穴曰  
雖然如是已遍天下也

西院思明禪師

寶壽沼  
法嗣

汝州西院思明禪師從漪上座到法席旬日常自曰  
莫道會佛法人覓箇舉話底人也無師聞而默之漪  
異日上法堂次師召從漪舉首師曰錯漪進三兩  
步師又曰錯漪近前師曰適來兩錯是上座錯是思

明 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

明老漢錯曰是從漪錯師曰錯錯乃曰上座且在這裏過夏共汝商量這兩錯漪不肯便去後住相州天平山每舉前話曰我行腳時被惡風吹到汝州有西院長老勘我連下兩錯更畱我過夏待共我商量我不道恁麼時錯我發足南方去時早知錯了也

據天平作恁麼解會未夢見西院在何故話在昭覺勤云如今人聞他道發足向南方去時早知道錯了也便去上度道未行脚時自無許多佛法禪道及至行脚被諸方熱瞞不可未行脚時喚地作天喚山作水幸無一星事若總恁麼作流俗見解何不買一片帽戴大家過時有什麼用處佛法不是這箇道理

寶壽和尚第二世法嗣寶壽沼

寶壽和尚爲供養主寶壽問父母未

生前還我本來面目來師立至夜深下語不契翌日辭去寶壽曰汝何往師曰昨日蒙和尚設問某甲不契往南方參知識去寶壽曰南方禁夏不禁冬我此間禁冬不禁夏汝且作街坊過夏若是佛法闡闡之中浩浩紅塵常說正法師不敢違一日街頭見兩人交爭揮一拳曰你得恁麼無面目師當下大悟走見寶壽未及出語寶壽便曰汝會也不用說師便禮拜

昭覺勤云築着磕着當頭彰本地風光應聲應色直下無絲毫透漏還會他道得恁麼無面日麼龍袖拂體現

○寶壽臨遷化時囑三聖請師開堂師開堂日三聖推出一僧師便打三聖曰與麼爲人非但瞎却

1 2 3 4 5 6 7 8 9 20

30

這僧眼瞎却鎮州一城人眼去在師擲下拄杖便歸

方丈

雪竇顯云保壽三聖雖發明臨濟正法眼藏要且只解無佛處稱尊當時這僧若是箇漢纔被推出便掀倒禪牀直饒保壽全機也較三千里

法眼益云什麼處是瞎却人眼處雲居元云衆中盡道此語奇特大似韓爐逐塊殊不知保壽正賦不識

悞罪平人這僧有理不伸至今受屈承天欲斷不平之事拈拄杖云要爲天下宗師此棒別有分付

黃龍新云保壽見機而作其奈三聖不甘直饒甘去未免瞎却鎮州一城人眼昭覺勤云保壽大似毒龍

攬海雨似盆傾三聖雖然雷震青霄未助得威光一半在可中有箇直下承當底非但瞎鎮州一城人眼

瞎却天下人眼去在天童華云叢林中商量盡道

保壽三聖是作家爐鞴本分鉗錠有甚交涉殊不知

二大老被這僧一拶直至如今扶不起今日莫有爲

二老雪屈底麼出來與明果相見有麼葛拈拄杖擲

下云龍蛇易辨衲子難曉天童傑云二尊宿美則美矣若要扶臨濟正宗每人令喫一頓棒在

且道那裏是久處具擇法眼

當看

際上座

紙衣法嗣

際上座行脚到洛京南禪時有朱行軍設齋入僧堂

顧視曰直下是遂行香口不住道至師面前師便問

直下是箇甚麼行軍便喝師曰行軍幸是會佛法底

人又惡發作甚麼行軍曰喚作惡發卽不得師便喝

行軍曰鉤在不疑之地師又喝行軍便休齋退令客

司請適來下喝僧來師至便共行軍言論並不顧諸

人僧錄曰行軍適來爭容得這僧無禮行軍曰若是

你諸人喝下官有効僧錄曰某等固是不會須是他

暉長老始得行軍曰若是南禪長老也未夢見在

童天

1 2 3 4 5 6 7 8 9 20

30

1 2 3 4 5 6 7 8 9

華云行軍拈出倚天長劍這僧披襟敢衝白刃雖然  
兩不相傷爭奈二俱弄險教忠光云朱行軍傍若  
無人這僧攏行奪市雖然鉤在不疑之地爭  
奈二俱失利且道甚處是失利處喝一喝

南嶽下七世

臨濟下三世

風穴延沼禪師

南院顥法嗣

汝州風穴延沼禪師餘杭劉氏子幼習儒典應進士  
一舉不遂乃出家依本州開元智恭律師披削受具  
習天台止觀年二十五謁鏡清鏡清問近離甚處師  
曰自離東來鏡清曰還過小江也無師曰大舸獨飄  
空小江無可濟鏡清曰鏡水秦山鳥飛不度子莫道  
聽途言師曰滄溟尚怯艤輪勢列漢飛帆渡五湖鏡  
清豎拂子曰爭奈這箇何師曰這箇是甚麼鏡清曰  
果然不識師曰出沒卷舒與師同用鏡清曰杓卜聽  
虛聲熟睡饒謂語師曰澤廣藏山理能伏豹鏡清曰  
捨罪放愆速須出去師曰出去卽失便出到法堂乃  
曰夫行脚人因緣未盡其善不可便休去却回曰某  
甲適來輒陳小駢冒瀆尊顏伏蒙慈悲未賜罪責鏡  
清曰適來言從東來豈不是翠巖來師曰雪竇親棲  
寶蓋東鏡清曰不逐忘羊狂解息却來這裏念篇章  
師曰路逢劖客須呈劖不是詩人莫獻詩鏡清曰詩  
速祕却略借劖看師曰愚首餓人攜劖去鏡清曰不

1 2 3 4 5 6 7 8 9

20

30

1

2

3

4

5

6

7

8

9

獨觸風化亦自顯顛預師曰若不觸風化爭明古佛  
心鏡清曰如何是古佛心師曰再許允容師今何有  
鏡清曰東來衲子菽麥不分祇聞不已而已何得抑  
已而已師曰巨浪涌千尋澄波不離水鏡清曰一句  
截流萬機寢削師便禮拜鏡清曰衲子俊哉衲子俊  
哉○師到華嚴華嚴問我有牧牛歌輒請闍黎和師  
曰羯鼓掉鞭牛豹跳遠村梅樹觜盧都○師參南院  
入門不禮拜南院曰入門須辨主師曰端的請師分  
南院於左膝拍一拍師便喝南院於右膝拍一拍師  
又喝南院曰左邊一拍且置右邊一拍作麼生師曰

瞎南院便拈棒師曰莫盲枷瞎棒奪打和尚莫言不  
道南院擲下棒曰今日被黃面浙子鈍置一場師曰  
和尚大似持鉢不得詐道不飢南院曰閻黎曾到此  
間麼師曰是何言歟南院曰老僧好好相借問師曰  
也不得放過便下參衆了却上堂頭禮謝南院曰閻  
黎曾見甚麼人來師曰在襄州華嚴與廓侍者同夏  
南院曰親見作家來南院問南方一棒作麼商量師  
曰作奇持商量師却問和尚此間一棒作麼商量南  
院拈拄杖曰棒下無生忍臨機不見師師於言下大  
徹玄旨遂依止六年四衆請主風穴徑山呆云風穴當時好大展坐

1 2 3 4 5 6 7 8 9 10

1 2 3 4 5 6 7 8 9 10

卷之二

三

具禮三拜不然與掀倒禪牀乃回顧冲密云你道風穴當時禮拜即是掀倒禪牀即是冲密云草賊大敗妙喜云你看這瞎漢便打○師因兵寇避地郢州謁李使君留於

衙內度夏普設大會請師上堂纔陞座乃曰祖師心印狀似鐵牛之機去卽印住住卽印破祇如不去不住印卽是不印卽是還有人道得麼時有盧陂長老出問學人有鐵牛之機請師不搭印師曰慣釣鯨鯢澄巨浸却嗟蛙步驟泥沙陂佇思師喝曰長老何不進語陂擬議師便打一拂子曰還記得話頭麼試舉看陂擬開口師又打一拂子牧主曰信知佛法與王法一般師曰見甚麼道理牧主曰當斷不斷反招其殺人刀活人劍○問古曲無音韻如何和得齊師曰

亂師便下座昭覺勤云風穴擐三玄戈甲施四種主賓明立信旗密排陣敵及至盧陂巍跨鐵牛割時擒下遂令牧主知歸所謂龍馳虎驟鳳翥鸞翔雖然若是崇寧待伊道有鐵牛之機劈脊便棒還知落處麼○問古曲無音韻如何和得齊師曰

木鷄啼子夜芻狗吠天明徑山果云這黃面浙子恁未得在今日有人問徑山古曲無音韻如何答話也做他臨濟兒孫和得齊只向他道木鷄啼子夜芻狗吠天明○上堂若立一座家國興盛野老顰蹙不立一座家國喪亾

野老安貼於此明得閻黎與老僧亦能悟却天下人亦能瞎却天下人欲識閻黎麼右邊一拍曰這裏是欲識老僧麼左邊一拍曰這裏是雲門偃云這裏卽易那裏卽難瑣那覺云杓

10 1 2 3 4 5 6 7 8 9 20 1 2 3 4 5 6 7 8 9

卜聽虛聲 白雲端云大衆立卽是不立卽是良久  
云心不負人面無慚色拍禪牀一下 五祖演舉了  
云山僧卽不然若立一座法堂前草深一丈不立一  
塵錦上鋪花何也不見道九九八十一窮漢受罪畢  
纔挺展脚眠蚊虫驚蚤出 天童華云大小風穴不  
會轉身句 靈隱嶽云大小風穴醋氣猶在何故始  
作翁如也縱之純如也歟  
如也繹如也以成喝一喝

穎橋安禪師

號鐵法嗣 南院顯

穎橋安禪師與鍾司徒向火次鍾忽問三界焚  
燒時如何出得師以香匙撥開火鍾擬議師曰司徒  
司徒鍾忽有省

興陽歸靜禪師

西院明法嗣

郢州興陽歸靜禪師初參西院便問擬問不問時如

何西院便打師良久西院曰若喚作棒眉鬚墮落師

於言下大悟

南嶽下八世

臨濟下四世

首山省念禪師

風穴沼法嗣

汝州首山省念禪師萊州狄氏子常密誦法華經衆  
目爲念法華也晚於風穴會中克知客一日侍立次  
風穴乃垂涕告之曰不幸臨濟之道至吾將墮於地  
矣師曰觀此一衆豈無人邪風穴曰聰明者多見性  
者少師曰如某者如何風穴曰吾雖望子之久猶恐  
耽著此經不能放下師曰此亦可事願聞其要風穴

1 2 3 4 5 6 7 8 9

20

30

1 2 3 4 5 6 7 8 9

遂上堂舉世尊以青蓮目顧視大眾乃曰正當恁麼時且道說箇甚麼若道不說而說又是埋沒先聖且道說箇甚麼師乃拂袖下去風穴擲下拄杖歸方丈侍者隨後請益曰念法華因甚不祇對和尚風穴曰念法華會也○次日師與真園頭同上問訊次風穴問真曰作麼生是世尊不說說真曰鶴鳩樹頭鳴風穴曰汝作許多凝福作麼何不體究言句又問師曰汝作麼生師曰動容揚古路不墮悄然機風穴謂真曰汝何不看念法華下語徑山果云我當時若見這老漢怎樣道深掘一坑若識得鶴鳩樹頭鳴意在麻倉裏便識得動容揚古路不墮悄然機這兩轉語畢竟是一耶是二耶若道是一爲甚麼風穴曰肯念法華不肯真園頭苦道是二爭奈落霞與孤鶩齊飛秋水共長天一色參時埋却更牽牛在上踢過却須放真公出一頭始得山僧恁麼道且不是抑強扶弱亦不是杜撰差排你○因白兆楚和尚至汝州宣化風穴令師往傳語纔相見提起坐具便問展卽是不展卽是白兆曰自家看取師便喝白兆曰我曾親近知識來未嘗輒敢恁麼造次師曰草賊大敗白兆曰來日若見風穴和尚待一一舉似師曰一任一任不得忘却師乃先回舉似風穴風穴曰今日又被你收下一員草賊師曰好手不張名白兆次日纔到相見便舉前話風穴曰非但昨日今日和贊捉敗師於是名振四方開法首山

1 2 3 4 5 6 7 8 9

10

30

1 2 3 4 5 6 7 8 9

廣慧真禪師

風穴法嗣

汝州廣慧真禪師嘗在風穴作圓頭風穴問曰會昌沙汰時護法善神向甚麼處去師曰常在閻閻中要且無人識風穴曰汝徹也師禮拜

徑山果云汝道風穴自徹也未

南嶽下九世

臨濟下五世

汾陽善昭禪師

首山法嗣

汾州太子院善昭禪師太原俞氏子杖策遊方歷參知識七十一員後到首山問百丈卷席意旨如何首山曰龍袖拂開全體現曰師意如何首山曰象王行處絕狐蹤師於言下大悟拜起而曰萬古碧潭空界

月再二榜攏始應知有問者曰見何道理便爾自肯師曰正是我放身命處後遊衡湘及襄沔間每爲郡守以名刹力致前後八請堅卧不答泊首山歿西河道俗遣僧契聰迎請住持師閉關高枕聰排闥而入讓之曰佛法大事靖退小節風穴懼應識憂宗旨墜滅幸而有先師先師已棄世汝有力荷擔如來大法者今何時而欲安眠哉師矍起握聰手曰非公不聞此語趣辦嚴吾行矣○問如何是學人著力處師曰嘉州打大像曰如何是學人轉身處師曰陝府灌鐵牛曰如何是學人親切處師曰西河弄師子乃曰若

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

人會得此三句已辨三玄更有三要語在切須薦取  
 不是等閑與大眾頌出三玄三要事難分得意忘言  
 道易親一句明明該萬象重陽九日菊花新○師爲  
 幷汾苦寒乃罷夜參有異比丘振錫而至謂師曰會  
 中有大士六人奈何不說法言訖而去師密記以偈  
 曰胡僧金錫光爲法到汾陽六人成大器勸請爲敷  
 揚○鄭工部到茶話次鄭示師偈曰黃紙休遮眼青  
 雲白有陰莫將閑學解埋沒祖師心復曰只將此偈  
 驗天下長老師曰與麼則汾陽也在裏頭曰擔枷過  
 狀師曰更不再勘鄭曰兩重公案師曰知卽得鄭良  
 久師噓一聲鄭曰文寶文寶師曰在甚所在鄭曰不  
 容某甲出氣爭得嗔他道淹滯長老在此師曰是何  
 言歟鄭曰實師曰也不得放過鄭曰請師一偈師曰  
 不閑紙墨隨示偈曰荒草尋幽徑巖松迥布陰幾多  
 玄學客失却本來心○上堂謂衆曰夫說法者須具  
 十智同真若不具十智同真邪正不辨緇素不分不  
 能與人天爲眼目決斷是非如鳥飛空而折翼如箭  
 射的而斷弦弦斷故射的不中翼折故空不可飛弦  
 壯翼牢空的俱徹作麼生是十智同真與諸上座點  
 出一同質二同大事三總同參四同真志五同徧

1 2 3 4 5 6 7 8 9 10

1 2 3 4 5 6 7 8 9 10

普六同具足七同得失八同生殺九同音吼十同得入又曰與甚麼人同得入與阿誰同音吼作麼生是同生殺甚麼物同得失阿那箇同具足是甚麼同徧普何人同真志孰能總同參那箇同大事何物同一質有點得出底麼點得出者不悟慈悲點不出來未有參學眼在切須辨取要識是非面目見在不可久立珍重徑山呆云汾陽老子末後若無箇面目見在一場敗關雖然如是未免喪我兄孫喝一喝頌云兔角龜毛眼裏裁鐵山當面勢崔鬼東西南北無門入曠劫無明當下灰○龍德府尹李侯與師有舊虛承天寺致之使三反不赴使者受罰復至曰必欲得師俱往不然有死而已師笑曰老而化

葉縣歸省禪師首山念法嗣

汝州葉縣廣教院歸省禪師冀州賈氏子遊方參首山首山一日舉竹籠問曰喚作竹籠卽觸不喚作竹籠卽背喚作甚麼師掣得擲地上曰是甚麼首山曰瞎師於言下豁然頓悟○僧請益栢樹子話師曰我不辭與汝說還信麼曰和尚重言爭敢不信師曰汝還聞簷頭水滴聲麼其僧豁然不覺失聲云啞師曰

1 2 3 4 5 6 7 8 9

20

30

1 2 3 4 5 6 7 8 9

你見箇甚麼道理僧便以頌對曰簷頭水滴分明歷  
歷打破乾坤當下心息師乃忻然○師因去將息察  
看病僧僧乃問曰和尚四大本空病從何來師曰從  
闍黎問處來僧喘氣又問曰不問時如何師曰撒手  
臥長空僧曰哪便脫去○師到洞山問洞山廓然無  
依法歸何處洞山曰三番稟磨師曰恁麼卽知音不  
和也洞山曰知音不和底事作麼生師曰龜毛拂子  
長三尺洞山曰你因什麼眉鬚墮落師便禮拜

神鼎洪諲禪師首山念法嗣

潭州神鼎洪諲禪師襄水扈氏子嘗與數耆宿至襄

污間一僧舉論宗乘頗敏捷會野飯山店中供辦而  
僧論說不已師曰三界唯心萬法唯識唯識唯心眼  
聲耳色是甚麼人語僧曰法眼語師曰其義如何曰  
唯心故根境不相到唯識故聲色縱然師曰舌味是  
根境否曰是師以筋筍菜置口中含胡而語曰何謂  
一入邪坐者駭然僧不能答師曰途路之樂終未到  
家見解入微不名見道參須實參悟須實悟閻羅大  
王不怕多語僧拱而退○後隱衡嶽三生藏有湘陰  
豪貴來遊福嚴卽師之室見其氣貌閑靜一鉢挂壁  
餘無長物傾愛之遂拜跪請往神鼎師笑而諾之至

1 2 3 4 5 6 7 8 9 20 30

十年始成叢席一朽牀爲說法座其甘枯淡無比又以德臘俱高諸方尊之如古趙州

谷隱蘊聰禪師

首山念  
法嗣

襄州谷隱山蘊聰慈照禪師初叢百丈恒和尚因結夏百丈上堂舉中觀論曰正覺無名相隨緣卽道場師便出問如何是正覺無名相百丈曰汝還見露柱麼師曰如何是隨緣卽道場百丈曰今日結夏○次叢首山問學人親到寶山空手回時如何首山曰家家門前火把子師於言下大悟呈偈曰我今二十七訪道曾尋覓今朝喜得逢要且不相識○後到大陽

玄和尚問近離甚處師曰襄州大陽曰作麼生是不隔底句師曰和尚住持不易大陽曰且坐喫茶師便叢衆去侍者問適來新到祇對住持不易和尚爲甚麼教坐喫茶大陽曰我獻他新羅附子他酬我船上茴香你去問他有語在侍者請師喫茶問適來祇對和尚道住持不易意旨如何師曰真鎰不博金

廣慧元璉禪師

首山念  
法嗣

汝州廣慧院元璉禪師泉州陳氏到首山首山問近離甚處師曰漢上首山豎起拳曰漢上還有這箇麼師曰這箇是甚麼盜鳴聲首山曰瞎師曰恰是拍一

1 2 3 4 5 6 7 8 9 20

30

1 2 3 4 5 6 7 8 9

拍便出他日又問學人親到寶山空手回時如何首  
山曰家家門前火把子師當下大悟曰某甲不疑天  
下老和尚舌頭也首山曰汝會處作麼生與我說來  
看師曰祇是地上水礮砂也首山曰汝會也師便禮  
拜徑山果云你道念和尚還肯他廣慧也無若道肯  
他何故不與一棒若道不肯他何故不與一棒有  
人於此道得妙喜與你一棒○住後楊億侍郎問天上無彌勒地  
下無彌勒未審在甚麼處師曰敲甄打瓦又問風穴  
道金沙灘頭馬郎婦意旨如何師曰更道也不及○  
許式郎中漕西蜀經由謁師適接見於佛前式曰先  
拜佛先拜長老師曰蝦蟆吞大虫式曰恁麼則總不

拜去也師曰運使話墮式曰許長老具一隻眼師以  
衣袖便拂式曰今日看破便禮拜

三交智嵩禪師

首山念法嗣

并州承天院三交智嵩禪師叅首山問如何是佛法  
的大意首山曰楚王城畔汝水東流師於此有省  
頓契佛意乃作三玄偈曰須用直須用心意莫定動  
三歲師子吼十方沒狐種我有真如性如同幕裏隱  
打破六門關顯出毗盧印真骨金剛體可誇六塵一  
拂永無遮廓落世界空爲體體上無爲真到家首山  
聞乃請喫茶問這三頌是汝作來邪師曰是首山曰

1 2 3 4 5 6 7 8 9

20

30

1 2 3 4 5 6 7 8 9

或有人教汝現三十二相時如何師曰某甲不是野狐精首山曰惜取眉毛師曰和尚落了多少首山以竹筢頭上打曰這漢向後亂作去在○鄭工部問百尺竿頭獨打毬萬丈懸崖絲繫腰時如何師曰幽州著腳廣南廝撲鄭無語師曰勘破這胡漢鄭曰二十年江南界裏這回却見禪師師曰瞎老婆吹火

仁王處評禪師

首山念  
法嗣

池州仁王院處評禪師問首山如何是佛法大意首山便喝師禮拜首山拈棒師曰老和尚沒世界那首山拋下拄杖曰明眼人難謾師曰草賊大敗

智門迴罕禪師

首山念  
法嗣

隨州智門迴罕禪師爲北塔僧使點茶次師起揖曰僧使近上坐使曰鵠子頭上爭敢安巢師曰棒上不成龍隨後打一坐具使茶罷起曰適來却成觸忤和尚師曰江南杜禪客覓甚麼第二盃

鹿門慧昭山主

首山念  
法嗣

襄州鹿門慧昭山主楊僕侍郎問曰入山不畏虎當路却防人時如何師曰君子坦蕩蕩

南嶽下十世

臨濟下六世  
鹿門昭

石霜楚圓禪師

汾陽昭  
法嗣

1 2 3 4 5 6 7 8 9

10

30

1 2 3 4 5 6 7 8 9

10

潭州石霜楚圓慈明禪師全州李氏子少爲書生年  
二十二依湘山隱靜寺出家其母有賢行使之遊方  
聞汾陽道望遂往謁焉汾陽顧而默器之經二年未  
許入室每見必罵詬或毀謔諸方及有所訓皆流俗  
鄙事一夕訴曰自至法席已再夏不蒙指示但增世  
俗塵勞念歲月飄忽已事不明失出家之利語未卒  
汾陽熟視罵曰是惡知識敢禪販我怒舉杖逐之師  
擬伸救汾陽掩師口乃大悟曰是知臨濟道出常情  
服役七年辭去○謁唐明嵩禪師嵩謂師曰楊大年  
內翰知見高入道種實子不可不見師乃往見大年  
大年問曰對面不相識千里却同風師曰近奉山門  
請大年曰真箇脫空師曰前月離唐明大年曰適來  
悔相問師曰作家大年便喝師曰恰是大年復喝師  
以手劃一劃大年吐舌曰真是龍象師曰是何言歟  
大年喚客司點茶來元來是屋裏人師曰也不消得  
茶罷又問如何是上座爲人一句師曰切大年曰與  
麼則長裙新婦拖泥走師曰誰得似內翰大年曰作  
家作家師曰放你二十棒大年拊膝曰這裏是甚麼  
所在師拍掌曰也不得放過大年大笑又問記得唐  
明當時悟底因緣麼師曰唐明問首山如何是佛法

1 2 3 4 5 6 7 8 9 20 30

1 2 3 4 5 6 7 8 9

的大意首山曰楚王城畔汝水東流大年曰祇如此語意旨如何師曰水上桂燈越大年曰與麼則孤負古人去也師曰內翰疑則別參大年曰三脚蝦墓跳上天師曰一任跨跳大年乃大笑館於齋中日夕質疑智證因聞前言往行恨見之晚朝中見駙馬都尉李公遵勗曰近得一道人真西河師子李曰我以拘文不能就謁奈何大年默然歸語師曰李公佛法中人聞道風遠至有願見之心政以法不得與侍從過從師於是遂明謁李公公閱謁使童子問曰道得卽與上座相見師曰今日特來相看又令童子曰碑

文刊白字當道種青松師曰不因今日節餘日定難逢童子又出曰都尉言與麼則與上座相見去也師曰脚頭脚底公乃出坐定問曰我聞西河有金毛師子是否師曰甚麼處得這消息公便喝師曰野干鳴公又喝師曰恰是公大笑師辭公問如何是上座臨行一句師曰好將息公曰何異諸方師曰都尉又作麼生公曰放上座二十棒師曰專爲流通公又喝師曰瞎公曰好去師應喏喏自是往來楊李之門以法爲友久之辭還河東大年曰有一語寄與唐明得麼師曰明月照見夜行人大年曰却不相當師曰更深

1 2 3 4 5 6 7 8 9 10

20

30

1 2 3 4 5 6 7 8 9

猶自可午後更愁人大年曰開寶寺前金剛近日因甚麼汗出師曰知大年曰上座臨行豈無爲人底句師曰重疊關山路大年曰與麼則隨上座去也師噓一聲大年曰真師子兒大師子吼師曰放去又收來大年曰適來失腳踏倒又得家童扶起師曰有甚麼了期大年大笑師還唐明李公遣兩僧訊師師於書尾畫雙足寫來僧名以寄之公作偈曰黑毫千里餘金榔示雙趺人天渾莫測珍重赤鬚胡○師以母老南歸至瑞州首衆於洞山時聰禪師居焉先是汾陽謂師曰我徧叅雲門兒孫特以未見聰爲恨故師依

止三年○謁神鼎諚禪師神鼎首山高第望尊一時衲子非人類精奇無敢登其門者住山三十年門弟子氣吞諸方師髮長不剪弊衣楚音通謁稱法姪一衆大笑神鼎遣童子問長老誰之嗣師仰視屋曰親見汾陽來神鼎杖而出顧見頑然問曰汾州有西河師子是否師指其後絕叫曰屋倒矣童子返走神鼎回顧相豐饒師地坐脫隻履而視之鼎老忘所問又失師所在師徐起整衣且行且語曰見面不如聞名遂去神鼎遣人追之不可歎曰汾州乃有此兒邪師自是名重叢林○師到大愚芝和尚處芝坐間開合

1 2 3 4 5 6 7 8 9 20

30 1 2 3 4 5 6 7 8 9

子取香燒師問作麼生燒芝便放香爐中燒師指曰  
訝郎當漢又怎麼去也○師室中插劍一口以草鞋  
一對水一盆置在劍邊每見入室卽曰看看有至劍  
邊擬議者師曰險喪身失命了也便喝出

天童華云  
我當時若

見便去左耳邊低聲地下一轉語待他食觀天上却  
與一指擬議拔劍便斬葛拈拄杖下座大眾一時趕

散○師冬日榜僧堂作此字

一一三几罪枷其下

注曰若人識得不離四威儀中首座見曰和尚今日  
放叅師聞而笑之○寶元戊寅李都尉遣使邀師曰  
海內法友唯師與楊大年耳大年棄我而先僕年來  
頓覺衰落忍死以一見公仍以書抵潭師敦遣之師

惻然與侍者舟而東下舟中作偈曰長江行不盡帝  
里到何時既得涼風便休將艤棹施至京師與李公  
會月餘而李公果歿臨終畫一圓相又作偈獻師世  
界無依山河匪礙大海微塵須彌納芥拈起幞頭解  
下腰帶若覓死生問取皮袋師曰如何是本來佛性  
公曰今日熟如昨日隨聲便問師臨行一句作麼生  
師曰本來無罣礙隨處任方圓公曰晚來困倦更不  
答話師曰無佛處作佛公於是泊然而逝仁宗皇帝  
尤畱神空宗聞李公之化與師問答加歎久之師哭  
之慟臨壙而別有旨賜官舟南歸中途謂侍者曰我

1 2 3 4 5 6 7 8 9 20

30

1 2 3 4 5 6 7 8 9

忽得風渾疾視之口吻已噶斜侍者以足頓地曰當奈何平生呵佛罵祖今乃爾師曰無憂爲汝正之以手整之如故曰而今而後不鈍置汝

法華全舉禪師

汾陽昭  
法嗣

舒州法華院全舉禪師到公安遠和尚處遠問作麼生是伽藍師曰深山藏獨虎淺草露羣蛇曰作麼生是伽藍中人師曰青松蓋不得黃葉豈能遮曰道甚麼師曰少年欲盡天邊月潦倒扶桑沒日頭曰一句兩句雲開月露作麼生師曰照破佛祖○到大愚芝和尚處芝問古人見桃花意作麼生師曰曲不藏直曰邢箇且從這箇作麼生師曰大街拾得金四隣爭得知曰上座還知麼師曰路逢劔客須呈劔不是詩人不獻詩曰作家詩客師曰一條紅線兩人牽曰玄沙道諦當甚諦當敢保老兄未徹在又作麼生師曰海枯終見底人死不知心曰却是師曰樓閣凌雲勢峰巒疊翠層○到琅邪覺和尚處覺問近離甚處師曰兩浙曰船來陸來師曰船來曰船在甚處師曰步下曰不涉程途一句作麼生道師以坐具搘一搘曰杜撰長老如麻似粟拂袖而出覺問侍者此是甚麼人侍者曰舉上座覺曰莫是舉師叔麼先師教我尋

1 2 3 4 5 6 7 8 9 20

30

見伊遂下日過問上座莫是舉師叔麼莫怪適來相觸忤師便喝復問長老何時到汾陽覺曰某時到師

曰我在浙江早聞你名元來見解祇如此何得名播寰宇覺遂作禮曰某甲罪過

徑山果云賓則始終賓主則始終主二大士葛

劄相逢主賓互換直下發明臨濟心髓苟非徹證向  
上巴鼻具出常情正眼未免作得失論量徑山信  
云拳來脚去此是衲僧家本分鉗鎗若將破提籃盛  
水救火非惟不能息其燄笑殺傍觀者三十年後有  
人說

○示衆云釋迦不出世達磨不西來佛法遍天

下譚玄口不開

徑山果云作  
賊人心虛

○師到杭州西菴菴主

會見明招菴主舉頌曰絕頂西峯上峻機誰敢當超然凡聖外瞥起兩重光師曰如何是兩重光菴主曰

月從東出日向西沒師曰菴主未見明招時如何菴主曰滿蓋油難盡師曰見後如何菴主曰多心易得乾

芭蕉谷泉禪師

汾陽昭  
法嗣

南嶽芭蕉菴大道谷泉禪師泉州人也受法汾陽放蕩湖湘後省同叅慈明禪師慈明問白雲橫谷口道人何處來師左右顧視曰夜來何處火燒出古人墳慈明曰未在更道師作虎聲慈明以坐具便搣師接住推慈明置禪牀上慈明却作虎聲師大笑曰我見七十餘員善知識今日始遇作家○山有湫毒龍所

1 2 3 4 5 6 7 8 9 10

1 2 3 4 5 6 7 8 9 10

蟄墮葉觸波必雷雨連日過者不敢喘師與慈明暮歸捉慈明衣曰可同浴慈明掣肘徑去於是師解衣躍入霹靂隨至腥風吹雨林木振搖慈明蹲草中意師死矣須臾晴霽忽引頸出波間曰因徑山信云谷泉作風作顛毒龍不敢動其一毫毛慈明老老大大猶有這箇在頌云谷泉忒殺作風顛一撥龍湫浪括天雷雨至今如不息慈明抱死草中眠○師因倚遇上座來參問菴主在麼師曰誰曰行腳僧師曰作甚麼曰禮拜菴主師曰恰值菴主不在曰你聾師曰向道不在說甚麼你我揜櫈赴出遇次日再來師又趁出遇一日又來問菴主在麼師曰誰曰行腳僧揭簾便入師攔胷擋住曰我這

裏狼虎縱橫屎尿鬼子三回兩度來討甚麼曰人言菴主親見汾陽來師解衣抖擻曰你道我見汾陽有多少奇特曰如何是菴中主師曰入門須辨取曰莫祇這便是麼師曰賺却幾多人曰前言何在師曰聽事不真喚鐘作甕曰萬法泯時全體現君臣合處正中邪去也師曰驢漢不會便休亂統作麼曰未審客來將何祇待師曰雲門餽餅趙州茶曰恁麼則謝師供養去也師叱曰我這裏火種也未有早言謝供養

龍華曉愚禪師

汾陽昭法嗣

蘄州黃梅龍華寺曉愚禪師到五祖戒和尚處五祖

問曰不落唇吻一句作麼生道師曰老老大大話頭  
也不照顧五祖便喝師亦喝五祖拈棒師拍手便出  
五祖召曰閻黎且住話在師將坐具搭在肩上更不  
回首

問曰不落唇吻一句作麼生道師曰老老大大話頭  
也不照顧五祖便喝師亦喝五祖拈棒師拍手便出  
五祖召曰閻黎且住話在師將坐具搭在肩上更不  
回首

天聖皓泰禪師汾陽昭法嗣

安吉州天聖皓泰禪師到琅邪琅邪問埋兵掉鬪未  
是作家匹馬單鎗便請相見師指琅邪曰將頭不猛  
帶累三軍琅邪打師一坐具師亦打琅邪一坐具琅  
邪接住曰適來一坐真是山僧令行上座一坐具落  
在甚麼處師曰伏惟尚饗琅邪拓開曰五更侵早起

更有夜行人師曰賊過後張弓琅邪曰且坐喫茶

龍潭智圓禪師

汾陽昭法嗣

唐州龍潭智圓禪師辭汾陽汾陽曰別無送路與子  
一枝拄杖一條手巾師曰手巾和尚受用拄杖卽不  
消得汾陽曰汝但將去有用處在師便收汾陽曰又  
道不用師便喝汾陽曰已後不讓臨濟師曰正令已  
行汾陽來日送出三門乃問汝介山逢尉遲時如何  
師曰一刀兩段汾陽曰彼現那叱又作麼生師便拽  
柱杖汾陽喝曰這回全體分付

浮山法遠禪師

葉縣首法嗣

卷之二  
舒州浮山法遠圓鑒禪師鄭州人也投三交嵩和尚出家幼爲沙彌見僧入室請問趙州庭栢因緣嵩詰其僧師傍有省進具後謁汾陽葉縣皆蒙印可嘗與達觀頴薛大頭七八輩遊蜀幾遭橫逆師以智脫之衆以師曉吏事故號遠錄公○師與王質待制論道畫一圓相問曰一不得匹馬單鎗二不得衣錦還鄉鵠不得喜鴉不得殃速道速道王罔措師曰勘破了也○歐陽文忠公聞師奇逸造其室未有以異之與客碁師坐其旁文忠遽收局請因碁說法師卽令撻鼓陞座曰若論此事如兩家著碁相似何謂也敵手

知音當機不讓若是綴五饒三又通一路始得有一般底祇解閉門作活不會奪角衝關硬節與虎口齊彰局破後徒勞綽幹所以道肥邊易得瘦肚難求思行則往往失粘心龕而時時頭撞休誇國手謾說神仙羸局輸籌卽不問且道黑白未分時一著落在甚麼處良久曰從來十九路迷悟幾多人文忠嘉歎從容謂同僚曰脩初疑禪語爲虛誕今日見此老機緣所得所造非悟明於心地安能有此妙旨哉

金山曇頴禪師

谷隱洞

潤州金山曇頴達觀禪師嘗謁大陽玄禪師遂問洞

山特設偏正君臣意明何事大陽曰父母未生時事  
師曰如何體會大陽曰夜半正明天曉不露師因然  
遂謁谷隱舉前話谷隱曰大陽不道不是祇是口門  
窄滿口說未盡老僧卽不然師問如何是父母未生  
時事谷隱曰糞鑿子師曰如何是夜半正明天曉不  
露谷隱曰牡丹花下睡猫兒師愈疑駭一日普請谷  
隱問今日運薪邪師曰然谷隱曰雲門問僧人搬柴  
柴搬人如何會師無對谷隱曰此事如人學書點畫  
可効者工否者拙蓋未能忘法耳當筆忘手手忘心  
乃可也師於是默契良久曰如石頭曰執事元是迷

契理亦非悟谷隱曰汝以爲藥語爲病語師曰是藥  
語谷隱呵曰汝以病爲藥又安可哉師曰事如函得  
蓋理如箭直鋒妙寧有加者而猶以爲病實未喻旨  
谷隱曰妙至是亦祇名理事祖師意旨智識所不能  
到矧事理能盡乎故世尊曰理障礙正見知事障續  
諸生死師恍如夢覺曰如何受用谷隱曰語不離窠  
臼安能出蓋纏師歎曰纔涉唇吻便落意思盡是死  
門終非活路○上堂三世諸佛是奴婢一大藏教是  
涕唾良久曰且道三世諸佛是誰奴婢乃將拂子畫  
一畫曰三世諸佛過這邊且道一大藏教是誰涕唾

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40

卷之三  
第十一  
師乃自睡一睡

大乘德遵禪師

谷隱聰  
法嗣

唐州大乘山德遵禪師問谷隱曰古人索火意旨如何曰任他滅師曰滅後如何曰初三十一師曰恁麼則好時節也曰汝見甚麼道理師曰今日一場因谷隱便打師乃有頌曰索火之機實快哉藏鋒妙用少人猜要會我師親的旨紅爐火盡不添柴

永慶光普禪師

谷隱聰  
法嗣

果州永慶光普禪師初問谷隱古人道來日大悲院裏有齊意旨如何曰日出隈陽坐天寒不舉頭師入

室次谷隱曰適來因緣汝作麼生會師曰會則途中受用不會則世諦流布曰未在更道師拂袖便出

駢馬李遵勗居士

谷隱聰  
法嗣

駢馬都尉李遵勗居士謁谷隱問出家事谷隱以崔趙公問徑山公案答之公於言下大悟作偈曰學道須是鐵漢著手心頭便判直趣無上菩提一切是非莫管○公一日與堅上座送別公問近離上黨得局中都方接塵談遡回虎錫指雲屏之翠嶠訪雪嶺之清流未審此處彼處的的事作麼生堅曰利劍拂開天地靜霜刀纔舉斗牛寒公曰恰直今日耳蹻堅曰

1 2 3 4 5 6 7 8 9 10

30 1 2 3 4 5 6 7 8 9

一箭落雙鵠公曰上座爲甚麼著草鞋睡堅以衣袖  
一拂公低頭曰今日可謂降伏也堅曰普化出僧堂  
○公臨終時膈胃躁熱有尼道堅謂曰衆生見劫盡  
大火所燒時都尉切宜照管主人公公曰大師與我  
煎一服藥來尼無語公曰這師姑藥也不會煎得公  
與慈明問答罷泊然而終語見慈明傳中

英公夏竦居士谷隱 聰嗣

英公夏竦居士字子喬自契機於谷隱日與老衲遊  
偶上藍溥禪師至公問百骸潰散時邢箇是長老自  
家底上藍曰前月二十離斬陽公休去上藍却問百  
骸潰散時邢箇是相公自家底公便喝上藍曰喝則  
不無畢竟邢箇是相公自家底公對以偈曰休認風  
前第一機太虛何處著思惟山僧若要通消息萬里  
無雲月上時上藍曰也是弄精魂

華嚴道隆禪師廣慧璉嗣

東京華嚴道隆禪師初叅石門徹和尚問曰古者道  
但得隨處安閑自然合他古轍雖有此語疑心未歇  
時如何石門曰知有乃可隨處安閑如人在州縣住  
或聞或見千奇百怪他總將作尋常不知有而安閑  
如人在村落住有少聲色則驚怪傳說師於言下有

10 1 2 3 4 5 6 7 8 9

20

30

1 2 3 4 5 6 7 8 9

省石門盡授其洞上厥旨後爲廣慧嗣一日福嚴承和尚問曰禪師親見石門如何却嗣廣慧師曰我見廣慧渠欲剃髮使我擎癡子來廣慧曰道者我有癡子詩聽取乃曰放下便平穩我時便肯伊因敘在石門處所得廣慧曰石門所示如百味珍羞祇是飽人不得

文公楊億居士廣慧璉

法嗣

文公楊億居士字大年幼舉神嬰及壯負才名而未知有佛一日過同僚見讀金剛經笑且罪之彼讀自若公疑之曰是豈出孔孟之右乎何僥甚因閱數板憮然始少敬信後會翰林李公維勉令叅問及由秘書監出守汝州首謁廣慧廣慧接見公便問布鼓當軒擊誰是知音者廣慧曰來風深辨公曰恁麼則禪客相逢祇彈指也廣慧曰君子可入公應喏喏廣慧曰草賊大敗夜語次廣慧曰秘監曾與甚人道話來公曰某曾問雲巖諒監寺兩箇大虫相較時如何諒曰一合相某曰我祇管看未審恁麼道還得麼廣慧曰這裏卽不然公曰請和尚別一轉語廣慧以手作拽鼻勢曰這畜生更跨跳在公於言下脫然無疑有偈曰八角磨盤空裏走金毛獅子變作狗擬欲將身

北斗藏應須合掌南辰後○公問廣慧曰承和尚有  
言一切罪業皆因財寶所生勸人踈於財利況南閻  
浮提衆生以財爲命邦國以財聚人教中有財法二  
施何得勸人疎財乎廣慧曰幡竿尖上鐵龍頭公曰  
海壇馬子似驢大廣慧曰楚雞不是丹山鳳公曰佛  
滅二千歲比丘少慚愧○公因微恙問環大師曰某  
今日忽違和大師慈悲如何醫療環曰丁香湯一盃  
公便作吐勢環曰恩愛成煩惱環爲煎藥次公呌曰  
有賊環下藥於公前以手側立公瞪目睇之曰少叢  
林漢環拂袖而出又一日問曰某四大將欲離散大  
都尉卽至公已逝矣

教外別傳卷八終



10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

論語或曰子游問孝子傳曰子曰德才兼備  
人情周密者曰德至學焉。或曰本末有於體  
而存乎用者曰才。余今曰德不盡于教化雖謂  
之才。曾三十公曰禮樂教化興曰德。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

九